

APOSEL **Aposel kame tuku piro**

Lukas nu Teofilus tuku waje armba kuyarningina. Nu ambonga kuyarna ta Yesus Kristus tuku pasa mayenu. Kile waje arnu te aposel kame pirokinaig tuku kuyarna.

Yesus nu samba mbol kambim bafuna sulumba nuje dubiwanu tanjo wam paguka saningina: Tane kilke tugu njakmba mbol kape sulumba ye tuku nyu saningap ngina. Tanjakina sulumba nu nane kusreka luka samba mbol kumba Tukul Guwa pilna le ndekina le nuje dubiwanu tanjo ta nane Tukul Guwa njak Yesus tuku minje kumu-kumumba kilke tugu njakmba mbol lika nu tuku pasa mayenu tanjo pino njakmba tumningmba saninge likinaig le nane sunjomba ngamunggal biye mbilmba Yesus tuku son nga kule pisne kile-likinaig.

¹ O Teofilus kaiye. Ye ambonga waje ande kuyarmba ne tuku pilen ta Yesus nu wam njakmba ke lika pasa tumningmba minna le ² ma ma Kuatenge te-dunga samba mbol kina. Nu Tukul Guwa njak minmba kambim tuku ait mbolnge aposel buk madingina ta wam paguningina. Ye wam ta njakmba waje mbolnge kubeu tinen.

³ Yesus nu rar tumba kummba manj tingina sulumba mara 40 sinamnge nu aposel tugumnge mayok ka Kuate nuje gageu kulatkate manjau ta tumningina sulumba wam afu sangrinu ke likina le kanjerkumba nu tingina wam ta kila pilnaig.

⁴ Nu nane ndon minmba tenmba saningina: Tane Yerusalem tumbran sungo te kusre ndawap. Mam nu ande kukulwa le tane ndon minmba minam tuku sakina ta nu tairnga minap. Ye o buk tane ta tuku satinjen. ⁵ Yohanus nu kulembi nane kule pisneningina. Mine minemba ye tane Tukul Guwambi tane tuku ngamungal kule pisne tanan tingamngit ngina.

⁶ Mara ande nane mangurka nu kusnanaig: Sungo, ne kile sine Israel mbal tuku muskil kiletidinga singine kilke singamngat e nginaig le ⁷ nu ndek saningina: Mam nu nuje nyu tambi wam kame mayok kambim tuku ait madiningina ta ginu mara ame ait mbolnge mayok kanjaig ta tane kila palmbim tuku manjau kuga. ⁸ Tukul Guwa tane mbolnge prowa le tane sangri nak minmba ambonga Yerusalemnge ngumnenga Yudea ma tugu Samaria ma tugu kilke tugu nakmba mbolnge lika ye tuku nyu saningap ngina.

⁹ Tanamba sanimba minna le nane nu kangermba minnaig le Kuatenge nu te-dunga tumba samba mbol kina le gau kaukauk ande pro nu songina le nane man nu kanjer ndanaig. ¹⁰ Nane samba mbol tandeka nu kina ndin ta kanjer timba minnaig le kile tanjo armba kumin kugen kaukauk nak tanje mayok kumba ndek nane saninginaig: ¹¹ Galilea mbal, ndanam tane samba mbol te tandeka mambimba minig. Kuatenge Yesus te-dungat le tane kusreka samba mbol ket le kanjeraig tanamba ndo nu man luka ndenungat nga saninginaig.

Tango ande Yudas tuku ma tina

¹² Kile nane tĩnga Olif tabe kusremba luka Yerusalem kinaig. Ndin ta kuen ndo kuga. ¹³ Nane kinaig ka Yerusalem promba nanĩgine wande minnaig ta ponga rum o mbolĩge ta sinam kinaig. Nyu nanĩgine ta tenemba. Petrus, Yohanus, Yakobus, Andreus, Filipus, Tomas, Bartolomeus, Mateus. Ande Alfeus tuku kiĩo nuĩe Yakobus. Ande Simon mape nyu ta Selot. Ande Yakobus tuku kiĩo nuĩe Yudas.

¹⁴ Pino kame afu Yesus ina nuĩe Maria ndoĩ, Yesus tuku maib kat nuĩe nane njakmba tanĩge manĩgurka njamunĩgal ulendimba Kuate yabanĩmba minnaig.

¹⁵ Ait ande Yesus dubinaig kuasmbi 120 tanaĩ manĩgurka minnaig le Petrus nu nane njamukĩge tĩnga sakina: ¹⁶ Tira kame, o buk Tukul Guwanĩge David tuku minĩge mbolĩge Yudas tuku sakina le kuyarna. Kuyar pasa ta njisinu kumunĩ kuga. Yudasĩge Yesus minna ma ta tumnĩngina le pro nu biye tinaig. ¹⁷ Tanĩgo ta nu sine piro tuma ande. Nu sine tuku piro inum nu biyna. ¹⁸ Nu mbar sunĩgokina le mbar ta tuku ndametiĩmbi kilke ande piyanaig. Nu gabat kumam te-tirka sanĩgrimba ndeka funĩgul puluka sina walelena le nu kumna. ¹⁹ Yerusalem mbal nane wam ta ismba kilke ta nyun ta Akeldama njinaig. Nyu ta tugunu Ndare Kutukina tuku Kilke.

²⁰ Mune wanĩe mbolĩge kuyar ande Yudas tuku tenemba minit.

Nuĩe wande ake minwa.

Ande manĩ tanĩge nda kinywa.

Mune 69.12

Kuyar ande mata tenemba sakate.

Ande nu nu tuku piro tuwa.

Mune 109.8

Kuyar pasa tanjamba sakate nga saningina.

²¹⁻²² Petrus nu man lato saningina: Sine tango ande te-silika madibe. Tango ta nu sine ndon Yesus tingina wam ta saka te-mayokam tuku. Yesus nu sine ndon minna le nane afu mara mara sine dubika lika minnaig tanan tango ande madibe. Ande nu Yohanus kule piseneningina ait mbolnge sine ndon minmba ka ka Yesus nu sine kusreka samba mbol kina tanan tango inum madibe ngina.

²³ Tanakina le nane tango armba nyun kilnaig ta ande Yosef ande Matias. Yosef nu mape nyu ande Yastus ande Barsabas. ²⁴ Nane tango ar ta kiletidinginaig sulumba yabanmba sakinaig: O Sungo, ne tango jakmba tuku wamdus kila. Tango ar te ima ne madina ta tumsinga. ²⁵ Yudas nu nuje minam tuku mbili nayonu mbol kumba piro ta kusrena. Tango ande tumsinga le nu piro ta biymba aposel nyu tamngat nginaig. ²⁶ Tanakinaig sulumba nane nangine manjambi kinaig le Matias tuku nyu mayok kina le nu aposel 11 ndon ulendikinaig.

2

Tukul Guwa ndekina

¹ Zu mbal tuku pagumba nye ait sungo ande nyunu Pentikos prona le Yesus dubinaig mbal wande ande mbolnge manjurka minnaig. ² Minnaig le samba mbolnge fudu sungo ande bubre suk ndeka prona sulumba wande minnaig ta fudu sungo ta kumungina. ³ Kile agan ande pa mane suk denpur-denpurka nane jakmba mbol kine likina le kanjernaig. ⁴ Tukul Guwa nu nane

ɲakmba mbol kumunɲina le nane ndek pasa kuale gilai ta sake lika minnaig.

⁵ Tanamba minnaig le Zu afu Kuate tuku nyu kurauka ma tugu kise kise mbolɲge promba Yerusalemɲge maɲgurkinaig ta ⁶ nane fudu sunɲo ta ismba pro nane tugumɲge maɲgurka naɲgine pasa kuale yimyam ise lika nane piriri ɲayomba wamdus te-sulunaig sulumba ⁷ pirerek purka sakinaig: i ... Nane ɲakmba te Galilea mbal ndo. ⁸ Ndanam nane sine ɲakmba tuku pasa kuale yimyambi sakade. ⁹ Sine afu Partianu, Medianu, Elamnu, Mesopotamianu. Sine afu Yudeanu, Kapadosianu, Pontusnu, afu Asianu. ¹⁰ Sine afu Frigianu, Pamfilianu, Isipnu, afu Sirene tumbran sunɲo patuk patuk tumbran fonfon Afrikanɲge progen. Sine afu Romɲge te progen ta afu Zu mbal afu kasomok mbal Zu mbal tanan Kuate dubiweg tuku. ¹¹ Sine afu Kretanu, afu Arabianu. Sine tanamba tanamba ma tugu yimyam mbolɲge prowe likeg. Kuate nu wam sangrinu kitek ke likate ta sinɲine pasa kualembi sakade le iseg ɲginaig.

¹² Nane ɲakmba pirerek purka wamdus te-sulumba munɲu kusnanɲginaig: Wam te tugunu ndanmba tuku ɲginaig le ¹³ afu nane nzumil te-ninmba sakinaig: Nane grep kule kamenu sunɲomba nyaig sulumba ɲginɲgankade ɲginaig.

Petrus nu Kuate tuku pasa kuklina

¹⁴ Tanakinaig le aposel 12 maɲgurka minnaig ta nane ɲgamukɲge Petrus nu tinɲa wi kuenka sanɲgina: Tane Yerusalem mbal Zu mbal ma tugu afu mbolɲge prowe likinaig tane ɲakmba kilba pilmba ye tuku pasa ise tiwap. ¹⁵ Kile maratukuk

ki ait 9 tate. Sine grep kule nyumba nginngakanu nga sasingig ta tanjamba kuga. ¹⁶ Tuan tanjo Yoel nu dir pasa sakina ta kile alonu mayok kinit. Nu tejenmba kuyarna.

¹⁷ Kuate nu sakate. Kilke kugawam tuku ait patukuwa le ye yiye Guwa kilke mbol mbal ningamngit.

Tanjawi le tane tuku kinjo kulim kame Tukul Guwanje pasa saninguwa le ismba kile-mayokkamngaig.

Tane tuku tanjo mo nane kinatanu suk aganj kanjerkamngaig. Tane tuku saibo nane kinymba kinja alo njak kanjerkamngaig.

¹⁸ Ait ta mbolnge yiye piro tanjo piro pino yiye Guwa ningi le nu nane pasa saninguwa le ismba kile-mayokkamngaig.

¹⁹⁻²⁰ Ye Sunjo, ye luka prowam tuku ait pro ndawa le tane katewam tuku ye samba mbolnge kilke mbolnge wam kitek sanjrinu kile-mayokkamngit.

Samba mbolnge ki bulu kugamba dabuka tambun ndare suk gurnungat. Kilke mbolnge ndare pa sunjo pa guwa dabuknu mayok ke likamngaig.

Tane wam njakmba ta kanjerka piriri njayowamngaig.

²¹ Ima nu Sunjonje turwa nga wikuwa ta ye nu tuku muskil te-tiwe tambimngit. *Yoel*
2.28-32

Yoel nu tanjamba Kuate tuku pasa kuyarna nga saningina.

²² Petrus man lato saningina: Israel mbal, tane pasa te ise tiwap. Nasaretnu tanjo Yesus Kuatenje kukulmba nu sanjri tuna ta tane kila. Nu

wam sangrinu kitek tane ngamuknge ke likina le kanjerkinaig. ²³ Ande nu Yesus tumba tane wai mbolnge palmbim tuku Kuate nu o buk wam dus ta tina. Tane nu ail kazrai mbolnge kumwa nga une mbal wai mbolnge pilnaig le nane nu balenaig le kumna. ²⁴ Kumna le Kuate nu Yesus tuku kume tuku sanjri pitaimba te-tina. Kume tuku sanjringe Yesus biye dewam kumuŋ kuga. ²⁵ David nu wam ta tuku o buk Kristus tuku miŋge tejenmba kuyarna.

Sunjo nu mara mara ye ndoŋ minit le kanjeret. Ye wam dus piti sulu ndawi nga nu ye ndinam kumamnge gemyumba minit.

²⁶ Ta tuku ye ngamuŋgal bulok gare ŋak minit.

Ye kumam tuku minit ta ye piti ndayate.

²⁷ Ye tuku kanu kumanu mbal tuku tumbranj kine nda.

Ye ne tuku piro tango yiŋe ngarosu menu tuku ndin tukulamngat.

²⁸ Abo minmba minam tuku ndin ne ye tumyate.

Ne ye ndoŋ mina le ye gare toramngit ngina. *Mune 16.8-11*

Petrus nu David tuku kuyar pasa taŋamba nane sanjgina sulumba sakina: ²⁹ Tira kame, ye pasa satinjamngit te tane kila. Singine mbuŋ David nu kumna le ngukinaig. Nu tuku kumu ta kile minit le kanjereg. ³⁰ David nu Kuate tuku tuan tango minmba nu tuku mbuŋ ande nu tuku ma mbolnge gabat sunjo minam tuku Kuate nu pasa sanjrinu sana ta nu kila minna. ³¹ Ta tuku David nu Kristus kummba tinjamngat wam ta kanjermba tejenmba sakina: Kristus nu kumanu mbal tuku tumbranj kine nda. Nu tuku ngarosu mata menu tuku ndin

tukulamngat ngina. ³² David nu pasa kuyarna ta Yesus tuku kuyarna. Nu kumna le Kuate nu te-tina le tingina. Sine njakmba wam ta kanjergenj. ³³ Kuate nu Yesus te-dunja nuje ndinam kumamnge pilna sulumba nuje pasa sangrinu sakina ta kumumba Yesus Tukul Guwa tuna. Tanjamba ndo kile nu sine Tukul Guwa sinjat le nu tuku sanjri ismba kanjerde te.

³⁴ David nu samba mbol kine ndakina ta nu tenjemba Kristus tuku sakina.

Sunjo Kuatenge ye tuku Sunjo sana: Ne ye tuku ndinam kumam tenge sanjri njak minyok mina le ma ma ³⁵ yenje ne tuku njeue mbal njakmba kile-ibenjka ne tuku kupe kum-nemnge patikamngit ngina. *Mune 110.1*

³⁶ Tane Israel mbal wamdus pulutinguwa. Tane Yesus tumba ail kazrai mbolnge balenaig ta Kuate nu tanjo ta tumba nuje madina tanjo nga tanjo njakmba tuku Sunjo pilna nga saningina.

Nane gudommba ngamungal mbilmba son nginaig

³⁷ Zu mbal pasa ta ismba sine sinjka mbargen nga nane ngamungal rar sunjo kamusmba Petrus aposel afu turmba saninginaig: Tira kame, sine ndanje o nginaig le ³⁸ Petrus nu ndek nane saningina: Tane ngamungal biye mbilmba tanjine manjau njagonu kusreka Yesus Kristus ndonj ulendika kule pisne tap. Tane tanjap le Kuate nu tane tuku une njakmba sauka gilainga Tukul Guwa tinjamngat. ³⁹ Kuate nu tane tanjine kinjo kame kasomok mbal turmba idusnjmba o buk Tukul

Guwa tanjo ningamngit ngina. Sunjo Kuate nu ima kate wikate ta nu Guwa ningit nga saningina.

⁴⁰ Petrus nu tanjamba pasa lato saningmba sakina: Tangine kuasmbi tuku manjau nayonu kusrewap le Kuate nu tane tuku muskil kile-tidinguwa ngina le ⁴¹ nane nu tuku pasa ismba son nginaig mbal nane kule pisne tinaig. Ki ait ta mbolnge nane gudommba 3,000 tanaj Yesus dubinaig mbal ndonj ulendikinaig sulumba ⁴² nane mara mindek aposel kame tuku wam pagu pasa ismba nane wamdus ulendi tuma isukusmba pasa nyumba Kuate yabanmba minnaig.

⁴³ Aposel kame nane wam kitek gudommba sangrinu ke likinaig le nane njakmba Kuate tuku nyu kurauka kuru-kuruka minnaig. ⁴⁴ Nane son nginaig mbal njakmba tuma minmba nangine aganj ndende munju ngail ngail ndakinaig. ⁴⁵ Nane afu aganj denkanu ta nangine ngamukok aganj ta kilmba piyamba ndametiñ tambi nane turkanu. ⁴⁶ Mara mindek nane kusem wande sunjo sinam tanje manjurka nangine wande yimyam mbolnge tuma isukusmba gare-gareka wamdus bulok njak ulendi minanu. ⁴⁷ Nane tanjamba Kuate tuku nyu te-dunga minanu le tanjo pino njakmba nane tuku saka minanu. Mara mindek Kuate nu afu tuku muskil kile-tidinganu le nane ka Yesus tuku kuasmbi ndonj ulendikanu.

3

Tanjo ande kupe baklelok mayekina

¹⁻² Tanjo ande ina sinamnge kupe baklelok mayok kina. Mara mindek nane afu tanjo ta sukunja tanjo pino ndametiñ yabanningam

tuku kusem wande malanga ande nyunu Maditak tugum tanje palmbinu.

Ait ande Petrus nale Yohanus ndonj Kuate yabanjam tuku ait ki kanum 3 mbolnje nale kusem wande ta mbol kinaik. Kinaik le nane afu man tango ta sukunja pro tanje pilnaig.

³ Kile Petrus nale kusem wande sinam kambim bafunaik le tango ta nale kanjerka aganj inum tuwaik nga nale yabanjikina. ⁴ Yabanjikina le Petrus nale nu fumble timba sanaik: Ne sile kanjerka nginaik. ⁵ Tanjakinaik le nu idusna aganj ande ye sam tuku sayade nga idusmba nu nale kanjer tidinga minna le ⁶ Petrus nu ndek sana: Ye gol silwa ndametinj kugatok ta ye ne aganj ande tanbimngit. Ne Nasaretnu tanjo Yesus Kristus tuku sanjri mbolnje ne tinga lika ngina.

⁷ Tanjakina sulumba nu tango ta tuku wai ndinam biymba te-dungina le rakukadu kupe mbain turmba sanjri tingina. ⁸ Tanjana le nu pitik ndo pastinga nale ndonj kusem wandek sinam kumba gare-gareka Kuate tuku nyu te-dunga nu kumbanje pate-patenga kina. ⁹ Nu kumbanje Kuate tuku nyu te-dungina le tango pino nu kanjermba kila pilmba sakinaig; ¹⁰ i... Kusem wande malanga Maditak tugumnje ndametinj yabankate tango ta not nginaig. Tanjamba nane pirerek purka wamduis te-sulumba minnaig.

¹¹ Tanjo ta Petrus le Yohanus bigmba nane ma ande nyunu Solomon tuku kawanj pronaj le nane gudomma pinder-pindermba pro tango ta kanjermba pirerek purka wai makemba minnaig le ¹² Petrus nu wam ta kanjermba nane saningina: Israel mbal, ndanam saka tane pro wam te tuku

pirerek purka am goka sine kanjer tidingade. Sile tanjo magenu sikile sanjrimbi tanjo te wakeiwanu nga idusde e? Tanjamba kuga. ¹³ Abraham Isak Yakob singine mbunjakmba tuku Mbara nu nuje piro tanjo Yesus tuku nyu mbol kuwa nga nu wam te kate. Tane Yesus tumba gafman tuku wai mbolnje pilnaig le Pilatus nu Yesus paskam tuku sakina ta tane sanjri maramba mbulnaig. ¹⁴ Kuate tuku tanjo purfen nu ta tane mbulmba tanjo balewanu tanjo paska te-mayokam tuku Pilatus sanaig. ¹⁵ Tane abo tugu miro balenaig. Tane balenaig ta Kuate nu te-tina le tingina le sile Yohanus ndon kanjerkej. ¹⁶ Tane tanjo kanjerde te sile Yesus tuku sanjri tomba tinga tanjo te kupe te-tiwe tukik le tane jakmba am mbolnje nu mayekat.

¹⁷ Yinje tira kame, tane gabat kame ndon Yesus mbolnje wam najonaig ta tane nu tuku tugu katese ndamba tanjanaig ta ye kila. ¹⁸ Kuate nu o buk nuje tuan tanjo kame tuku minje mbolnje nuje madina tanjo rar tam tuku sakinaig ta alonu Yesus mbolnje kumungina. ¹⁹ Ta tuku tanjine manjau najgonu kusreka ngamungal biye mbilap le Kuate nu tane tuku une jakmba sauke sulumba tane wamdus bul sertinguwa le gare jak minamngaig. ²⁰ Nu Yesus kukulwa le tane tugum prowamngat. Nu o buk tane muskil kile-tidinge tingam tuku nu pilna. ²¹ Kile nu samba mbolnje minmba Kuate nu wam jakmba kile-tidinguwa le wam tugusek ndo minam tuku ait tairnga minit. O buk Kuate nu nuje tuan tanjo kame tuku minje mbolnje ait ta tuku sakina. ²² Moses nu tenemba sakina.

Sunngo Kuate nuŋe pasa te-mayokam tuku ye tuan tanngo pilna tanjamba ndo nu sine Israel ngamukŋge tuan tanngo ande palmbimngat. Tane nu tuku pasa njakmba ise tiwap.

²³ Ande nu nu tuku pasa talawa ta Kuatenge nuŋe mbal ngamukŋge paska tumba kasomŋge pilwa le nu ngisikamngat. *Lo 18.15-19*

Moses nu tanjamba sakina.

²⁴ Kuate tuku tuan tanngo Samuel tuan tanngo afu nu ngumnemŋge mayok kinaig ta nane njakmba ait te mbolŋge wam prowam tuku sake likinaig. ²⁵ Tane Kuate tuku tuan tanngo kame tuku mbuŋ. Kuate nu pasa sangrinu tanjine mbuŋ niŋmba Abraham ndon wamdus ulendika siŋka son pasa sakina ta tane tuku turmba sakina. Nu teŋenmba Abraham sana. Ne tuku mbuŋ kat nane mbolŋge kilke tugu njakmba mbolŋge ye wam mayenu kamngit ngina. ²⁶ Kuate nu nuŋe piro tanngo te-tina sulumba sine Israel mbal maŋau njaigonu kusreka gare maŋau mbolŋge minbe nga nu Yesus kukulna le ambonga sine tugum prona nga saningina.

4

Nane Petrus nale muliŋ kilmba wandekŋge patikinaig

¹ Petrus nale Zu mbal pasa niŋmba minnaik le kusem wande tuku polis gabat kame pris mbal Sadusi afu nane njakmba maŋgur ta tugum pron-aig. ² Pro Petrus nale Yesus kummba maŋ tingina tanjamba tanngo mata kumbe sulumba tingamngig nga pasa tumniŋmba minnaik le nane ismba

palsenningina. ³ Palsenningina le nale bige tidinga kilmba furirte nga indole nale pasa te-tiwaik nga mulin kilmba wandeknge patikinaig. ⁴ Tananaig ta nane Petrus tuku pasa isnaig mbal ta gudommba Yesus dubinaig mbal ndon ulendika tango 5,000 tanan mayok kinaig.

⁵ Mafena le Israel gabat sugo Israel mage mage kusem pasa biteknganu mbal nane nakmba pro Yerusalemnge mangurkinaig. ⁶ Pris gabat sungo Anas nu tuku ndare tuma Kaiafas Yohanus Aleksander nane mata pronaig. ⁷ Nane mangurka polis kame kukulninginaig le nane ka Petrus nale kilmba pro pasa mbolnge kile-tidinginaig le gabat sugo nale kusnanikinaig: Tale wam kinaik ta sangri ta imange tikina? Imange tale kukultikina nginaig le ⁸ Tukul Guwange Petrus wam dus tuna le nu nane saningina: Singine gabat, singine mage mage tane isap. ⁹ Sile tango kupe baklelok turkik le nu mayekat. Tane ta tuku sile pasa mbolnge kile-tidingaig ndeta ¹⁰ tane gabat mbal Israel nakmba pasa te ismba kila palpe. Tango kupe baklelok mayekat le kile kangerde te tugunu tenenmba. Nasaretnu tango Yesus Kristus nu tuku sangrimbi tango te kupe te-tiwik. Tane nu ail kazrai mbolnge balenaig ta Kuate nu tumba te-dungina. ¹¹ Kuyar pasa ande tenenmba sakate.

Ndame ande tane ndame wande pilig mbal gisleknu nga te-sinaig ta kile wande ta tuku ndame nakmba nu mbolnge sangri tingade ngate. *Mune 118.22*

Ndame ta Yesus. ¹² Kilke mbol mbal ngamuknge sine kile-luka kilam tuku Kuatenge Yesus singina.

Ande nu siŋgine muskil kile-tidiŋge siŋgam tuku mine ndakate ŋga saniŋgina.

¹³ Petrus le Yohanus kuru kuru kugatok miŋge bulok sakinaik le gabat mbal nane wam ta kaŋgermba taŋgo ar te ake taŋgo ndo kila kugatok ŋga wamdus te-sulunaig. Taŋamba nale Yesus ndoŋ minnaik ta katesenaig.

¹⁴ Kupe baklelok taŋgo mayekina ta Petrus nale ndoŋ taŋge tiŋ minna tukunu nane kaŋgermba nale tuku pasa pitaiwam tuku ndin ande kaŋger ndanaig. ¹⁵ Taŋamba nane polis kame saniŋginaig le nale kilmba mayok kinaig. Mayok kinaig le naŋgine naŋgine muŋgu kusnaŋga ndin sota ¹⁶ sakinaig: Sine taŋgo ar te mbolŋge ndaŋbe. Nale wam kitek saŋgri ŋak kinaik ta Yerusalem mbal ŋakmba isnaig. Sine wam ta tomba yabukam kumuŋ kuga. ¹⁷ Nale tuku pasa taŋgo pino ŋgamukŋge sunŋgokikat. Ta tuku sine maŋau te peuwam tuku nale Yesus tuku kuasmbi afu maŋ saka tum ndaniŋgap ŋga rironŋ pasa niŋbe ŋginaig.

¹⁸ Taŋakinaig sulumba nale maŋ wika pasa saŋgrinu sanikinaig: Tale Yesus tuku maŋ afu saka tum ndaniŋgap ŋginaig le ¹⁹ nale ndek lafumba sakinaik: Sile Kuate tuku miŋge dubipe e ko taŋgo tuku miŋge dubipe? Ame wam Kuate am mbolŋge mayenu. Taŋgine wamdus sinamŋge pilewap. ²⁰ Sikile ammbi aganŋ kaŋgerka pasa iskenŋ ta miŋge tukule nda ŋginaik. ²¹ Taŋakinaik le gabat mbal maŋ lato rironŋ pasa saŋgrinu sanikmba nale kukulnikinaig le kinaik.

Taŋgo pino ŋakmba taŋgo mayekina le kaŋgermba Kuate tuku nyu te-duŋginaig. Ta tuku gabat sugo

nane tanjo pino tuku kuru-kuruka nale ake kukul-nikinaig le kinaik. ²² Tanjo wakeinaik ta nu yar 40 buk kusrena tuku.

²³ Kile Petrus nale kumba ka nakile mbal kile-siglika pris gabat kame Israel mage mage tanjamba tanjamba manjau sake likaig nga kubeu ninginaig le ²⁴ nane pasa ta ismba wamdus ndindo ulendi pilmba ndek Kuate yabanjamba sakinaig: O Sunjo, ne sangri tugu. Ne samba kilke yu aganj ndende njakmba nenje ndo kile-mayokkina. ²⁵ O buk nane piro tanjo singine mbun David nu Tukul Guwanje wamdus tuna le pasa ande tenenmba kuyarna.

Ndanam kasomok mbal nane Kuate tuku gubra kagli tornaig. Ndanam nane ake sinanj wam njayonu kam idusnaig.

²⁶ Kilke te tuku nyu njak mbal kame buwam saka tinga

gabat sugo afu ndon ulendika manjurka Kuate nune madina tanjo ndon kame buwam idusnaig njina. *Mune 2.1-2*

²⁷ O son. Sine ne tuku pasa ta alonu kilimok kanjengen. Herodus, Pontius Pilatus, kasomok mbal Israel mbal afu turmba nane Yerusalemnge manjurka ne madina tanjo Yesus balewam tuku sakinaig. ²⁸ Nane Yesus tumba balenaig ta ne o buk nane sangri nane wamdusmbi wam afu mayok kambim tuku idusna ta nane ta kumunaig.

²⁹ O Sunjo, nane sine mata njaijo siglikam tuku saka minig. Ta tuku sine ne tuku piro mbal kuru kuru kugatok minje bulokmbi ne tuku pasa kukliwam tuku sine sinzansinga. ³⁰ Ne nane sangri temayokmba nane piro tanjo purfenju Yesus tuku

nyu mbolŋge guaze mbal wakeika wam saŋgrinu kitek ke lika ŋginaig.

³¹ Nane yabaŋ denpurnaig le nane minnaig wande ta buru-burukina. Buru-buruka Tukul Guwa nane tuku wamdus kumuŋgina le nane wamdus bulka Kuate tuku pasa miŋge bulokmbi saka minnaig.

Yesus tuku son ŋginaig mbal tuku manau

³² Yesus tuku son ŋginaig mbal nane ŋakmba ŋgamuŋgal wamdus ulendimba minnaig. Naŋgine agaŋ ndende mata ulendimba ŋakmba tuma minam tuku patikinaig.

³³ Aposel nane Sunjo Yesus tingina le kaŋgergeŋ ŋga pasa saŋgri ŋak saka minnaig le Kuate nu nane sinzaŋningina le nane mine magenaig.

³⁴ Nane afu kilke ŋak wande ŋak afu tugumuŋge piyaniŋmba ndametiŋ kilmba pro aposel kame niŋganu. ³⁵ Naŋgine mbal afu agaŋ denkanu ta nane ndametiŋ ta kilmba walmba niŋganu.

³⁶ Nane tuku taŋgo ande Siprusnu nyunu Yosef nu Levi tuku ndare. Nane aposel kame nu tuku mape nyu Barnabas ŋginaig. (Barnabas nyu ta tugunu: Nu taŋgo wamdus bul serniŋgit tuku).

³⁷ Nu mata nuŋe kilke piyamba ndametiŋ kilmba aposel kame niŋgina.

5

Ananias le Safira

¹ Taŋgo ande nyunu Ananias nu piyo nuŋe Safira ndoŋ kilke inum piyamba ndametiŋ kilnaik. ² Kilnaik sulumba Ananias nu ndametiŋ ŋgamuŋge paplamba inumnu nakile pilmba

inumnu aposel ningam tuku idusmba piyo nuņe sana le wokina. Nu ndametiņ inumnu tumba pro aposel ningina sulumba sakina: Sile sikile kilke piyamba ndametiņ kilcik ta noten ndo ngina.

³ Tanakina le Petrus ndek nu sana: Ananias, ne ndaņam Satanņge wamdus tanet le ne ndametiņ paplamba inumnu naņe kusremba inumnu tumba pro Tukul Guwa yabri pakte. ⁴ Naņe kilke minat ta ne kile piyawat sulumba ndametiņ kilat. Ndametiņ ta naņe agaņ. Ndametiņ ta paplamba afu sine singam idusmba ko naņe ŋakmba kilam idusmba ndeta ta maye. Naņe ndametiņ. Ndaņam ne maņau ŋayonu kam tuku idusat. Ne sine yabri ndasiņgit. Ne Kuate yabrite ŋga sana.

⁵⁻⁶ Ananias nu pasa ta ismba nu kumaknu ndekina. Kumna le taņgo mo afu promba wandek taņge nu tuku mindesiņ tawimbi songa tumba ka ŋgukinaig. Ananias nu kumna le nane wam ta isnaig mbal nane kuru kuru suņgo tinaig.

⁷ Tanamba minnaig ma ma ki kanum keņmba kinaig le piyo nuņe Safira nu taņgo nuņe wam kina ta nu katese ndamba wande ta mbol prona. ⁸ Prona le Petrus ndek nu kusnana: Takile kilke piyamba ndametiņ kilaik ta noten ndo e ŋga kusnana le nu lafumba au not ndo ngina. ⁹ Tanakina le Petrus ndek nu sana: Tale ndaņam saka Suņgo tuku Guwa tagowam tuku pasa ulendiwaik. Ata. Taņgo mo taņgo naņe tuku mindesiņ ŋgukaig ta kupe fudu isa. Malaņga tugum prode ta. Nane kile ne mata taņawamņgaig ŋgina le ¹⁰ nu pitik ndo Petrus tuku kupe tugum taņge kumaknu ndekina le taņgo mo pro nu kaņgermba nu tuku mindesiņ mata tumba

ka tanjo nuŋe gemmba ŋgukinaig.

¹¹ Tanjanaig le Yesus tuku kuasmbi nane kuru kuru sunjo tinaig. Mbal afu kasomŋe minnaig mata pasa ta ismba nane kuru-kurukinaig.

Aposel kame wam sangrinu ke likinaig

¹² Aposel kame tanjo pino ŋgamukŋe wam afu kitek sangrinu ke likinaig. Nane mara mindek kusem wande ta mbol kumba Solomon tuku kawanŋe manjurka minanu. ¹³ Manjurka minnaig le nane ŋakmba nane tuku saka minmba pro nane ndoŋ ulendikam tuku kuru-kurukinaig.

¹⁴ Nane gudommba son ŋga nane ndoŋ ulendikinaig le Sunjo tuku mbal tugekina. ¹⁵ Yerusalem mbal nane guaze mbal kilmba pro ndinŋe yanjo fariŋe lika patikinaig. Ta ndanam? Petrus nu kuwa le nu tuku kanumnunŋe ndo nane mbol kuwa le nane magekuwaig ŋga idusmba patike likinaig. ¹⁶ Yerusalem patukŋe tumbraŋ mine likinaig nane mata guaze mbal afu guwa ŋaigonu ŋak kilmba pro patike likinaig le ŋakmba magekinaig.

Nane aposel kame piti niŋginaig

¹⁷ Pris mbal tuku gabat sunjo Sadusi mbal nu ndoŋ wamdus ulendi minnaig ta nane aposel kame piro kinaig ta ismba nane sine tuku piro lide ŋga nane gubra kagli firkinaig sulumba ¹⁸ nane kumba aposel kame bige tidinŋa muliŋ kilmba wandekŋe patikinaig.

¹⁹ Nane tanje minnaig le ka furirna le Sunjo tuku eŋel ande pro wande malanŋa talka nane kilmba kile-mayokka saniŋgina: ²⁰ Tane kape sulumba kusem wande sinam tanje tanjo pino abo tugu tam tuku ndin tumningap ŋgina le ²¹ nane

pasa ta ismba mafewam patukina le nane kumba ka kusem wande sinam tanje pasa kuklimba minnaig.

Kile pris gabat sunjo nane nu ndon minnaig mbal pro Israel pasa pilewanu sugo nanjine mage mage turmba manjurkam tuku saninginaig sulumba aposel kame kilmba te prowaig nga polis mbal kukulninginaig le muli wande sinam kinaig. ²² Nane pro muli wande sinam kumba nane kiringa luka kumba saninginaig: ²³ Sine kumba ka muli wande su ndinanu kanjergig. Polis mbal malanga kulat mayemba minnaig le sine malanga talka sinam kumba nane kanjer ndakigig nginaig. ²⁴ Tanjakinaig le kusem wande tuku polis gabat pris gabat mbal nane pasa ta ismba nane kuru-kuruka pasa te tugeka kumunga ka animnge tinungat o nga wamdus te-sulumba minnaig.

²⁵ Tanjamba minnaig le tanjo ande nane tugum promba saningina: Tane tanjo kame mulin kilmba wandeknje patikaig ta nane kusem wande mbol sinje tanjo pino pasa tumningmba minig ngina. ²⁶ Tanjakina le kusem wande kulat gabat nune polis tanjo afu ndon nane kumba ka aposel kame ngan kilmba pronai. Nane tanjonje ndamembi bale farsinbekaig nga idusmba tanjanaig.

²⁷ Kilmba promba Israel mbal tuku pasa pilewanu sugo tumailamnge kile-tidinginaig le pris gabat sunjo nu nane kusnaningina: ²⁸ Sine buk Yesus tuku manau nane afu sa ndaningap nga peutingigen ta tane ise ndaka saka saka likade le Yerusalemnge buk sunjoka tugekate. Tane tanjo kumna ta tuku ndare sine pasokuwa nga tanjade

e ngina le ²⁹ Petrus aposel kame nane lafumba nu sanaig: Sine Kuate tuku minje pitaimba tanjo tuku minje dubiwam kumuŋ kuga. ³⁰ Tane Yesus kumwa nga ail kazrai mbolŋge balenaig ta singine mbuŋ kame tuku Mbaranŋge te-tina le abonŋa tinŋina. ³¹ Sine Israel mbal ngamuŋgal biye mbilbe le Kuate nu sine tuku une saukamngat. Ta tuku nu Yesus tumba te-dunŋa nuŋe ndinam kumamngge pilna le kile nu sine ŋakmba tuku gabat sunjo minit. Nu sine tuku muskil kile-tidinŋe singit tuku tanjo. ³² Sine wam ta ŋakmba kile-mayokka sakam tuku mineg. Sine ndo kuga. Tukul Guwa nu mata wam ta kile-mayokkate. Kuate tuku minje pasa ismba dubide mbal nane ŋakmba nu Tukul Guwa niŋgit nga pris gabat sunjo ta sanaig.

³³ Tanakinaig le gabat kame nane pasa ta ismba gubra kagli tormba nane aposel baleniŋgam tuku idusmba saka minnaig.

Gamaliel nu aposel kame mapekina

³⁴ Pasa pilewanu tanjo ngamukngge Farisi tanjo ande nyunu Gamaliel minna. Nu Moses tuku wam pagu pasa kukliwam tuku tanjo. Tanjo pino ŋakmba nu tuku saka minnaig.

Tanjo ta tinŋa aposel kame ka kilimngge ait fagnu minap ngina le nane kinaig. ³⁵ Nane kilimngge minnaig le Gamaliel nu gabat sugo saniŋina: Israel gabat kame, tane wam ande nane mbolŋge kam tuku idusde ta ambonŋa tane wamdus temayewap sulumba. ³⁶ O buk tanjo ande nyunu Teudas nu mayok ka ye nyu ŋak ngina le nane gudommba 400 tanan nu dubinaig. Dubimba minnaig ma ma tanjo afunŋe nu balenaig le nu

dubinaig mbal kua ka sili-silinaig le nu tuku piro kumna. ³⁷ Ngumneŋga taŋgo nyu kuyaram tuku ait ande mbolŋge Galileanu taŋgo nyunu Yudas nu mayok ka nane gudommba didike likina. Didike likina le nane afuŋge nu balenaig le nu dubinaig mbal kua ka sili-silinaig. ³⁸ Ta tuku ye tane satinŋamŋgit. Taŋgo kame te ŋaigo sigli ndaka kusrekap. Nane nanŋine wamdusmbi pirokade ndeta piro ta kugamba ŋgisikamŋgat. ³⁹ Piro te Kuate mbolŋge prote ndeta sine kume seram kumuŋ kuga. Sine kume seram tagobe ta Kuate ndon kame bumba minbekig ŋgina.

⁴⁰ Tanakina le gabat sugo nu tuku pasa dubimba aposel kame maŋ wika polis kameŋge nane ŋgusniŋguwaig ŋga saniŋginaig. Ngusniŋmba riron pasa saniŋmba Yesus tuku nyu afu sa ndaniŋgap ŋga kukulniŋginaig le mayok kinaig. ⁴¹ Mayok ka maŋgur wande kusremba nane ndek sakinaig: Ese. Sine Yesus ndon mineg tukunu rar te kuraweg. Sine nu mbolŋge rar te tam tuku Kuate nu sine madisiŋgina ŋga gare-gareka kinaig.

⁴² Tanamba nane nanŋine piro kusre ndanaig. Nane mara mindek kusem wandekŋge nanŋine wande yimyam mbolŋge taŋgo pino tumniŋmba Yesus nu Kristus Kuatenŋge madina taŋgo ŋga saka minnaig.

6

Aposel kame turniŋgam tuku afu madiniŋginaig

¹ Ait ta mbolŋge Yesus dubinaig mbal gudommba mayok kinaig. Nane afu Grik pasa tinaig tuku afu Hibru pasa tinaig tuku. Grik pasa tinaig

mbalnge Hibru pasa tinaig mbal ndon gubra pilnaig. Ta ndanam? Mara mindek aposel kame nyamagan paplamba walanu le Hibru mbal nangine pino kuembol niŋmba Grik mbal tuku pino kuembol nda niŋganu.

² Aposel kame 12 gubra pasa ta ismba nane ŋakmba kile-maŋgurka saniŋginaig: Tira kame, sine aposel Kuate tuku pasa kukliwam tuku piro kusremba nyamagan ndo walam kumuŋ kuga. ³ Ta tuku kile taŋine taŋgo 7 madiniŋgap. Taŋgo afu Tukul Guwa nane tuku wamdus kumuŋganu taŋgo pino nane tuku saka minig ta kaŋgerka madiniŋgap. ⁴ Taŋawap le sine Kuate yabaŋmba nu tuku pasa kukliwam tuku piro ta ndo idusbe ŋginaig.

⁵ Taŋakinaig le nane pasa ta ismba ŋakmba gareniŋgina le nane taŋgo 7 madiniŋginaig. Ande nyunu Stefanus nu ŋgamuŋgal son saŋgri ŋak. Tukul Guwa nu tuku wamdus kumuŋgina. Afu Filipus, Prokorus, Nikanor, Timon, Parmenas, Nikolaus. (Nikolaus nu Antioknu. Nu Zu taŋgo kuga ta nu Zu taŋaŋ Kuate dubina). ⁶ Nane taŋgo kame ta kilmba aposel kame tugum pronaig le aposel kame wai nane mbolnge patika yabaŋnaig.

⁷ Kuate tuku pasa Yerusalemnge suŋgoka tugekina le nane gudommba mbilka ŋgamuŋgal son ŋginaig le Yesus dubinaig mbal tugeka suŋgomba pronaig. Pris gudommba mata Yesus son ŋga nu dubinaig.

Zu mbal Stefanus tumba pasa mbolnge pilnaig

⁸ Kuate nu Stefanus make pilmba saŋgri tuna le nu wam kitek saŋgrinu taŋgo pino ŋgamuknge ke

likina. ⁹ Tanjana le Zu mbal afu nu ndonj pasambi kualeyaukam bafunaig. Nane tuku kusem wande nyunu Friman. Nane afu Sirenenu afu Aleksandrianu afu Silisianu afu Asianu nane Friman mbal ndonj ulendika Stefanus tugum promba pasambi kualeyaukinaig. ¹⁰ Tanjanaig le Tukul Guwa nu Stefanus wamdus mayenu tuna le nu pasa tina ta nane pasa lafu fugunaig. ¹¹ Lafu fugunaig sulumba nane ka tanjo afu ndametiñ niñmba saniñginaig: Stefanus nu Moses le Kuate tuku nyu ñaigo siglikina le isgenj nga tanjo pino ñgamukñge sakap ñginaig.

¹² Nane kumba tanjamba sakinaig le tanjo pino Israel mage mage kusem pasa bitekñganu mbal nane ñakmba ismba wamdus pa sunjo tumba kumba Stefanus biye timba ka Israel mbal pasa pilewanu sugo tugumñge te-tinaig. ¹³ Te-tinaig sulumba nane tanjo afu buk wam paguniñginaig ta nane tinja yabri pasa sakinaig: Tanjo te nu mara mara siñgine kusem wande tukul pasa turmba nuñe pasambi kilmba ñaigo siglikate. ¹⁴ Nasaretnu tanjo Yesus nu wande te sambrimba Moses tuku wam pagu pasa sine dubikam tuku siñgina ta nu mbilmba mañau kitek kile-mayokkamñgat nga sakina le isgenj ñginaig.

¹⁵ Israel pasa pilewanu tanjo sugo nane Stefanus kanjer timba minnaig le nu tuku tumail pasi mbilka enjel tumail suk mayok kina le kanjernaig.

7

¹ Nane Stefanus kanjer timba minnaig le pris gabat sunjo ndek nu kusnana: Nane ne mbolñge pasa pilig te son e ñgina le ² nu lafumba sakina:

Yiŋe tira kame yiŋe mam kame tane isap. Siŋine mbuŋ Abraham nu Haran kilke mbol nda kina sulumba nu Mesopotamia kilke mbolŋge minna le Sunjo Kuate kilŋa ŋak nu tugumŋge mayok ka sana: ³ Ne naŋe kuasmbi naŋe kilke kusreka kaye. Yeŋge kilke kise ande tumnamŋgit ŋgina.

⁴ Tanjaka sana le nu ndek nuŋe kilke tuguk Kaldea kusremba kumba ka ka Haran kilke mbol prona. Pro tanŋe minna le mam nuŋe kumna. Kumna le Kuatenŋe kilke kise ande mbol kaye ŋgina le nu tiŋga kumba ka ka kile sine mineg ma te mbol prona. ⁵ Nu abo abo kilke te mbol prona le Kuate nu kilke te fudiŋmba tuwe ndaka nu pasa saŋgrimbi nu kilke te Abraham nuŋe ndare ŋakmba niŋgam tuku sana. Kuate nu sana ait ta nu kiŋo kugatok minna. ⁶ Nu teŋenmba Abraham sana: Ne tuku mbuŋ kilke te kusremba kilke kise mbolŋge rawe tanjo tanjaŋ minamŋgaig. Minwaig le kilke ta mbolok mbal nane piti sunjo niŋguwaig le nane tuku piro agaŋ tanjaŋ minmba ka yar 400 kugawamŋgaig. ⁷ Yar 400 kugawaig le ye kilke ta mbolok mbal piti niŋgi le naŋe mbuŋ kusrekuwaig le nane kilke ta kusremba luka ma te mbol promba ye tuku nyu te-duŋga mbariŋyumba minamŋgaig ŋgina.

⁸ Tanjakina sulumba Kuate nu Abraham ndoŋ pasa katmba ŋgaro pikam tuku maŋau te-mayokna. Ngumneŋga nuŋe kiŋo Isak te-pilmba mara 8 mbolŋge nu tuku ŋgaro pikna. Isak nu sunjoka Jakob te-pilmba nu mata Jakob mbolŋge tanjana. Jakob nu sunjoka kiŋo 12 kile-patikina ta nane sine tuku asitibud. ⁹ Siŋine asitibud 11 maib naŋgine Yosef mam nu make pilit ŋga gubra kagli

firka nu tumba mbal kise tugumnge piyanaig le nane nu tumba nanjine kilke Isip kinaig. Tanjanaig le Kuate nu Yosef kusre ndana. ¹⁰ Piti gudommaba nu mbolnge prove likinaig ta Kuate nu Yosef kulat mayena. Mara ande nu Isip gabat tugumnge tingina le Kuate nu wamdus kuyar sunjo tuna le Farao nu nzalinu nuje piro mbal Isip njakmba kulatkam tuku nu gabat pilna.

¹¹ Kile guba sunjo Isip le Kanan kilke mbolnge prona le nane nyamagan kiringa sinamanzer sunjo tinaig. Singine asitibud mata Kanan kilke mbolnge nyamagan kiringinaig. ¹² Singine mbun Jakob nu Isipnge wit minig nginaig pasa ta ismba nuje kiyo kame wit afu piyaningam tuku kukulningina le kinaig. ¹³ Tanjamba minmba ma ma man lato kukulningina le kinaig le kile Yosef nu nuje nyu te-mayokna le aba kat nuje kila pilnaig. Farao nu mata Yosef tuku ndare kila patikina.

¹⁴ Kile Yosef nu mam nuje, nuje tugu kame Isip prowam tuku pasa pilna. Nane njakmba 75. ¹⁵ Tanjamba Jakob nane Isip kilke mbol kinaig. Kinaig ka tanje minnaig ma ma Jakob nu kumna. Kumna le minnaig ma ma singine mbun afu mata kume likinaig. ¹⁶ Kume likinaig le nanjine mbalnge nane tuku isu kilmba luka Sikem tumbran ndame burok sinam tanje patikinaig. Hamor mbal tuku ndame burok ta Abraham nu o buk piyamba ndametin afu nane ningina.

¹⁷ Kuate nu o buk Abraham pasa sangrinu sana ait ta buk patukina le Abraham tuku mbun Isipnge tuge njayona. ¹⁸ Kile tanjo kise nu Yosef gilai nu Isip mbal tuku gabat tingina sulumba ¹⁹ nu singine mbun piti sunjo ningina nane tuku kiyo

dabro kitek kumwaig nga wandeknge minam tuku tukulmba mayoknge patikam tuku saningina.

²⁰ Moses ina nuje piti ta sinamnge te-pilna. Kiño ta mayenu le ina nuje nangine wandek tange tambun kejmba yubenga kulatka minna. ²¹ Tanjamba nu yubengam kumuñ kuga le kiño nuje mayoknge pilna le Faraο tuku kulim nu Moses kanjermba yije kiño nga madimba tumba nuje wande mbol kina ka ²² tange minmba ma ma Moses nu Isip mbal tuku kila ñakmba kila pilmba nu tanjo sunjo mayok kina. Nu pasa saka wam ke lika nyu ñak minna.

²³ Tanjamba minna ma ma Moses nu yar 40 kusremba nuje tugu Israel mbal kanjerkam idusmba nane tugum kina. ²⁴ Nu pro Isip tanjo andenje Israel tanjo ande kat ñayona le kanjerna. Tanjamba nu kumba Israel tanjo ta te-simba Isip tanjo ta balena le kumna. ²⁵ Moses nu tanjo ta balemba tenjenmba idusna. Kile yije mbal Kuateenje nane tuku muskil kile-tidinge ningam tuku ye kukulyat ta nane katesewamngaiğ nga idusna ta nane tanjamba idus ndanaig.

²⁶ Mafena le nuje mbal armba kame bumba minnaik le kanjerka nale tumawaik nga ka sanikina: Tira kame, ndanam takile takile tira ndo kame bude ngina. ²⁷ Tanjakina le tanjo nu kame tugu pilna ta nu Moses waimbi pitaimba nzumilmba sana: Imanje ne sine tuku pile tanjo gabat tanjo pilna. ²⁸ Ne kubele Isip tanjo balena tanjamba ne ye baleyam tanjate e ngina le ²⁹ nu pasa ta ismba kuru-kuruka Isip kilke kusremba kua ka Midian kilke mbol kina. Kina ka tanje rawe

tango tanjaṅ minna sulumba ma ta mbolṅge nu kiṅo armba kile-patikina.

³⁰ Minna ma ma yar 40 maṅ kusrena. Mara ande nu ma baknu Sinai tabe tugunu tugum tanṅe minmba ail fudiṅndo sinamṅge pa mane mayok kina le nu eṅel ande kaṅgerna. ³¹ Kaṅgermba nu wamdus pilemba pa ta tugusemba kaṅger tiwam tuku kumba minna le Sunṅo tuku miṅge pasa mayok ka Moses sana: ³² Ye naṅe mbuṅ kame Abraham Isak Yakob nane tuku Mbara minet ṅgina le nu ismba piriri ṅayomba kaṅgeram mbulmba am te-kasona le ³³ Sunṅonṅe nu sana: Ne tiṅ minit ma ta tukul ma. Ne kupe ṅgaro paska. ³⁴ Isip mbalṅge yiṅe mbal piti sunṅo niṅgig le kaṅgerket. Nane tuku malmbi mata iset. Ta tuku ye nane muskil kile-tidiṅge niṅgam tuku ndeket. Ne tiṅga le kukulni le Isip kaye ṅga Moses sana.

³⁵ Israel mbal buk Moses pitaimba sakinaig: Imaṅge ne sine tuku pile tango gabat tango pilna ṅga Moses sanaig ta Kuatenṅe tango ta madimba nuṅe eṅel ail fudiṅndo sinamṅge mayok kina ta mbolṅge Moses nu Israel mbal tuku gabat sunṅo minmba nane muskil kile-tidiṅgam tuku kukulna. ³⁶ Kukulna le nu ka Isipṅge wam kitek saṅgrinu ke lika Israel mbal kilmba kina. Tanamba nu Yu Gurgur tugumṅge ma baknu mbolṅge yar 40 sinamṅge mata wam kitek saṅgrinu ke likina. ³⁷ Moses ndui ta nu Israel mbal saniṅgina: Kuate nuṅe pasa te-mayokam tuku ye tuan tango pilna tanamba ndo nu sine Israel ṅgamukṅge nuṅe tuan tango ande palmbimṅgat ṅgina. ³⁸ Moses nu Israel mbal ndoṅ ma baknu mbolṅge minna. Nu Sinai tabe poṅgina le eṅelṅge wam pagumba abo ṅak

minam tuku ndin singine mbuŋ kame tumniŋmba saniŋgam tuku Moses sana. ³⁹ Saniŋgina ta nane singine mbuŋ Moses tuku miŋge kumnemŋge minam mbulmba nu pitaimba maŋ luka Isip kambim mindesimba minnaig.

⁴⁰ Moses nu Sinai tabe mbolŋge minna le nane ndek Aron sanaig: Moses nu buk Isipŋge sine kilmba prona ta nu animbi kina. Ne singine mbariŋam tuku agaŋ afu wakeika le ndin tum-siŋguwaig ŋginaig sulumba ⁴¹ nane makau pail kanunu wakeimba agaŋmor balemba nu atrauki-naig. Taŋamba nane agaŋ wakeinaig ta tuku gare-garekinaig. ⁴² Taŋanaig le Kuate nu nane wai kusrekina le nane tambun ki mbai kame naŋgine mbara ŋga mbariŋniŋmba minnaig le tuan taŋgo ande nu wam ta tuku teŋemba Kuate tuku miŋge kuyarna.

Israel mbal tane ma baknu mbolŋge yar 40 minmba agaŋmor baleniŋmba atraukinaig ta ye tuku idusmba taŋa ndanaig.

⁴³ Tane kambim ŋga yabri mbara nyunu Molok nu tuku tawi wande tumba kinaig.

Mbai suk yabri mbara nyunu Refan ŋgade ta turmba tumba kinaig.

Tane kanunu ta mbariŋniŋgam tuku wakeikinaig. Ta tuku yiŋe nzali dubimba nane afu tane kilmba kilke masken Babilon sim kaŋgaig ŋgina.

Amos 5.25-26

Tuan taŋgo nu taŋamba kuyarna.

⁴⁴ Singine mbuŋ kame ma baknu mbolŋge Kuate tuku pasa isam tuku tawi wande ŋak minnaig. Ku-ate nu tawi wande ta palmbim tuku Moses wam paguna sulumba kanunu te-mayokmba tumna

taɲamba ndo pilna. ⁴⁵ Ngumneɲga Kuatenɲe Kanan mbal pitaike likina le siɲgine mbuɲ nane Yosua ndoɲ kilke tinaig ta nane tawi wande ta kuramba kilke te mbol pronaig. Tawi wande ta minmba minna le David prona.

⁴⁶ Kuate nu David make pilna le nu Kuate kusnana: Sine Yakob tuku ndare sine ne mbariɲnam tuku wande ande pilbe e ɲga kusnana ta ⁴⁷ David nu wande ta pile ndakina. Nu tuku kiɲo nuɲe Solomonɲge Kuate mbariɲnam tuku wande ta pilna. ⁴⁸ Taɲgo kame naɲgine waimbi wande patikade ta Suɲgo Kuate nu wande ta sinamɲge mine ndakate. Tuan taɲgo ande teɲenmba kuyarna.

⁴⁹ Suɲgo nu sakate: Samba ta ye Suɲgo Kuate minyoket tuku ma. Kilke ta ye kupe patiket tuku ma.

Kilke mbol mbal ye minam tuku wande ndaɲndaɲmba palmbimɲgaig? Ko ye anɲge minmba mabti?

⁵⁰ Ye yiɲe saɲgrimbi agaɲ ndende ɲakmba te kilemayokken ɲgate.

Aisaia

66.1-2

Tuan taɲgo nu taɲamba kuyarna.

⁵¹ Tane siɲka ɲgamuɲgal tukulok mbal. Tane Kuate gilai mbal taɲaɲ ɲgamuɲgalmbi nu idus ndamba pasa tugusek isam mbulig. Tane siɲgine mbuɲ kame taɲaɲ tane Tukul Guwa mara mara pitaide.

⁵² Nane Kuate tuku tuan taɲgo ɲakmba kilmba ɲaigo siglika ande mape ndanaig. Tuan taɲgo ande purfeɲnu prowamɲgat ɲga sakinaig le mbuɲ kame nane bale fariɲge likinaig. Taɲgo purfeɲnu ta tane nu tuku kupet minmba tumba bale-

naig. ⁵³ Enel kame Kuatenge kukulningina le sine tukul dubikam tuku mbun kame ninginaig ta tane lukakade nga saningina.

⁵⁴ Stefanus nu tanamba Israel gabat sugo saningina le nane nu tuku pasa ta ismba gubra sungo tumba amain makemba maketiŋ tiknga minnaig. ⁵⁵ Tanamba minnaig le Tukul Guwa Stefanus tuku wamdus kumungina le nu samba mbol ambe mambilmba am tidinga Kuate tuku kilŋa kaŋgermba Yesus nu tuku ndinam kumamŋge tiŋ minna le kaŋgerna. ⁵⁶ Kaŋgermba nu ndek sakina: Ambe kaŋgerap. Samba talkat le Katesek Tanŋo nu Kuate tuku ndinam kumamŋge tiŋ minit le kaŋgeret ŋgina.

⁵⁷ Tanakina le nane isam mbulmba kilba tukulmba ŋgumbeyumba pinder-pindermba nu biye tinaig sulumba ⁵⁸ nane nu tumba tumbran sungo kusremba mayok ka kasomŋge pilnaig. Pilmba nu pasa mbolŋge pilnaig mbal nane nanŋine tawi paska tanŋo mo ande nyunu Saulus nu tuku kupe tugumŋge patika ndame kilmba Stefanus katmba minnaig. ⁵⁹ Nane katmba minnaig le nu yabanmba sakina: Sungo Yesus, ye tuku kanu ta ŋgina. ⁶⁰ Tanaka nu ndek dagol tidronga wi kuerjka sakina: Sungo, nane ye mbolŋge mbarde te ne nane tuku mbar sauka gilainga ŋgina. Nu tanamba sakina sulumba kumna.

8

1-2 Stefanus kumna le Saulus nu wam ta kaŋgermba nane mayewaig ŋga idusna le Kuate

tuku nyu kurauka dubinaig tanjo afu Stefanus nguka nu tuku malmbi sunjonaig.

Stefanus balenaig ait mbolnge Yesus tuku kuasmbi Yerusalemnge minnaig ta nane afunge piti serninginaig le nane kua ka afu Yudea ma tugu afu Samaria ma tugu mbol kine likinaig. Aposel kame ndo Yerusalemnge minnaig.

³ Saulus nu Yesus tuku kuasmbi kilmba njaigo siglika nane tuku wande mindek ponga bige tidinga mulin kilmba didika wandeknge patika tanjamba kine promba likina.

Samaria mbal pasa mayenu isnaig

⁴ Nane kua ka sili-silinaig mbal nane ma njakmba mbol lika pasa mayenu kuklimba kinaig.

⁵ Tanjamba Filipus nu Samaria tumbrañ ande mbol kina sulumba Yesus nu Kuatenge madina tanjo Kristus nga nane saniñmba minna le ⁶ Samaria mbal gudommba nu tuku pasa ismba manjau kitek sangrinu ke likina ta kanjerka nane njakmba kilba pilmba nu tuku pasa ise mayenaig. ⁷ Nu afu guwa njaigonu njak nane kusrekuwaig ngina le nane wikaraumba nane kusreka kinaig. Kupe wai baklelkanu afu kupe njaigonu njakmba mageke likinaig le ⁸ tumbrañ ta tuku mbal gare sunjo tinaig.

⁹ Tumbrañ tanje tanjo ande nyunu Simon minna. Tanjo ta ye nyu njak nga nu wam sangrinu afu nuñe kuanyembi ke likanu le nane kanjerka njakmba pirerek purka minanu. ¹⁰ Samaria mbal nyu njak nyu kugatok nane njakmba Simon tuku pasa ise mayenaig sulumba sakinaig: Tanjo te nu sunjo. Nu Kuate tuku sanjri sunjo te-mayokte nga

saka minnaig. ¹¹ Ait kuennu Simon nuŋe kuanye maŋau kina le nane pirerek purka minmba nane nu tuku pasa ise mayenaig.

¹² Kile Filipus nu pro Kuate nuŋe gageu kulatkate wam saniŋmba Yesus Kristus tuku nyu te-mayokna le nane son ŋga kule pisne tinaig.

¹³ Simon nu mata son ŋga kule pisne tina. Nu Filipus ndoŋ minna le nu wam kitek afu saŋgrinu ke likina le nu kaŋgerka pirerek purka am go sulumba minna.

¹⁴ Samaria mbal Kuate tuku pasa ismba son ŋginaig le aposel kame Yerusalemŋge wam ta ismba Petrus le Yohanus kukulnikinaig le nale ndek kinaik. ¹⁵ Kinaik ka Samaria ma tugu mbol pronaik. ¹⁶ Samaria mbal nane Yesus tuku nyu mbolŋge kule pisne tinaig ta nane Tukul Guwa nda tumba minnaig le Petrus le Yohanus nale ndek wam ta katesenaik sulumba nane Tukul Guwa tuwaig ŋga Kuate yabaŋnaik sulumba ¹⁷ wai nane mbolŋge patikinaik le Tukul Guwa nane ŋakmba mbolŋge kumuŋgina.

¹⁸ Aposel ar nale wai nane mbolŋge patikinaik le nane Tukul Guwa tinaig ta Simon nu kaŋgermba ndametiŋ afu kilmba nale tugum promba sanikina: ¹⁹ Tale ndametiŋ te kilmba wam ta tuku saŋgri ye sap le ye mata nane afu mbolŋge yiŋe wai pili le nane Tukul Guwa tuwaig ŋgina.

²⁰ Taŋakina le Petrus ndek nu kasurmba sana: Ne naŋe ŋgarosu ndametiŋ turmba ma ŋayo mbol kaye. Tukul Guwa Kuatenŋge ake singit ta ndametiŋmbi piyawam tuku agaŋ kuga. ²¹ Ne tuku ŋgamuŋgal Kuate am mbolŋge tugusek kuga. Ta tuku ne Kuate tuku piro ande mata kam kumuŋ

kuga. ²² Ne naŋe ŋgamunŋal biye mbilmba naŋe wamduŋs ŋaigonu ta kusreka Kuate nu naŋe mbar sunŋo ta sauka gilainŋam tuku nu yabaŋa. ²³ Ne aŋaŋ ŋakmba kilam tuku wamduŋs kagli firka naŋe maŋau ŋaigonunŋe ne didikate le ye kamuset ŋgina. ²⁴ Tanamba sana le nu Petrus tuku pasa lafumba sana: Tale ye tuku ŋga Kuate sunŋomba yabaŋap. Wam kame ye mbol prowam tuku sakaik ta ye mataryate ŋgina.

²⁵ Petrus nale Sunŋo tuku pasa kuklimba Samaria mbal wam paguninŋe denŋurmba nale luka mbumba Yerusalem kinaik. Kumba ndinŋe Samaria ma tuku tumbraŋ afu gudomma mbolŋe pasa mayenu saninŋe lika kinaik.

Etiopianu tanŋo pasa mayenu isna

²⁶ Sunŋo tuku eŋel ande Filipus tugum promba sana: Ne tinŋa Yerusalem kumam si kaye. Yerusalem kusremba Gasa kambim tuku ndin ma baknu mbol kinit ta dubimba kaye ŋgina.

²⁷ Tanakina le nu tinŋa kumba ka ndin ta mbol prona sulumba Etiopianu tanŋo sunŋo ande nuŋe karis mbolŋe minyokina le kaŋgerna. Tanŋo ta nu Etiopia kilke tuku mandor pino Kandase nu tuku ndametiŋ kulatkina tuku. Nu Kuate mbarinŋam Yerusalem kina tuku. ²⁸ Kile nu luka Etiopia kambim saka karis mbol tanŋe minmba tuan tanŋo Aisaia tuku kuyar ande burka kina. ²⁹ Tanana le Tukul Guwanŋe Filipus sana: Karis kinit si tugum kaye ŋgina le ³⁰ nu pinder ŋak ŋak kumba nu tuan tanŋo Aisaia tuku kuyar burkina le ismba nu kusnana: Ne pasa burkate ta tugunu ne katesete e ŋga kusnana le ³¹ nu lafumba sana: Ye

ndaŋmba pasa tugunu te katesewi? Ne mbumba tenje minyoka pasa te tugunu saya ŋgina.

³² Nu tuan taŋgo Aisaia tuku pasa burkina ta teŋenmba.

Andenŋe sipsip balewam tuku tumba kinit taŋaŋ nane nu tumba kinig. Sipsip ŋguenu kuerkade le nu witi ndate taŋaŋ nu nane tuku pasa lafu ndate.

³³ Nane nu kiko pile tumba nu tuku pasa te-ti ndamba ake tumba ŋayo silide.

Kilke te mbolŋge mine sunŋo ndamba kumwa le afu nu tuku kuasmbi mine nda. *Aisaia 53.7-8*

Kuyar pasa taŋamba sakate.

³⁴ Kile ndametiŋ kulat taŋgo nu Filipus kusnana: Kuate tuku tuan taŋgo nu pasa te kuyarna ta nuŋe ŋgarosu tuku kuyarna e ko ande tuku ŋgina. ³⁵ Taŋakina le Filipus nu Aisaia tuku pasa ta mbolŋge tugu pilmba pasa mayenu kuklimba Yesus tuku sana.

³⁶ Samba kumba ka kule kualin ande tugum promba Etiopianu taŋgo ndek nu sana: Ai si. Kule ande minit si. Kile ne ye kule pisneyam kumuŋ e ŋgina le ³⁷ nu lafumba sana: Ne wamodus ŋakmbambi son ŋgate kande ye ne kule pisneni ŋgina le nu lafumba sana: Yesus Kristus nu Kuate tuku Kiŋo ta ye nu tuku son ŋget ŋgina. ³⁸ Taŋakina sulumba karis tiŋgam tuku saniŋgina le karis tiŋgina le nale ibeŋ kinaik. Ibeŋ ka kule sinam kinaik sulumba Filipus nu taŋgo ta kule pisnena. ³⁹ Nale maŋ luka tabek kinaik le pitik ndo Tukul Guwaŋge Filipus didik tumba ma kise mbol kina le Etiopianu taŋgo nu maŋ kaŋger ndana. Nu Yesus

tina tukunu nu gare njak nuje karis ponja Etiopia kina.

⁴⁰ Filipus nu Asdodnje minna ta wamdus puluna. Nu tumbran sungo ta kusremba kumba tumbran njakmba mbolnje pasa mayenu kuklimba lika ka Sesarea prona.

9

Saulus nu ngamunggal biye mbilna

¹ Saulus nu Sungo Yesus dubinaig mbal tuku gubra tumba ye nane njakmba bale faramngit nga nu pris gabat sota kina sulumba ² sana: Ye Damaskus tumbran sungo mbol nzi kumba Yesus dubide mbal tanjo pino kanjerka ndaleka kilmba luka Yerusalem mbambim tuku ne waje afu kuyarka sa. Damaskus tuku kusem wande gabat kame ninge liki le kanjerka ye piro ta kam tuku nyu njak kila minwaig ngina.

³ Saulus nu waje ta kilmba ka Damaskus patuna le samba mbolnje bulu sungo ande mayok ka nu kiljana. ⁴ Kiljana le nu ndek kuru-kuruka kilke mbolnje ndekina le minge pasa ande promba sana: Saulus, Saulus, ne ndanam tuku ye njayo siliyate ngina le ⁵ nu ndek kusnana: Sunjo, ne imanjo ngina le nu sakina: Ye Yesus ne ye njayo siliyate ta. ⁶ Kile ne tinja tumbran sunjo mbol nzi kaye. Nzinje mina le andenje ne wam kam tuku sanamngat ngina. ⁷ Tanjakina le tanjo kame Saulus ndon kinaig ta nane tinja maninok minnaig. Ta ndanam? Nane pasa prona ta isnaig sulumba tanjo ande nda kanjernaig.

⁸ Saulus nu tinğa am maranğina ta ağan kanđer ndakina. Kanđer ndakina le nu waiwaimba kumba Damaskus pronaig. ⁹ Kumba ka tanđe mara kenmba nu ağan kanđer ndaka nyamagan kule mata nye ndakina.

¹⁰ Yesus dubina tanđe ande Damaskusnđe minna. Tanđe ta nyunu Ananias. Nu kinatanu suk Sunđonđe nu wika Ananias nđina le nu ndek sakina: Sunđo, ye minet te nđina. ¹¹ Tanđakina le Sunđo nu sana: Ne tinğa ndin ande nyunu Tinđreknu si mbol kaye. Ne kumba ka Yudas tuku wande ponđa Tarsusnu tanđe nyunu Saulus nu tuku kusnđa. Nu Kuate yabanmba minit. ¹² Nu mata kinatanu suk ne kanđernat. Ne nu tugum promba nunđe am mayekam tuku ne nu mbolnđe wai patikat le kanđernat nđina.

¹³ Tanđakina le Ananias ndek nu sana: O Sunđo, tanđe ta Yerusalemnđe ne tuku mbal kilmba nđaiđo siglikanu nđa gudommbanđe sakade le iset. ¹⁴ Tenđe mata ne tuku nyu te-dunđade mbal bige tidinđa kilmba ndalekam tuku pris gabat mbal tugumnđe nyu tina nđina le ¹⁵ Sunđo nu sana: Kuga. Yenđe tanđe ta madiwen. Ye yinđe nu kukuli le nu ka kasomok mbal gabat sugo kise kise Israel mbal nane nđakmba tugumnđe ye tuku saninđamnđat. ¹⁶ Tanđamba nu piti gudommba kanđerke likamnđat. Ye nu manđu ta mbolnđe kila sawamnđit. Ne tinğa nu tugum kaye nđina.

¹⁷ Kile Ananias nu tinğa ka Saulus nu minna wande ta ponđa nu wai kilmba nu mbolnđe patika sana: Tira, ne ndeka ndinđe Sunđo Yesus kanđerne ta nunđe ye kukulyat. Ne tuku am

mayeka sulumba Tukul Guwa tam tuku ne tugum prowet ngina le ¹⁸ pitik ndo kualegan suprep suk agan am mbolnge gagulka ndekinaik le nu am mayeka mambilna. Tanamba nu tinga kule pisne tina sulumba ¹⁹ nu man isukusmba sangri tumba Damaskusnge Yesus dubinaig mbal ndonj mara afu minna.

Saulus nu Damaskusnge pasa mayenu kuklina

²⁰ Saulus nu dal ndaka Zu mbal tuku kusem wande sinam kine lika Yesus nu Kuate tuku Kinjo nga kuklimba saningina le ²¹ nu tuku pasa isnaig mbal nane wamdus te-sulumba sakinaig: i ... Tango te nu buk Yerusalemnge nyu ta te-dunginaig mbal kilmba ngaigo siglikina. Tumbran sungo te mbolnge mata tango pino nu dubide ta bige tidinga ka pris gabat nane am mbolnge kile-tidingam tuku prona nginaig. ²² Saulus nu sangri lato tumba Yesus nu sinjka Kuatenge madina tango Kristus nga kukli mayena le Zu mbal Damaskusnge minnaig ta nu tuku pasa ismba lafuwam kumunj kuga.

²³ Kile Zu tango afu Saulus balewam tuku sakinaig le ²⁴ nane afu ismba pro nu sanaig le isna. Nane Damaskusnge ki furir mindek nu balewam tuku fonde malanga kulatka minnaig. ²⁵ Tanamba minnaig le furir ande Saulus tuku kuasmbi nane ndek nu sambenga muli panmba fonde tuku bubre malanga kumam pilnaig le mayok kina. ²⁶ Mayok kina sulumba nu ka Yerusalem prona. Ka tanje nu Yesus dubinaig mbal ndonj ulendikam bafuna le nane kuru-kuruka nu Yesus dubiwanu tango kuga nginaig. ²⁷ Tanakinaig le Barnabasnge nu tumba ka aposel kame saningina: Tango te nu

ndinŋge Sunŋo kaŋgerna le Sunŋonŋe pasa sana. Damaskusŋge nu nane kuru kuru ndaka sanŋri tinga Yesus tuku nyu te-mayokmba sakina ŋgina. ²⁸ Tanakina le Saulus nu Yerusalemŋge Yesus dubinaig mbal ndon ulendika kine promba minna. ²⁹ Nu tanŋo tuku kuru kuru ndaka Yesus tuku nyu te-mayokmba saka minna.

Saulus nu Zu mbal Grik pasatade afu ndon pasambi Yesus tuku munŋu tulinŋinaig le nane nu balewam tuku ndin sotinaig. ³⁰ Sota minnaig le Yesus dubinaig mbal nane kila pilmba Saulus mindemba Sesarea tumbranŋ sunŋo mbol pronaiŋ. Pro tanŋe nu Tarsus kuwa ŋga kukulnaig le kina.

³¹ Ait ta mbolŋge Yesus tuku kuasmbi nane Yudea Galilea Samaria ma tugu ta ŋakmba mbolŋge piti afu kaŋger ndaka mine mayemba sanŋri tinginaig. Nane Kuate kumnemŋge minmba Tukul Guwanŋe nane sinzanŋinŋina le nane tugekinaig.

Petrus nu tanŋo ande wakeina

³² Petrus nu ma tugu ŋakmba mbol kumba Yesus tuku mbal kaŋgerkam Lida tumbranŋ pronaiŋ. ³³ Prona sulumba tanŋo ande nyunu Eneas ŋgarosu milmailkanu yar 8 guaze ta ŋak mbain mbolŋge kinye ŋak ndo minna le kaŋgerna. ³⁴ Kaŋgermba nu ndek sana: Eneas, Yesus Kristusŋge ne wakeinamŋgat. Ne tinga nanŋe yanŋo te-tiwa ŋgina. Tanakina le nu pitik ndo tingina. ³⁵ Tanana le Lida le Saron tumbranŋ mbal nane tanŋo ta mayekina le kaŋgermba nane ŋakmba ŋgamunŋal biye mbilmba Yesus dubinaig.

Petrus nu pino ande te-tina le abonŋina

³⁶ Yopa tumbranŋge Yesus dubina tuku pino ande nyunu Tabita minna. (Grik pasambi nyu ta Dorkas). Pino ta nu wam magenu ke lika sanzal mbal turka minanu.

³⁷ Ait ta mbolŋge nu guaze sunŋo tumba kumna. Kumna le pino afu nu kule pismemba nu tumba wande ta mbain armba ŋak inum mbol tanŋe pilnaig le minna. ³⁸ Yopa tumbran sunŋo ta nu Lida tumbran patukŋge tukunu Yesus dubinaig mbal Petrus nu Lidanŋe minna pasa ta ismba nane tanŋo armba kukulnikinaig le ka nu tugum promba sarsarmba sanaik: Ne pitik sile ndon kab ŋginaik.

³⁹ Tanakinaik le Petrus nu tinga nale ndon kina ka tumbran ta pronaig le nane afu nu tumba wande o mbolŋge ta ponŋginaig. Nane wande ponŋginaig le pino kuembol ŋakmba Petrus laipmba te-ŋgamumba malmbika Dorkas nu buk tawi wakeika niŋge likina ta kilmba Petrus tumnaig. ⁴⁰ Tumnaig le nu nane ŋakmba mayok kuwaig ŋga saniŋgina le nane mayok kinaig. Tananaig le nu ndek dagol tidronŋa Kuate yabaŋna. Yabaŋ denŋpurmba nu mbilka mindesiŋ ta sana: Tabita, ne abonŋa ŋgina le nu am maranŋa Petrus kanŋermba minyokina le ⁴¹ nu ndek nu tuku wai biymba te-tina le tingina. Tingina le nu tumba Yesus dubinaig mbal pino kuembol nane ŋakmba wika niŋgina.

⁴² Wam ta Yopa tumbran sunŋo kumunŋgina le nane gudommmba Sunŋo Yesus son ŋginaig le ⁴³ Petrus nu Yopange mara kuen suk tanŋo ande nyunu Simon nu ndon minna. Tanŋo ta nu aganmor ŋgarombi agan kame wakeikina tuku.

10

Pasa mayenu kasomok mbal tugum kina

¹ Sesarea tumbraŋ sunŋo mbolŋge taŋgo ande nyunu Kornelius minna. Nu Rom gafman tuku kame mbal 100 kulatka minna. Kame kuasmbi ta Italinu. ² Taŋgo ta nu nuŋe ndare tuma ndoŋ Ku-ate kumnemŋge minmba nu mbariŋmba minanu. Nu sanzal mbal ndametiŋ walmba niŋge lika nu Kuate yabaŋmba minanu.

³ Mara ande ki kanum 3 mbolŋge nu kiŋatanu suk agaŋ ammbi kaŋgerna ta Kuate tuku eŋel ande nu tugum promba Kornelius ŋgina. ⁴ Taŋakina le nu fumble timba wamdus fulilka nu sana: Sunŋo, ndaŋam ŋgina le eŋel nu ndek sana: Ne sanzal mbal turniŋgit ta Kuate nu kaŋgerte. Ne Kuate yabaŋte ta nu isit. Nu ne idusnumba minit. ⁵ Ta tuku ne taŋgo afu kukulniŋga le Yopa tumbraŋ sunŋo mbol nzi kumba taŋgo ande nyunu Simon Petrus tam kuwaig. ⁶ Nu nuŋe nyu tuma taŋgo ndoŋ minik. Taŋgo ta nu agaŋmor ŋgarombi agaŋ wakeikate tuku. Nu tuku wande piyal patukŋge minit ŋgina.

⁷ Eŋel nu Kornelius kusrena le nu ndek nuŋe piro taŋgo armba kame taŋgo ande turmba wika. Kame taŋgo ta nu mara mara nu tugumŋge piroka nu mata Kuate dubimba minna. ⁸ Nane pronaig le nu eŋel tuku wam pagu pasa kumukumba kubeu niŋmba Yopa kuwaig ŋga kukulniŋgina. Kukulniŋgina le nane kumba ka ndinŋge kinynaig.

⁹ Mafena le nane ndin dubimba kumba ka Yopa patunaig le ki kanum 12 Petrus nu Kuate

yabanam tuku nga wande ponja funu tuku mbain mbolnje minna. ¹⁰ Nu mbol tanje minmba guba mayena. Guba mayena le nane pagumba minnaig le Petrus nu kinatanu suk aganj ande kanjerna. ¹¹ Samba talka aganj ande tawi sunjo suk tundunnu bailkamba muli njak andenje muli kusre-kusrena le ndekina. ¹² Ndekina le tawi ta mbolnje aganjmor mben sar umanj yeki yeki minnaig le kanjerkina.

¹³ Kile minje pasa ande nu sana: Petrus, ne tinja aganj te inum balemba nya ngina le ¹⁴ nu ndek lafumba sana: Sunjo, kuga. Sine Zu mbal aganj afu nyam tuku tukul njak ta ye tukul lukamba aganj tana inum nye ndaket ngina. ¹⁵ Tanakina le pasa ta man lato nu sana: Kuatenje aganj ande mayenu ngate ta ne tukul ndawa ngina. ¹⁶ Nale tanamba pasa ndui ta sakam kenjaik le andenje pitik ndo tawi ta te-dungina le samba mbol kina.

¹⁷ Petrus nu kinatanu suk wam kanjerna ta wamdus te-sulumba tugunu wam katesemba minna le Kornelius tanjo kenmba kukulningina ta nane afunje Simon tuku wande tumninginaig le nane pro wande malanja tugum tanje tinja wika sakinaig: ¹⁸ Oi. Simon Petrus nu tenje minit e nginaig.

¹⁹ Petrus nu kinatanu suk wam kanjerna ta idus-idusmba minna le Tukul Guwa nu sana: Tanjo kenmba ne sota prowaig. ²⁰ Ne tinja iben kaye. Ne wamdus tero ndaka nane ndon kaye. Yenje nane kukulningin ngina. ²¹ Tanaka sana le Petrus nu iben ka nane saningina: Tane tanjo sotade ta ye noten. Tane ndanam ye tugum prowaig ngina

le ²² nane nu sanaig: Singine gabat Kornelius nu kame tanjo 100 kulatkate. Nu tanjo tinjeknu Kuate kumnemnge minit. Israel mbal njakmba nu tuku saka minig. Kuate tuku ejel nu wam paguna le nu sine ne tumba nu tuku wande mbol kumba ne tuku pasa isam tuku sine kukulsingina le ne tam proweg nginaig. ²³ Tanjakinaig le Petrus ndek nane ngailka nane nu njak kinyam tuku saniingina.

Mafena le Petrus nu nane ndonj kina. Yopa mbal afu Yesus dubinaig tuku nane mata Petrus mindemba kinaig. ²⁴ Kinaig ka ndinngge kinyanaig. Mafena le Kornelius nu buk nuje ndare tuma nuje gulab nane njakmba kile-manjurka Petrus tairnga minnaig le nane Sesarea pronaij.

²⁵ Petrus nu wande sinam kina le Kornelius nu tinga pro Petrus nu tanjo sunjo nga nu tugumnge dagol tidrongina. ²⁶ Tanjana le Petrus nu te-timba sana: Taja ndawa. Ye mata tanjo ndo. Ne tinga ngina. ²⁷ Tanjaka nu Kornelius ndonj pasa-pasaka kumba ka wande sunjo sinam tanje tanjo pino gudommba manjurkinaig le kanjerkina. ²⁸ Kanjerka nu ndek saniingina: Sine Zu tanjo tane kasomok mbal tuku wande mbol kumba ko tane ndonj isukusam tuku tukul sunjo njak ta tane kila. Kuate nu wam ande ye tumyina tukunu ye wamdus kitek tumba kasomok mbal ta najgonu nge nda. ²⁹ Ta tuku ne afu ye tam tuku kukulningina le ye pasa kugatok nane dubika te prowit. Ariya. Saka. Ne ndanam ye tuku pasa pilna nga sana.

³⁰ Tanjaka sana le Kornelius nu sakina: Mara kenmba buk kinaig ait tenen ki kanum 3 mbolnge yije wande mbol tenge ye Kuate yabanmba minen le pitik ndo tanjo ande tawi kilja njak ye tugum

prona le kanjeren. ³¹ Nu ye sayina: Kornelius, ne sanzal turniŋgit ta Kuate nu kanjerte. Ne Kuate yabaŋte ta nu isit. Nu ne idusnumba minit. ³² Ne taŋgo afu kukulniŋga le taŋgo ande nyunu Simon Petrus nu tam Yopa kuwaig. Nu nuŋe nyu tuma Simon ndoŋ minik. Taŋgo ta nu agaŋmor ŋgarombi agaŋ wakeikate tuku. Nu tuku wande piyal patukŋge minit. Nu taŋamba ye sayina. ³³ Taŋakina le ye pitik ndo taŋgo afu ne tam tuku kukulniŋgen. Ne ye tugum te prowat ta kumumbi. Sine ŋakmba Kuate am mbolŋge maŋgurka mineg. Sunjo nu ne pasa afu sine sasiŋgam tuku sanina ta isam tairŋgeg ŋga Petrus sana.

³⁴ Taŋakina le Petrus nu nane saniŋgina: Kile ye wamdus puluyate. Kuate nu taŋgo ŋakmba wamdus niŋgit. ³⁵ Zu mbal ko kasomok mbal ŋgamukŋge ima kate Kuate kumnemŋge minmba nu tuku pasa dubide ta Kuate nu nane ŋakmba tuku gareniŋgit. ³⁶ Sine Yesus Kristus ndoŋ ulendikeg mbal kile Kuate nu sine ndoŋ wamdus mukuk minit. Nu pasa mayenu ta ŋakmba isam tuku sine Israel siŋgina. Yesus nu taŋgo ŋakmba tuku Sunjo. ³⁷ Yohanus nu pasa kuklimba nane kule pisneniŋgina le Nasaretnu taŋgo Yesus nu pro pasa mayenu ta Galilea ma mbolŋge tugu pilmba kumba ka Yudea ma tugu ŋakmba kumunŋgina. ³⁸ Nu Kuatenŋge Tukul Guwa tuna le nu saŋgri ŋak ma ŋakmba mbolŋge lika nu wam mage kina. Kuate nu ndoŋ minna. Afu Sattan tuku saŋgri kumnemŋge minnaig ta nu nane tuku muskil kile-tidiŋgina. ³⁹ Nu Yerusalemŋge Zu ma ŋakmba mbolŋge wam ke likina le sine

kanjerkigenj. Nane nu tumba ail kazrai mbolnje nil danjginaig le kumna. ⁴⁰ Kumna le mara keŋnu mbolnje Kuatenje nu te-tina le nu tingina le sine kanjergenj. ⁴¹ Tanjo ŋakmba nu kanjer ndanaig. Sine ndo nu kanjergenj. Yesus nu maŋ tingina ta nane ŋakmba saningam tuku Kuate nu o buk sine madisingina. Nu tinga sine ndonj tuma isukusmba kule nyumba mingenj. ⁴² Nu sine pasa mayenu kukliwam tuku patikina. Kumanu mbal abo minig mbal pileningam tuku Kuate nu ye pilna ta ŋakmba saningap ŋga sasingina. ⁴³ Tuan tanjo ŋakmba nu tuku sakinaig. Ima kate nu kumuŋ ŋga son ŋgade ta Kuate nu Yesus tuku nyu mbolnje nane tuku une sauka gilaingamngat ŋga saningina.

Kasomok mbal Tukul Guwa tinaig

⁴⁴ Petrus nu pasata minna le nane nu tuku pasa isnaig mbal Tukul Guwa nane mbol kina le ⁴⁵⁻⁴⁶ nane pasa kuale gilai yimyam sake lika Kuate tuku nyu te-dunginaig. Tanjanaig le Zu tanjo Yesus tuku son ŋginaig nane Yopanje Petrus mindemba pronaig ta nane wam ta kanjermba Kuatenje kasomok mbal mata Tukul Guwa ningit ŋga nane pirerek purkinaig.

⁴⁷ Kile Petrus nu sakina: Kuatenje sine Tukul Guwa singina tanjamba ndo kile nane mata ningit. Nane kule pisne tam tuku sine tukulningam kumuŋ kuga ŋgina. ⁴⁸ Tanjamba Petrus nu nane Yesus Kristus ndonj ulendika kule pise tap ŋga saningina le nane kule pisne tinaig. Tanjamba nu nane ndonj mara afu minam tuku ŋgailkinaig le nu nane ndonj minna.

11

Petrus nu Yerusalemnge kasomok mbal tuku sakina

¹ Aposel kame Yesus tuku mbal Yudea ma mbolnge mine likinaig ta nane kasomok mbal Kuate tuku pasa tinaig ta nane isnaig. ² Petrus nu mbumba Yerusalem prona kande Zu tanjo afu nane nu sawe lika sanaig: ³ Ndanjam saka ne sinjine tukul lukamba ngaro pike ndakanu mbal ndonj ulendika isukusna nginaig.

⁴ Tanjamba sawe likinaig le nu ndek wam njakmba mayok kinaig ta kumu-kumumba kubeu niŋmba saningina: ⁵ Ye Yopange Kuate yabanmba minen sulumba ye kinjatanu suk aganj ande kanjeren. Aganj ande tawi sunjo suk tundunnu bailkamba muli njak samba mbolnge andenje muli kusre-kusrena le ye tugum ndekina. ⁶ Tanjana le ye aganj ta kanjer tiwen ta sinam tanje aganjmor nguikok aganj rabmba likade sar umanj tanjamba kanjerken. ⁷ Kanjerka minen le minje pasa ande ye sayina: Petrus, ne tinja aganj te inum balemba nya ngina le ⁸ ye nu sawen: Sunjo, kuga. Sine Zu mbal aganj afu nyam tuku tukul njak ta ye tukul lukamba aganj tananj inum nye ndaket ngen. ⁹ Ye tanjaka saken le samba mbolnge pasa manj lato sayina: Kuatenje aganj ande mayenu ngate ta ne tukul ndawa ngina. ¹⁰ Sile tanjamba sakam kenkenj le andenje tawi ta tedungina le samba mbol kina. ¹¹ Kina le ait ndui ta mbolnge ndo Sesareanje Kornelius nu tanjo kenmba ye tam tuku kukulningina le ye wande minen ta tugum pronaig. ¹² Pronaig le Tukul Guwa nu ye sayina: Ne wamdus tero ndaka tanjo

prowaig ta dubika kaye ngina. Tira 6 te nane mata ye ndon kumba Kornelius tuku wande ponnga sinam kagej.

¹³ Kornelius nu sine sasingina: Ye enel ande yiye wandeknge tin minna le kangeren. Nu tenenmba sayina. Ne nane afu kukulninga le nane Yopa tumbran sungo mbol nzi tango ande nyunu Simon Petrus tam kuwaig. ¹⁴ Simon nu pasa afu nane ndare tuma turmba satinguwa le tanginge muskil kile-tidinge tingam tuku ndin kangeramngaig ngina.

¹⁵ Kornelius nu wam kube ta denpurna le ye tinga pasa tugu pilmba saken le ambonga sine Tukul Guwa tigen tanamba ndo kasomok mbal tinaig. ¹⁶ Ye wam ta kangermba ye Sungo Yesus tuku pasa ande idusen ta tenenmba. Yohanus nu kulembi nane kule pisneningina. Kile ye Tukul Guwambi tane tuku ngamungal kule pisne tajan tingamngit nga sasingina. ¹⁷ Ambonga sine Zu mbal Sungo Yesus Kristus tuku son ngigen le Kuate nu Tukul Guwa singina tanamba ndo nane mata Tukul Guwa ningina. Ye ima le Kuate tuku nzali tukulam kumun nga saningina.

¹⁸ Tanakina le nane Petrus tuku pasa ta ismba nane pasa kugatok Kuate tuku nyu te-dunga sakinaig: Kuate nzalite le kasomok mbal mata ngamungal biye mbilmba abo tugu minmba minam tuku tade nginaig.

Antiok mbal Yesus tinaig

¹⁹ Stefanus balenaig le Yesus tuku mbal kua ka sili-silinaig ta afu masken ka Finisia ma tugu Siprus nuy Antiok tumbran sungo tanamba kine likinaig ka Zu mbal ndo Yesus

tuku pasa saninginaig sulumba kasomok mbal sa ndaninginaig.

²⁰ Nane tananaig ta Siprus le Sirenenu Zu tanjo afu Antiok tumbraŋ sunjo mbol kumba nanenŋe kasomok mbal Yesus tuku saninginaig le ²¹ Kuatenŋe nane tuku piro sanŋri pilena le nane gudommba nane tuku pasa ismba son ŋga ŋgamunŋal biye mbilmba Sunjo Yesus dubinaig.

²² Yesus tuku kuasmbi Yerusalemŋe manau ta ismba Barnabas kukulnaig le nu ndek Antiok kina. ²³ Nu nane tugum prona sulumba Kuate nu sinŋka mbal te make patikate ŋga nu gare-gareka nane wamdus ndindo Yesus biye dewam tuku tumningina. ²⁴ Barnabas nu tanjo mayenu. Nu ŋgamunŋal son sanŋrinu. Tukul Guwa nu tuku wamdus kumunŋina le nane gudommba nu tuku pasa ismba son ŋga Sunjo Yesus dubinaig.

²⁵ Kile Barnabas nu Saulus sota Tarsus tumbraŋ sunjo mbol kina. ²⁶ Kumba ka nu te-silika tumba nu ndoŋ luka Antiok tumbraŋ pronaik. Nale ar ta yar ndindo Antiokŋe minmba nane tanjo pino gudommba Yesus tuku tumninginmba minnaik. Tananaik le Yesus dubinaig mbal Antiokŋe minnaig ta nane ambonŋa Kristen nyu tinaig.

²⁷ Ait ta mbolŋe tuan tanjo afu Yerusalem kusremba ndeka Antiok pronaig. ²⁸ Pro tanŋe minnaig le tuan tanjo ande nyunu Agabus nu Tukul Guwanŋe wamdus tuna le nu tinŋa guba sunjo kilke tugu ŋakmba mbolŋe prowamŋat ŋga saningina. (Ŋgumneŋga Klaudius nu gabat sunjo minna le guba sunjo ta prona). ²⁹ Tanakina le Yesus dubinaig mbal nane wamdus tumba nanŋine

tira kame Yudea ma tugu mbolŋge turkam tuku sine ndametiŋ ŋak minig ta kumumba patikube ŋginaig. ³⁰Nane taŋamba patika Barnabas le Saulus kukulnikinaig le nale ndametiŋ kilmba mbumba kinaik ka Yerusalemŋge gabat mbal niŋginaik.

12

¹Ait ta mbolŋge mandor Herodus nu Yesus tuku kuasmbi afu ŋaigo siglikina. ²Nu nuŋe kame mbal saniŋgina le nane Yohanus aba nuŋe Yakobus tuku ŋinfok kuerkinaig. ³Kuerkinaig le Zu mbal nane wam ta ismba gare suŋgo tinaig le Herodus nu kila pilmba nu maŋ Petrus ndalekam tuku afu kukulniŋgina. Ait ta Israel mbal bret yis kugatok nyam tuku kusem suŋgo.

⁴Nane nu biye timba muliŋtumba wandekŋge pilnaig le nu Petrus kulatkam tuku kame taŋgo 16 muŋgu turturkam tuku bailka bailka patikina. Pasowa ait ta kugawa le nu Zu mbal am mbolŋge Petrus pasa mbolŋge palmbim idusna. ⁵Petrus nu muli wandek sinamŋge minna le kame mbal ta nane nu kulatkinaig le Yesus tuku kuasmbi Petrus tuku ŋga Kuate suŋgomba yabaŋnaig.

Enjel Petrus te-mayokna

⁶Herodus nu mafewa le Petrus nane ŋakmba am mbolŋge te-tiwam tuku sakina ta furir ait ta mbolŋge Petrus nu kame taŋgo ar ŋgamukŋge wai kupe muli ŋak kinymba gilaiŋgina. Kame taŋgo armba kilimŋge malanga kulatka minnaik.

⁷Kile Suŋgo tuku enjel ande Petrus tugumŋge mayok kina le bulu promba wande sina ta kilŋana. Enjel nu Petrus tuku kailmane burumba

kuanemba sana: Pitik tin̄ga ngina kande sen muli wai mbol ta kuklika ndekinaik. ⁸ Tan̄anaik le eñel nu Petrus sana: Ne tawi tin̄mba kupe ngaro silika ngina le nu ta kumuna. Tan̄ana le nu mañ sana: Naje tawi sun̄go ta tumba kaika ye dubiya ngina le ⁹ nu eñel dubimba mayok kina. Eñel nu tan̄ana ta Petrus nu kin̄ambi agañ kan̄geranu nga idusna.

¹⁰ Kile eñel nu tumba kame mbal tumailam̄nge tin̄ginaig ta lin̄in̄mba ka ngumnem̄nge tin̄ginaig ta lin̄in̄mba ka muli wande tuku malañga sun̄go tugum pronaik. Pronaik le tan̄gon̄ge talkanu sukna le nale kilim kinaik. Kilim ka tumbran̄ sun̄go sinam ta ndin ande dubimba kinaik le eñel nu Petrus kusremba kina. ¹¹ Kina le nu wam̄dus puluna le wam̄dusmbi sakina: Herodus nu ye ñayo siliyam iduste le Zu mbal wam ta tair̄nga minig ta Kuate nu ye nane tuku wai mbol̄nge teluka tam tuku eñel te kukulat nga idusna.

¹² Nu wam̄dus puluna le nu Yohanus Markus tuku ina nuñe Maria tuku wande tugum kina. Wande ta sinam̄nge nane gudomm̄ba mañgurka yaban̄mba minnaig. ¹³ Yaban̄mba minnaig le nu wande ta tuku fonde malañga katkatna le piro pino ande nyunu Roda nu malañga talkam prona kande ¹⁴ nu Petrus tuku pasa ñin tugu katesemba nu gare sun̄go tumba malañga tal ndaka pinderka luka kumba nane san̄ingina: Petrus pro malañga tugum sin̄ge tin̄ minit nga san̄ingina. ¹⁵ Tan̄akina le nane ndek nu sanaig: Ne ngin̄ngankate kande nginaig le nu san̄gri tin̄ga nane san̄ingina: Kuga. Ye sin̄ka saket. Petrus̄nge ngina. Tan̄akina le nane sakinaig: Nu tuku mindekanu kande nginaig.

¹⁶ Petrus nu malanğa katkatmba minna le nane pro malanğa talka Petrus kanğermba piriri n̄ayonaig le ¹⁷ nu waimbi nane peuniñmba maninkuwaig n̄ga Sunço nu muli wande sinamñge te-mayokna ta kubeu niñgina sulumba nu nane saniñgina: Wam kube te Yakobus yin̄e tira n̄akmba saniñgap n̄gina. Tanjamba nu nane kusreka ma kise mbol kina.

¹⁸ Mafena le kame tanço nu kulatka minnaig ta nane Petrus kiringa ndañndanmba pro ket n̄ga wamdus te-sulumba minnaig le ¹⁹ Herodus nu ndek nane afu kukulniñgina le ma n̄akmba mbolñge Petrus sotinaig. Sotete pisenñginaig le nu ndek kame tanço Petrus kulatkinaig ta nane kusnakusnaniñgina sulumba gubranu nane afunçe bale farkuwaig n̄ga saniñgina. Tanjakina sulumba Herodus nu tinça Yudea ma kusremba Sesarea tumbran̄ sunço mbol kina.

Herodus nu kumna

²⁰ Tirus le Sidon kilke nyamagan̄ sunçomba kuga le nane Herodus kilke kulatkina ta mbolñge nane nyamagan̄ piyawanu.

Ait ande Herodus nu tumbran̄ ar ta tuku gubra tina le tumbran̄ ar ta tuku tanço kuasmbi mançur n̄ak pro Herodus tuku wande kulatkanu tanço nyunu Blastus tugum promba nuñge nane turkuwa le Herodus ndon̄ tumawam sakinaig. Tanjakinaig le Herodus nu pasa te-tiwam tuku ait niñgina. ²¹ Ait ta kumunçina le Herodus nu mindepiye tawi magenu siglika nuñe minyo mbili maditaknu mbolñge minyoka nane mançurkinaig ta pasa afu saniñgina le ²² nane ismba wikaraumba sakinaig: Tanço te kilke mbolok tanço kuga. Nu

mbara ande nginaig. ²³ Tanjakinaig le nu lok min-mba Kuate tuku ma tam idusna kande Sungo tuku enel ande pro nu katna le kuinŋge nu tuku ndem nyinaig le ma ma nu kumna. ²⁴ Nu kumna le Kuate tuku pasa sunŋokina le nane gudommba son nginaig.

Tukul Guwa Barnabas le Saulus piro nikina

²⁵ Barnabas le Saulus ndametiŋ ningam tuku piro ta ke sulunaik sulumba nale Yerusalem kusremba taŋgo mo Yohanus Markus tumba luka ndek Antiok kinaik.

13

¹ Yesus tuku kuasmbi Antiokŋge minnaig ta afu tuan taŋgo afu tum taŋgo taŋaŋ pirokinaig. Ande nyunu Barnabas ande Simeon nyun ta Dabuk Dabuk nginaig. Ande Sirenenu taŋgo nyunu Lusius. Ande Manaen nu buk Herodus ndoŋ kiŋo foŋfoŋ wande ndindo mbolŋge minnaik tuku. Ande Saulus.

² Mara ande nane ŋakmba maŋgurka nyamagaŋ pinka Sungo tuku nyu te-dunga minnaig le Tukul Guwa nu nane saniŋgina: Barnabas le Saulus ye buk piro ande tuku madiniken ta kile nale kam tuku patikap ngina. ³ Tanjakina le nane nyamagaŋ pinka Kuate yabaŋmba nane nangine wai Barnabas le Saulus mbolŋge patika kile pirokuwaik ŋga kukulnikinaig le kinaik.

Siprus mbal pasa mayenu isnaig

⁴ Tukul Guwa nu nale kukulnikina le nale Antiok kusremba ndek Selusia kinaik. Nale Yohanus Markus nale turkuwa ŋga tumba ŋak kinaik. Kinaig ka Selusiaŋge waŋ poŋga ka Siprus nuy mbol

kinaig ka ⁵ Salamisnge iben kinaig. Salamis tumbran sungo mbolnge nane piro tugu pilmba kusem wande mbolnge Kuate tuku pasa kuklinaig.

⁶ Nane nuy ta tuku ma nakmba mbol lika pasa kuklimba ka Pafos pronai. Pro tange nane Zu tango ande yabri tuan tango nyunu Bar-Yesus tesilikinaig. Tango ta nu kuanye tango. ⁷ Pafosnge tango ande wamdus kuyar mayenu nak nyunu Sersius Paulus nu gabat tango minna. Nu Bar-Yesus ndon gulab mayenu. Nu Kuate tuku pasa isam tuku Barnabas le Saulus wikina.

⁸ Nale pro pasa kuklimba sanaik le Bar-Yesus nu gabat tango pasa ismba son ngikat nga nu nale tuku pasa ndin kuer-kuerna. (Bar-Yesus Grik pasambi nane Elimas* nginaig). ⁹ Tanana le Saulus nyu ande Paulus Tukul Guwa nu mbol kumungina le nu Elimas fumble timba sigair mbakmba sana: ¹⁰ Ne Sattan tuku kinjo. Ne manau tinreknu nakmba pitaikate. Ne yabri manau kumba wam naigonu ndo ke likate. Ndanam saka ne Kuate tuku manau mayenu tumba yabri pasambi ndin tukulte. ¹¹ Ata. Kile Kuatenge ne tuku am tukulwa le ne ait afu agan kangerke nda ngina. Tanakina le pitik ndo agan inum bidu suk pro nu tuku am tukulna le am ma make ndekina. Tanana le nu nane afu pro nu tuku wai biymba ndin tumwaig nga kumbange nane wikina. ¹² Tanana le gabat sungo nu wam ta kangermba pirerek purka Kuate tuku pasa isna ta Yesus tuku son ngina.

¹³ Kile Paulus nane wan ponga Pafos kusremba ka Pamfilia ma mbol promba Pergange iben ki-

* **13:8:** Elimas nyu ta tugunu Kuanye Tango

naig. Pro tanje Yohanus Markus nu nale kusreka luka Yerusalem kina. ¹⁴ Kina le Paulus le Barnabas nale Perga kusremba Pisidia ma Antiok tumbran sunjo mbol pronaik.

Pro tanje minmba kusem ait ande mbolnje nale kumba ka Zu mbal tuku kusem wande sinam tanje minyokinaik. ¹⁵ Minyokinaik le nane Moses tuan tanjo kame tuku kuyar burke denpurmba kusem wande kulat mbal nane tanjo ande kukulnaig le nu kumba Paulus nale sanikina: Tira kame, tale pasa afu tanjo pino wamodus sangri pileningam tuku njak ndeta saningap njina le ¹⁶ Paulus nu tinga wai te-dungina le nane maninkinaig le saningina: Tane Israel mbal kasomok mbal Kuate kumnemnje minig ta turmba tane ye tuku pasa isap. ¹⁷ Sine Israel mbal tuku Mbara nunje singine mbun kame madiningina. Nu nane kulat magekina le nane Isip kilke mbolnje rawe tanjo minmba tugekinaig. Tugekinaig le Kuatenje nune sangrimbi ndin wakeina le nane Isip kusremba ¹⁸ yar 40 ma baknu mbolnje minnaig le Kuate nu nane kusre ndakina. ¹⁹ Yar 40 kuganaig le Kuate nu Kanan ma mbolnje mbal kise kise 7 kile-ibenka pitaikina sulumba kilke ta Israel mbal ningina. Ningina le nane yar 450 tanjamba tanje minnaig. ²⁰ Minnaig le Kuate nu nane kulatkam tuku tanjo afu madiningmba patikina. Tanjamba kumba ka tuan tanjo Samuel prona.

²¹ Samuel tuku ait mbolnje singine mbun kame tanjo ndindo nangine gabat sunjo minam tuku Samuel kusnanaig. Kusnanaig le Kuate nu Benjamin tuku ndare Kis tuku kinjo nune Saul

madimba pilna le nu yar 40 nane kulatkina. ²² Ngumneŋga Kuate nu Saul te-simba nane tuku gabat sunjo minam tuku tugu kise David madimba pilmba sakina: Yesi tuku kiŋo nuŋe David nu ye ndoŋ wamdus ndindo ŋak. Nu ye tuku nzali ŋakmba dubikamŋgat ŋgina.

²³ Kuate nu pasa sangrinu o buk sakina taŋamba nu David tuku mbuŋ ande Israel mbal tuku muskil kile-tidiŋgam tuku kukulna ta Yesus. ²⁴ Yesus nu piro tugu pile ndakina le ambonŋa Yohanus nu Israel mbal nane ŋgamuŋgal biye mbilmba kule pisne tuwaig ŋga saniŋmba minna. ²⁵ Nu nuŋe piro suluwam patukina sulumba nu teŋenmba nane saniŋgina: Tane ye ima ŋga idusde? Ye Kristus kuga. Ande ye ŋgumnemŋge prowamŋgat ta nu sunjo. Ye nu tuku kupe ŋgaro muli kukliwam tuku wam ŋai ta mata nu mbolŋge kam kumuŋ kuga ŋgina.

²⁶ Yiŋe tira kame Abraham tuku mbuŋ kame kasomok mbal Kuate kumnemŋge minig tane ŋakmba isap. Sine muskil kile-tidiŋgam tuku pasa mayenu ta o buk sine tugum prona. ²⁷ Yerusalem mbal nanŋine gabat mbal ndoŋ Yesus nu Kuatenŋge madina taŋgo Kristus ta nane gilai. Kusem mindek nane tuan taŋgo kame tuku kuyar burke likade ta nane wamdus pulu ndaniŋgina. Taŋamba nane Yesus kumwa ŋga sakinaig sulumba nane Kuate tuku kuyar pasa kumumba taŋanaig. ²⁸ Nane nu balewam tuku mbar ande kaŋger ndanaig ta nane ake sinaŋ nu tumba Pilatusŋge balewa ŋga sanaig ta ²⁹ nane kuyar pasa kumunaig. Nu kumna le nane nu ail kazrai mbolŋge paska mindesiŋ ndame burok sinamŋge pilnaig. ³⁰ Pilnaig le Ku-

ateŋge nu te-tina le maŋ tiŋgina. ³¹ Nu tiŋga nu dubinaig mbal buk Galilea kusremba Yerusalem pronaig ta nu nane tugumŋge mayok kanu le kaŋgeranu. Mbal ta kile Israel ŋgamukŋge nu tuku nyu te-mayokde. ³² Sile Barnabas ndoŋ tane mata pasa mayenu te isap ŋga te prowik. Kuate nu siŋgine mbuŋ kame pasa saŋgrinu saniŋgina ta ³³ kile sine tugumŋge alonu te-mayokmba Yesus te-tina le tiŋgina. David nu nuŋe mune waŋe arnu mbolŋge ta tuku teŋenmba kuyarna le minit. Ne ye tuku Kiŋo. Kite ye ne tuku Mam mayok kinet ŋgina. *Mune 2.7*

³⁴ Kuatenŋge Yesus te-tina le nduiye tiŋga ŋgarosu me ndaŋgina ta kuyar pasa ande mbolŋge Kuate nu wam ta te-mayokmba sakina: Ye wam afu magenu ke likam tuku David sawen ta ye ne mbolŋge taŋamba kamŋgit ŋgina. *Aisaia 55.3*

³⁵ David nu mune waŋe ande mbolŋge teŋenmba kuyarna. Ye ne tuku piro taŋgo yiŋe ŋgarosu menu tuku ndin tukulamŋgat ŋgina. *Mune 16.10*

³⁶ David nu Kuate tuku nzali dubimba nuŋe kuasmbi ŋgamukŋge pirokina sulumba kumna. Kumna le nane nu tumba nuŋe mbuŋ kame gemniŋmba ŋgukinaig le meŋgina. ³⁷ Ande Kuatenŋge te-tina le tiŋgina ta nu me ndaŋgina.

³⁸ O tira kame, tane pasa te ise mayewap. Kuate nu Yesus te-tina ta nu mbolŋge nu sine tuku une sauka gilaingate. ³⁹ Tane taŋgine unenŋge didikate ta Moses tuku tukulŋge tane turkam kumuŋ kuga. Tane Yesus tuku kume tuku saŋgri tomba tiŋgap le Kuatenŋge tane tuku muskil kile-tidiŋge tiŋgamgat.

⁴⁰ Tane rironj mayewap. Tuan tanjo kame tuku pasa tane mbolnje kumunjikat. Pasa ta tenjenmba sakate.

⁴¹ Kuate talaka nzumil te-tuwig mbal tane isap.

Tane piriri njayomba njisinunjaig. Tane tuku ait mbolnje ye wam sangrinu ande ki ta tane son nje nda. Ande nu tugusemba wam ta kuklimba sakuwa ta mata tane son nje nda.

Habakuk 1.5

Paulus nu tanjamba pasa kuklimba saninjina.

⁴² Kile Paulus le Barnabas mayok kinaik le nane manj kusem ande mbolnje nale tuku pasa isam saka njailkinaig. ⁴³ Tanjamba nane sili-silimba kusem wande kusrenaig. Nane gudommba afu Zu mbal afu kasomok mbal Zu tanjanj Kuate dubinaig tuku ta nane Paulus le Barnabas dubika kinaig. Kumba ka tanje nale nane ndonj pasa-pasakumba Kuate nu tane ake sinanj make patikina wam ta biye demba minap nga saninjinaik.

⁴⁴ Kusem ande mbolnje Antiok mbal njakmba Kuate tuku pasa isam tuku manj pro manjurkinaig le ⁴⁵ Zu mbal nane tanjo pino gudommba pro manjurkinaig le kanjerka nane wamdus kagli firka gubra tinaig. Paulus nu pasa kuklimba minna le nane nu tumail panmba nu tuku pasa pitaimba nane pasa ndin kise sakinaig. ⁴⁶ Nane tanjanaig ta Paulus le Barnabas nale kuru kuru ndaka sanjri tinga saninjinaig: Tane Zu mbal tane ambonga Kuate tuku pasa mayenu isam tuku minig. Tane isam mbulmba pitaide ta abo minmba minam tuku ndin turmba pitaide. Ta tuku kile sile kasomok mbal tugum kanjik. ⁴⁷ Kuate nu sile kasomok

mbal pasa mayenu saningam tuku tenjenmba sasik-ina.

Kilke mbol mbal muskil kile-tidingam tuku ye ne sati tanaŋ kasomok mbal kiljaningam tuku ne pilet. *Aisaia 42.6; 49.6*

Paulus nale taŋamba saninginaig le ⁴⁸ kasomok mbal pasa ta ismba nane gare sunŋo tumba Kuate tuku nyu te-dunŋinaig. Nane abo minmba minam tuku Kuatenŋe madiningina ta nane pasa ta ismba son ŋginaig le ⁴⁹ Kuate tuku pasa ma ta mbolŋge kumuŋga sunŋokina.

⁵⁰ Sunŋokina le Zu mbal nane ndek gabat pino kame Kuate dubinaig tuku tumbranŋ sunŋo ta tuku gabat sugo turmba Paulus le Barnabas pitaikam tuku nane tuku wamdus kunde-kundenaiŋ. Taŋanaig le gabat sugo nane gubra tumba sine tuku tumbranŋ te kusremba kape ŋga pitaikinaig le ⁵¹ Paulus nale kambim ŋga nane Kuate tuku pasa pitaide ta nanŋine mbar rironkuwaiŋ ŋga tuptup kupe mbolŋge denŋanu ta nane am mbolŋge paurŋga nale Ikonium kinaik.

⁵² Yesus dubinaig mbal Antiokŋe minnaig ta Tukul Guwa nane tuku wamdus kumuŋgina le nane gare ŋak minnaig.

14

Ikonium mbal pasa mayenu isnaig

¹ Nale Ikonium tumbranŋ sunŋo mbol pronaik le wam ndui ta ndo mayok kina. Nale Zu mbal tuku kusem wande sinam kumba pasa kuklinaik le nane gudommmba afu Zu mbal afu Grik mbal Yesus son ŋginaig. ² Taŋanaig le Zu mbal afu Yesus

son nda nginaig ta nane kasomok mbal tugumnge Yesus dubinaig mbal kasurninguwaig nga nane tuku wamdus kunde-kundenaig. ³ Paulus le Barnabas ma ta mbolnge mine sunjomba kuru kuru ndaka Kuatenge kilke mbol mbal make patikate nga tanjamba pasa kuklimba minnaik le Sunjo nu nuje pasa kulatka sangri nikina le nale wam kitek sangrinu ke likinaik. ⁴ Tanjamba kinaik le Ikonium tango pino nane pur arnaik. Afu aposel kame dubikinaig le afu Zu mbal dubikinaig.

⁵ Tanjamba minnaig le Zu mbal afu nangine gabat sugo ndon kasomok mbal afu turmba nane Paulus le Barnabas bige tidinga ndamembi bale faram bafunaig le ⁶ nale pasa ta ismba kua ka Likonia ma tugu mbol kinaik. Kinaig ka ta promba Listra le Derbe tumbran sugo ar ta mbolnge pasa mayenu kuklimba tumbran ar ta tuku tumbran fonfon sinam tanje mata ⁷ pasa mayenu kuklimba lika minnaik.

Listra mbal pasa mayenu isnaig

⁸ Listranje tango ande kupe arnej baklelok ina sinamnge tanan mayok ka sunjokina. Nu ti danga minyokndo minna. ⁹ Tango ta nu Paulus tuku pasa ismba minna le Paulus nu kanjer timba Yesus nu wakeiwam tuku nu ngamungal son kumumbi nak ta kanjermba nu wi kuenka sana: ¹⁰ Ne tugusemba tinga ngina. Tanakina le nu pastin tilainga likina.

¹¹ Tango pino Paulus nu tango ta wakeina le kanjermba nangine Likonia pasambi kuenka saki-naig: i ... Tango ar te kilke mbolok kuga. Mbara afu tango kuilka sine tugum te prowaik nginaig.

¹² Tanakinaig sulumba nane Barnabas tuku nyu

nanġine mbara Sus nginaig. Paulus nu pasa tugu tanġo tukunu nyun ta mbara Hermes nginaig.

¹³ Sus mbariġam tuku wande tumbraġ sunġo makembiġe minna. Wande ta tuku pris nu tanġo pino ndoġ Paulus le Barnabas atraukam saka ail bot ngika makau pailnu birneġniġmba kilmba tumbraġ sunġo tuku malanġa tugum prona. ¹⁴ Barnabas le Paulus wam ta kanġermba palseġnikina le nale ndek nakile tawi fetfetmba pinderka kumba nane ngamukġe sunġomba wika sakinaik: ¹⁵ Tanġo kame, ndaġam saka tane wam te kam bafude. Sile tanġo tane minig taġaġ. Sile pasa mayenu tumba te prokik. Tanġine maġau alo kugatok te kusremba mbilka Mbara ndindo abo tugu ġak nu ndo dubiwap ġga tumtiġgam prokik. Nuġe samba tugu kilke tugu yu tugu aġaġ ndende ġakmba wakeikina. ¹⁶ Wa mbuġ kame nane nanġine nzali dubimba kinaig le Kuate nu peu ndaniġgina. ¹⁷ Taġamba kile nu minit maġau ta tane tumtiġgit. Tane ġakmba nu kila palmbim tuku nu wam mayete. Nu sawe nyamagaġ kumumbi tiġgit le tane alonu kilmba nyumba maro ġak wamdus ġare ġak minig ġga saniġginaik.

¹⁸ Paulus nale taġamba saniġginaik ta nane tuku wamdus pitik ibeġ ndakinaig. Nane lato saka minnaig le ndo nane atraukam tuku wamdus ta kusrenaig.

Nane Paulus paniġtinaig

¹⁹ Antiok le Ikoniumġe Zu mbal afu Listra promba Listra mbal tuku wamdus kunde-kundemba nane ndoġ Paulus tumba kasomġe

pilmba ndamembi katnaig sulumba kile kumat nga idusmba nu didika tumba tumbran sungo kilim kumba ka mayoknge kusrenaig le minna. ²⁰ Minna le Yesus dubiwanu mbal kumba ka Paulus te-ngamunaig le nu nair njinka abonga tinga tumbran sungo sinam kina.

Mafena le nu Barnabas ndonj Listra tumbran sungo kusremba Derbe kinaik. ²¹ Ka tange nale pasa mayenu kuklimba nane saninginaik le nane gudommba mbilka Yesus son nginaig. Tanjanaig le nale tumbran sungo ta kusremba luka Listra Ikonium Antiok manj kine likinaik. ²² Kumba ka tange Yesus dubinaig mbal wamdus sanjri pilenimba Yesus tuku pasa biye demba minap nginaik sulumba sakinaik: Sine Kuate tuku gageu sinjka piti yimyam sunjgomba kanjerkumba ma ma Kuate tugum kanjig nginaik.

²³ Nale ma njakmba mbolnge Yesus tuku kuasmbi kulat tango nanjine madika patikinaik. Tanjamba nale nyamaganj pinka yabanmba kulat tango ta saninginaik: Tane Yesus son ngade tukunu nunje tane sinzanjngamngat nginaik.

Nale luka ndek Antiok kinaik

²⁴ Kile nale tinga kumba Pisidia ma tugu ngamu fetka kumba ka Pamfilia ma tugu mbol pron-aik. ²⁵ Pro Perga tumbran sungo mbolnge nale pasa kuklinaik sulumba nale tinga Atalia tumbran sungo mbol kinaik ka ²⁶ tange wanj ponga luka kumba ka ka Antiok pron-aik. Tumbran tange Yesus tuku kuasmbi nane buk Paulus nale piro ta kuwaik nga madininginaig sulumba Kuate nu

nale make patikuwa nga yabanmba kukulnikinaig le kinaik.

²⁷ Nale luka pro tanje Yesus tuku kuasmbi kilemanjurka Kuatenje nale sanjri nikina le wam ke likinaik ta njakmba kubeu ninginaik sulumba Kuatenje kasomok mbal Yesus son ngam tuku ndin wakeina ta sakinaik. ²⁸ Tanjamba nale Antioknje ait kuennu Yesus dubinaig mbal ndon minnaik.

15

Yerusalemnge pasa sunjo ande te-tinaig

¹ Paulus le Barnabas Antioknje minnaik le tanjo afu Yudea ma mboloknje promba Yesus dubinaig mbal saninginaig: Tane Moses tuku tukul dubimba ngaro pike ndakap ta tane ngisikamnjaig njinaig. ² Tanjakiniaig le Paulus le Barnabas nale kuasmbi ta ndon kualeyaukinaig le Yesus tuku mbal ndek Paulus le Barnabas tanjo afu ndon kukulningmba saninginaig: Tane Yerusalem kumba aposel le gabat kame ndon manjurka pasa ta tetiwap njinaig. ³ Tanjamba kukulninginaig le nane kumba ka Finisia le Samaria ma ngamu fetka kumba ndinje Yesus tuku mbal afu kanjerka saninginaig: Kasomok mbal mata pasa mayenu ismba ngamungal biye mbilnaig njinaig le nane wam ta ismba gare tornaig.

⁴ Paulus nane mbumba ka Yerusalem pron-aig le Yesus tuku kuasmbi aposel le gabat kame ndon nane kanjerka gare-gareka kaiye ninginaig. Tanjanaig le Kuatenje Paulus nane sanjri ningina le wam ke likinaig ta kubeu ninginaig le ⁵ Farisi

tanjo afu Yesus dubinaig ta nane tinja ndek sakinaig: Kasomok mbal Yesus dubide ta sine nane tuku ngaro pikmba Moses tuku tukul njakmba dubikuwaig nga saniŋbe nginaig le ⁶ aposel kame Yesus dubinaig tuku gabat kame nane pasa ta ismba te-tiwam tuku manjurkinaig.

⁷ Manjurkinaig ta nane wamdus yimyam kilemayokka pasa tugu sunjomba saka minnaig le Petrus ndek tinja saniŋgina: Tira kame, kasomok mbal Kuate tuku pasa mayenu ismba son ngam tuku Kuate nu ye madiyahumba nane tugum kuku-lyina ta tane kila. ⁸ Kuate nu tanjo njakmba tuku ngamungal kila. Nu kasomok mbal kilam tuku idusmba minna ta nu te-mayokmba sine ambonja Tukul Guwa siŋgina tanjamba ndo nu nane mata Tukul Guwa niŋgina. ⁹ Nu sine Zu mbal nane kasomok mbal mbolŋge wam ndui ta kina. Kasomok mbal afu Yesus tuku kume tuku sanjri tomba tinjinaig le nu nane tuku une mata sauka gilainjina. ¹⁰ Siŋgine mbunj kame sine mata Moses tuku tukul ta dubikam tuku piro karenj ka dubiwe fugujen. Ndanjam saka tane kile Kuate tuku wamdus tagode sulumba kasomok mbal Yesus dubide ta minde bada pile sunjo niŋgig. ¹¹ Sunjo Yesus nu ake sinanj sine make patikate le muskil te-tiweg ta sine son ngeg. Tanjamba ndo kasomok mbal mata manjau ndui ta ndo kate njina.

¹² Manjurkinaig mbal nane Petrus tuku pasa ismba maninok minnaig le Barnabas nale Paulus ndonj nale mata tinja Kuate nu kasomok mbal ngamukŋge wam sanjrinu kitek ke likina ta kubeu niŋginaik le isnaig. ¹³ Nale kubeu denjurnaik le

Yakobus nu tinnga saniŋgina: Tira kame, tane isap.

¹⁴ Kuatenge kasomok mbal ŋgamukŋge afu nuŋe mbal minam tuku nu ambonga Simon kukulna le nane tugum kina ta ŋakmba kubewat le sine isigig.

¹⁵ Kuatenge kasomok mbal afu wikate ta tuan tanŋo kame mata sakinaig. Andenŋe tejenmba kuyarna.

¹⁶ Afunŋe David tuku tugu ŋaigo siglika kile-ibenŋkinaig ta ŋgumneŋga ye pro wakeiki le maŋ mayok kaŋgaig.

¹⁷ Ye taŋawi le kilke mbol mbal ye madiniŋgen ta ye sota ka ka te-silikamŋgaig.

¹⁸ Kuate nu o buk nuŋe wamodus taŋamba te-mayokna ta nuŋge sakate ŋgina. *Amos 9.11-12*

¹⁹ Yakobus nu tuan tanŋo tuku kuyar saniŋmba sakina: Ye tejenmba iduset. Kasomok mbal afu ŋgamunŋal biye mbilmba Kuate dubide ta sine nane minde bada pile sunŋo nda niŋbe. ²⁰ Sine waŋe ande nane maŋau dubikam tuku tejenmba kuyarbe. Nane afu naŋgine mbara kanunu atraukade ndem ta nda nyap. Tane tanŋo pino ndoŋ fare fare une ndakap. Agaŋmor ŋinfok pip-kade le ndare nda prote ta nda nyap. Ndare mata nda nyap. Sine taŋamba waŋe kuyarbe. ²¹ Moses tuku tukul ta o buk tugu pilmba Zu mbal ma ŋakmba mbolŋge kusem kidemba naŋgine kusem wandekŋge nu tuku kuyar burka ismba minig ŋga saniŋgina.

Nane kasomok mbal tuku waŋe kuyarmba tumba Antiok kinaig

²² Gabat kame aposel ndon Yesus dubinaig mbal njakmba pasa ta ismba tanjo afu Paulus le Barnabas dubika Antiok kambim tuku madiningam sakinaig. Tanjamba nane tanjo armba nyu njak madinikinaig ta ande nyunu Yudas ande Silas. Yudas nyunu ande Barsabas. ²³ Tanjamba nane wane ande tenjamba kuyarnaig.

Singine tira kame kasomok mbal Antiok tumbran sunjo Siria le Silisia ma tugu mbolnje mine likade tane njakmba kaiye.

Sine aposel kame le gabat kame tane ndon pasatam proweg.

²⁴ Sine tanjo afu kukul ndaningigen le nangine wamodus dubimba tane Moses tuku tukul pasa dubiwap nga satinjinaig. Tanjanaig le tane wamodus pititingina ta sine isgen. ²⁵ Sine mangurka pasa ta isgen sulumba tanjo armba madinikigen le tane tugum ta prowamngaik. Nale singine gulab Barnabas le Paulus ndon kukulningigen. ²⁶ Barnabas le Paulus singine sunjo Yesus Kristus tuku piro ndo idusmba mara afu nale kume dirnaik. ²⁷ Tanjo ar kukulnikigen ta Yudas le Silas. Nane tane tugum prowaig sulumba sine pasa afu kuyarkigen te nane pasa ndui ta satinguwaig le isap. ²⁸ Tukul Guwanje wamodus singina ta ndo tane dubiwam tuku satinjeg. Sine tane minde bada sunjo pile tingenda. Tane tukul kame te ndo dubikap. ²⁹ Nane afu nangine mbara kanunu atraukade ndem ta nda nyap. Ndarenu mata nda nyap. Aganjmor njinfok pipkade le ndare nda prote ta nda nyap. Tane tanjo pino ndon fare fare une ndakap. Tane tukul kame te ndo dubikap ta

tane wam mayewamŋgaig.

Not ndo. Kile minap.

Yerusalem mbal tanjamba waŋe kuyarnaig.

³⁰ Nane waŋe ta Yudas nale nikmba kukulniki-naig le nale Barnabas le Paulus dubika ndek Antiok kinaig. Kumba ka ta promba Yesus tuku kuasmbi kile-mangurka nale waŋe ta niŋginaig le ³¹ nane waŋe ta burka wam pagu pasa te maye ŋga gare tinaig.

³² Yudas le Silas nale Kuate tuku tuan tanjo. Nale ndek Antiok mbal pasa gudommba saniŋginaig le nane sanjri tinginaig. ³³ Nale mara afu Antiokŋge minnaig le kile Antiok mbal nale kukulnikinaig mbal ta tugum kuwaik ŋga kaiyenikinaig. ³⁴ [Silas nu wamdus ande tumba mbulmba Antiokŋge minna.]

³⁵ Paulus le Barnabas Antiokŋge minmba tanjo afu ndoŋ Sunjo tuku pasa nane tumniŋmba minnaig.

Barnabas le Paulus nale muŋgu kusrekinaik

³⁶ Tanjamba minnaig ma ma Paulus nu Barnabas sana: Sile buk ma yimyam mbolŋge Sunjo tuku pasa kuklimba niŋgikenj ta kile sile maŋ Yesus dubide mbal tuku mine kanjerkam tuku kap ŋgina. ³⁷ Tanjakina le Barnabas nu ndek woka Yohanus Markus ndoŋ kambim tuku sakina kande ³⁸ Paulus nu mbulmba ndek sakina: Kuga. Sile nu ndoŋ piroka mingenj ma ma piro kuga ndana le Pamfiliange nu sile kusrekina tukunu ye mbulit ŋgina le ³⁹ nale muŋgu kusrekinaik. Tanjamba Barnabas nu ndek Markus tumba waŋ poŋga Siprus nuy mbol kinaik le ⁴⁰ Paulus nu Silas

ndonj pirokam tuku sakina le Yesus tuku mbal nane sakinaig: Sunjonje tale make patikuwa nginaig sulumba kukulnikinaig le kinaik.

⁴¹ Paulus nu Silas tumba Siria le Silisia ma tugu mbol kumba Yesus tuku kuasmbi kame sanjri pileninge likina.

16

Paulus nu li arnu tugu pilna

¹ Nale kumba ka Derbe promba Listra kinaik. Ka tanje tanjo ande Yesus dubina tuku nyunu Timoteus minna le kanjernaik. Ina nuje Zu pino. Nu mata Yesus son ngina. Mam nuje Grik tanjo. ² Yesus dubinaig mbal Listranje Ikoniumnje nane njakmba Timoteus tuku saka minnaig.

³ Timoteus mam nuje Grik tanjo ta tumbran ta tuku Zu mbal nane njakmba kila. Ta tuku Paulus nu Timoteus nu ndonj pirokuwa nga ngaro pike tuna. ⁴ Tanjana sulumba nane tumbran njakmba mbolnje lika Yerusalemnje aposel le gabat manjur mbolnje tukul afu nane dubikam tuku sakinaig ta sanjmba likinaig. ⁵ Nane tanjanaig le Yesus tuku kuasmbi sanjri tinginaig le mara mindek nane afu Yesus dubiwam tuku pro nane ndonj ulendikinaig.

Masedonia mbal pasa mayenu isnaig

⁶ Paulus nane Tukul Guwanje peuningina le nane Asia ma mbolnje pasa kukli ndamba Frigia le Galesia ma mbol kinaig. ⁷ Frisia le Galesia pronaig sulumba kumba ka Misia ma patumba Bitinia ma mbol kambim sakinaig ta Tukul Guwa nane man peuningina. ⁸ Peuningina le nane Bitinia

kine ndaka Misia laipmba ndek Troas tumbran sungo mbol pronaig. ⁹ Pro tanje furir Paulus nu kinatanu suk Masedonia tango ande kangerna. Tango ta nu Paulus tugumnge tinga Paulus nu Masedonia promba nane turkuwa nga sarsamba minna. ¹⁰ Nu kinatanu suk wam ta kangerna le Paulus Silas Timoteus ye Lukas Kuatenge Masedonia mbal nu tuku pasa mayenu isam tuku kukul-singit nga wamdus pulusingina le sine dal ndaka Masedonia kambim tuku ndin sotigenj.

¹¹ Troasnge sine wan ponga pakarka Samotres nuy mbol kagenj. Ka tanje kinymba mafena le wan ponga Neapolis kagenj. ¹² Tanje ibenj ka ndin dubimba ka Filipi promba sine mara afu tanje mingenj. Filipi nu Masedonia ma tugu tuku tumbran sungo. Tumbran tanje Rom mbal gudommba pro mine likinaig.

¹³ Kusem ait mbolnge sine Zu mbal afu kule makembi tanje yabanmba minig kande nga idusmba tumbran sungo kusremba kule makembi ta ndek kagenj ka tanje pino afu manjurka minnaig le nane ndonj minyoka pasa-pasakigenj. ¹⁴ Pino kame sine tuku pasa isnaig ta ande nu Tiatira tumbran sungo mbolok pino nyunu Lidia. Nu tuku piro ta nu tawi gurgur magenu wakeika patikanu le nane piyawanu. Nu Kuate mbarinmba minanu. Paulus nu pasatina le Kuatenge nu tuku wamdus purfeu tuna le nu Paulus tuku pasa ise tidingina. ¹⁵ Tanamba nu nuje ndare tuma ndonj kule pisne tinaig sulumba nu sine ngailka sasingina: Tane ye sinjka mbilka Yesus dubiwanu nga idusmba kande tane ka ye tuku wande mbolnge minap ngina.

Paulus nale Filipinje mulin kilmba wandeknje patikinaik

¹⁶ Mara ande sine yaban ma mbol kagen le pino mbanzo ande sine kile-siglikina. Pino ta kagmaikam tuku guwa njonu nak. Nu tango afu tuku piro agan tanan minmba kagmai piro kina le nane nu mbolnje ndametin sungomba kilnaig.

¹⁷ Pino ta nu sine Paulus ndon dubika wika sakina: Tango kame te nane Sunjo Kuate tuku piro tango. Tane muskil kile-tidinge tingam tuku ndin tumtingig ngina. ¹⁸ Nu ait sungomba sine dubika tanamba saka minanu le Paulus nu ndagarina le mbilka guwa njonu ta sana: Ye Yesus Kristus tuku sangri mbolnje ne sanet. Pino ta kusremba ne mayok kaye ngina. Tanakina le nu pitik ndo pino ta kusremba mayok kina.

¹⁹ Mayok kina le tango kame nu kulatka minnaig ta nane ndametin kilanu ndin tukulkina le kanjermba Paulus le Silas bige tidinga kilmba didika ka manjur ma mbolnje gabat sugo am mbolnje kile-tidinaig. ²⁰ Gabat sugo tugumnje kile-tidinaig sakinaig: Tango ar te Zu tango. Nale sine tuku tumban sunjo mbol te pronaik sulumba tango pino tuku wamdus njaigo siglikade. ²¹ Nale manau afu kise sine dubiningam tuku sasngik. Manau sasngik ta sine Rom mbal dubikam kumuñ kuga nginaig.

²² Tango pino manjur minnaig ta nale pasa mbolnje patikinaig mbal ndon ulendika Paulus le Silas tuku gubra pasa sakinaig. Tanakinaig le Rom kame gabat nale tuku tawi fetfetmba nane afu saninginaig le nale kilmba gudabmbi pani farniki-

naig. ²³ Nale pani farnikmba ma ma patikinaig le kame gabat nale muliŋ kilmba wandekŋge patika muli wande kulatkanu tango sanaig: Ne nale kulat mageka ŋginaig. ²⁴ Tanaka sanaig le nu pasa ta ismba wande ŋgamuŋge nale patikina. Nu ail mbaŋ armba kilmba nale tuku kupe burok sigirka kuse ndiŋnikina.

²⁵ Furir ŋgamu Paulus le Silas Kuate tuku nyu te-duŋga mune afu nindmba Kuate yabaŋmba minnaik le muli wandekŋge tango ŋakmba nane wam ta ismba minnaig. ²⁶ Tanamba minnaik le mumni sungo promba muli wande makek buruburunimba wande malanga ŋakmba talke likinaig le muliŋ kilnaig mbal wai kupe ndaleke likinaig ta muli ŋakmba ake kuklike likinaig.

²⁷ Muli wande kulatkanu tango nu aboŋga tiŋga malanga ŋakmba talok minnaig le kaŋgerka tango ŋakmba kua kagig ŋga idusmba kuru-kuruka nuŋe bagi gomba tumba nuŋe miroŋ ŋgaro balewam bafuna kande ²⁸ Paulus nu kuenka sakina: Naŋe miroŋ ŋgaro bale ndawa. Sine ŋakmba mineg o ŋgina.

²⁹ Kile wande kulatkanu tango nu sati tuku wikina sulumba tumba pinderka muli wandek sinam kumba nu kuru-kuruka piriri ŋayomba ka Paulus le Silas tugumuŋge truk kina. ³⁰ Tanamba nu tiŋga nale kilmba mayok kumba sanikina: O tira kame, ye ndaŋi sulumba abo ŋak minmba minamŋgit ŋgina le ³¹ nale nu sanaik: Ne Sungo Yesus tuku son ŋga le nu ne tuku muskil te-tine tinwa sulumba naŋe ndare tuma mbal turmba kile-tidiŋge niŋguwa ŋginaik. ³² Tanaka sakinaik sulumba Paulus nale pasa kuklinaik le muli wande

kulatkanu tanjo nuje ndare tuma turmba Sunjo tuku pasa isnaig.

³³ Muli wande kulatkanu tanjo nu Paulus nale kilmba kumba ka katnikinaig tuku we ta minyanje likina. Tanjamba nu nuje ndare tuma kame ndonj kule pisne tinaig. ³⁴ Kule pisne tinaig sulumba Paulus le Silas kilmba nanjine wande mbol kumba isukusnenikinaig. Nu nuje ndare tuma njakmba Kuate son njinaig tukunu gare sunjo tinaig.

³⁵ Mafena le kame gabat Paulus le Silas paska kile-mayokkuwaig nga kame tanjo afu kukulninginaig le ka muli wande kulatkanu tanjo sanaig. ³⁶ Sanaig le nu ka Paulus nale sanikina: Rom kame gabat ye tale pitaiki le ake kambim tuku sakaig. Tale mayok ka wamdus bulok njak kape njina kande ³⁷ Paulus nu sana: Kuga. Sile Romnu. Nane sile tuku pasa te-ti ndamba tanjo am mbolnje ake pani farsikmba mulinj kilmba wandeknje patikinaig ta nane mbarnaig. Kile nane kuirkuirka sile pitaikam kumunj kuga. Sile mayok kine nda. Kame gabat ta saningap le nanjine mironj te promba sile pakuwaig njina.

³⁸ Kame tanjo nane luka Rom kame gabat Paulus tuku pasa saninginaig le Paulus le Silas nale Romnu ta kila pilmba wamdus fulilkinaig sulumba ³⁹ nane kumba nale sanikinaig: Ae. Sine mbargen njinaig. Tanjamba nale paska kile-mayokka tale tumbrañ sunjo te kusremba kape njinaig.

⁴⁰ Nale muli wande kusremba ka Lidia tugum pronaik. Nu tugum promba Yesus dubinaig mbal

ɲakmba sanɲri tinɲam tuku pasa afu saninɲinaik sulumba tinɲa ma kise mbol kinaik.

17

Tesalonika mbal pasa mayenu isnaig

¹ Paulus le Silas nale kinaik ka Amfipolis le Apolonia tumbranɲ sugo ar ta kusreka kinaik ka Tesalonika pronaik. Tumbranɲ tanɲe Zu mbal tuku kusem wande ande minna. ² Paulus nu kusem mindek nuɲe maɲau dubimba kusem wandekɲe kuyar pasa burka kuklimba nane ndoɲ pasa tugu yimyam tugu bitekɲga tumniɲmba minna le kusem keɲmba kinaig.

³ Paulus nu kuyar pasa tugunu kuklimba teɲenmba saninɲina: Kristus nu pro rar sunɲo tumba kumwa sulumba nu maɲ tinunɲat ɲga kuyar pasa tumsinɲit. Ye Yesus tuku satinɲet ta nu Kristus ɲgina. ⁴ Tanakina le Zu tanɲo afu Paulus tuku pasa ismba son ɲga Paulus le Silas ndoɲ ulendikinaig. Grik tanɲo gudommba Kuate dubinaig ta pino kame afu nyu ɲak minnaig ta nane mata son ɲginaig.

⁵ Nane gudommba Paulus nale dubikinaig le Zu mbal afu gubra tumba wamdus kagli firka ndek tigli sota nyumba likanu tanɲo afu kilmba kuasmbi sunɲo kile-maɲɲurkinaig le nane ɲakmba ɲgumbeyumba tinɲa kumba Yason tuku wande kormba Paulus nale kilmba tanɲo ɲakmba am mbolɲe kile-tidinɲam tuku sotinaig. ⁶ Sotinaig kande nane Paulus nale kiringa ndek Yason Yesus tuku mbal afu turmba bige tidinɲa kilmba didika pro tumbranɲ sunɲo tuku gabat kame tugumɲe kile-tidinɲa wika saninɲinaig: Tanɲo ar ta ma tugu

ɲakmba mbolɲge nakile pasa kuklimba taŋgo pino tetkinaig sulumba kile nale tumberaŋ suŋgo te mbol pronaik le ⁷ Yasonɲge kilna. Nane ɲakmba siŋgine gabat Sesar tuku tukul lukaka gabat kise nyunu Yesus minit ɲga sakade ɲginaig. ⁸ Taɲakinaig le tumberaŋ suŋgo ta tuku gabat mbal taŋgo pino nane gabat kise tuku nyu ta ismba wamdus ɲaigoɲginaig ta ⁹ gabat kame nane zigna suŋgo ta tukulam tuku Yason nane ndametiŋ afu yaika nane kukulɲɲginaig le luka kinaig.

Berea mbal pasa mayenu isnaig

¹⁰ Furirna le Yesus tuku mbal Paulus le Silas kukulnikinaig le nale tiŋga ka Berea pronaik. Pro taŋge Zu mbal tuku kusem wande sinam kinaik. ¹¹ Nale kuyar pasa kuklinaik le Berea tuku Zu mbal nane Tesalonika tuku Zu mbal taŋaŋ mine ndaka nane pasa ise mayenaig. Nane mara mindek kuyar pasa burka nale tuku pasa son e ko kuga ɲga sotanu. ¹² Taɲamba Zu mbal gudomma Yesus tuku son ɲginaig. Grik taŋgo pino nyu ɲak nane afu mata son ɲginaig.

¹³ Kile Tesalonika tuku Zu mbal afu Paulus nu Bereaɲge Kuate tuku pasa kuklimba minanu pasa ta ismba nane ndek Berea pronaig. Pro taŋge nane kuasmbi yimyam ɲgamukɲge Paulus le Silas talanikuwaig ɲga nane tuku wamdus didikinaig le ¹⁴ Yesus tuku mbal wam ta kila pilmba Paulus piyal nzi kuwa ɲga sanaig sulumba afu nu mindemba ndek kinaig. Silas le Timoteus nale Bereaɲge minnaik.

¹⁵ Kinaig ka ka piyalɲge tumberaŋ suŋgo Atens pronaig. Pro taŋge nane Paulus kusremba lukam

bafunaig le nu Silas le Timoteus ndin ande kanjermba ndeta pitik te prowaik nga pasa pilna le nane kinaig.

Atens mbal pasa mayenu isnaig

¹⁶ Atensnge Paulus nu nale tairnga minmba nu kine promba lika nane tuku mbara kanunu gudommba kanjerka wamdus nyanngina sulumba ¹⁷ nu kumba ka kusem wande sinanngge Zu mbal kasomok Kuate dubinaig mbal nane ndon pasa tugu biteknga tumningmba minna. Mara mindek nu tumbran sungo tuku mangur ma mbolnge nane afu minanu ta nane ndon mata tanawanu.

¹⁸ Nu Yesus kumba man tingina wam ta tuku saningina le Epikurian le Stoik mbal afu pro nu ndon pasambi kualeyaukumba sakinaig: TANGO te nule parak pasa sakate nga talanaig. Afu tenenmba sakinaig: Nu rawe mbal tuku mbara afu tuku sakate inde nginaig.

¹⁹ Tanaka saka nane Paulus tumba kumba ka nangine mangur ma sungo nyunu Ariopagusnge mangurka Paulus sanaig: Ne pasa kiteknu sakate ta man saka le sine isbe. ²⁰ Ne pasa sakate ta sine nginngankeg. Sine pasa ta tugunu isam tuku iduseg nginaig. ²¹ Atens mbal rawe mbal tanje minnaig ta turmba nane ait njakmba mbolnge wam kube kitek saka ismba minanu.

²² Kile Paulus nu Ariopagus mangur ma ngamuknge tinga saningina: Atens mbal, tane mbara yimyam dubikam tuku wamdus pilig le kamuset. ²³ Ye kine promba tanjine mbara kanunu gudommba kanjerke liken ta ande tuku mbain mbolnge kuyar ande tenenmba kanjeren.

Mbara ande sine gilai ta mbain te mbolŋge mbariŋam tuku ŋga kuyarnaig. Ata. Mbara tane gilai minig ta ye kila satingamŋgit. ²⁴ Kuateŋge kilke agan ndende ŋakmba kile-mayokkina. Nu samba le kilke tuku Sungo. Tango nanŋine waimbi mbariŋam tuku wande pilig ta nu ta sinamŋge mine ndakate. ²⁵ Kuate nu ŋgarosu abo minam tuku agan ŋakmba kumumbi singit. Agan ŋakmba nu miro. Sine Kuate tuku piro keg ta sine agan inum nu tambim tuku mine ndakate.

²⁶ Kuate nu tango ndindo wakeina le nu tuku ndare puluka tugeka kilke tugu yimyam mbolŋge mine likade. Nane ma ndan mbolŋge minyokamŋgaig ko ginu mara nane tuku ait prowam tuku ta Kuate nu o buk madina. ²⁷ Kilke mbol mbal nu sota te-silikuwaig ŋga Kuate nu tanamba wam ta ke likate. Nane nu sotade ta nu maskenŋge mine ndakate. Nu sine ŋakmba tugumŋge minit. ²⁸ Tango ande teŋenmba kuyarna. Sine abo ŋak minmba likeg ta nu tugu ŋga kuyarna. Tanŋine kuyar tango ande mata teŋenmba kuyarna. Sine nu tuku kiŋo kame mineg ŋga kuyarna. ²⁹ Sine Kuate tuku kiŋo kame mineg ta son. Ta tuku tango nanŋine wamdusmbi gol silwa ko ndame kilmba agan afu wakeikade ta singine mbara ŋgam kumuŋ kuga. ³⁰ Tango tuku ŋginŋan maŋau ta Kuate nu buk mapeka pa niŋge ndakina ta kile nu kilke tugu ŋakmba ŋgamuŋgal biye mbilmba nanŋine mbar kusrekuwaig ŋga sakate. ³¹ Sine kilke mbol mbal pilesinŋam tuku Kuate nu ait ande madina. Ait ta kumuŋguwa le sine kumumbi pilesinŋam tuku nu tango ande pilna. Tango pilna ta sine nu kila pilbe ŋga nu kumna

le Kuatenje maŋ te-tina le tiŋgina ŋga Atens mbal saninŋgina.

³² Nane Yesus kummba maŋ tiŋgina pasa ta ismba nane afu Paulus tuku pasa talamba nzumil te-tunaig le afu ndek sanaig: Mara ande maŋ sine sasiŋga le isbe ŋginaig. ³³ Taŋakinaig le Paulus nu maŋgur ma ta kusremba kina le ³⁴ Atens mbal afu Paulus ndoŋ ulendika Yesus tuku son ŋginaig. Nane tuku ande nyunu Dionisius. Nu Ariopagus ma ta tuku pasa pilewanu taŋgo ande. Pino ande nyunu Damaris nane afu turmba son ŋginaig.

18

Korin mbal pasa mayenu isnaig

¹ Paulus nu Atens kusremba Korin tumbran sungo mbol kina. ² Pro taŋge nu Zu taŋgo ande nyunu Akuila te-silikina. Nuŋe kilke tuguk ta Pontus. Nu ailfu ndo piyo nuŋe Prisila ndoŋ Itali kilke mbolŋge minnaik ta mandor Klaudius Zu mbal ŋakmba Rom kusrewaig ŋga sakina le nale Rom kusremba Korin pronaik. ³ Nale tuku piro ta tawi wande zailŋga wakeikanu. Paulus nu mata piro ndui ta kina tukunu nu nale ndoŋ minmba piroka minna. ⁴ Kusem mindek nu kusem wandekŋge Zu mbal Grik mbal wamdus kilam tuku nane ndoŋ pasa tugu bitekŋga tumniŋmba minanu.

⁵ Taŋamba minna le Silas nale Timoteus ndoŋ Masedoniange pronaik le nu tawi wande tuku piro kusremba ait ŋakmba mbolŋge Yesus nu siŋka Kristus ŋga Zu mbal ŋgamukŋge te-mayokmba saka minna. ⁶ Taŋamba saka minna le Zu mbal nane Paulus ndoŋ pasambi kualeyauka nu tumail

pannaig le nu ndek nuŋe tawi tumba nane am mbolŋge tuptup paurŋga saningina: Tane ŋgisikap ta ye tuku mbar kuga. Tanjine mbar. Ye kile kasomok mbal tugum kaŋgit ŋgina.

⁷ Tanjakina sulumba Paulus nu nane kusreka kumba kasomok tanjo ande Kuate dubina tuku nyunu Titius Yustus nu tuku wande mbolŋge minna. Nu tuku wande Zu mbal tuku kusem wande gemmba minna.

⁸ Zu mbal tuku kusem wande kulat tanjo nyunu Krispas nuŋe ndare tuma ndoŋ nane Paulus tuku pasa ismba son ŋginaig. Korin mbal afu turmba son ŋginaig sulumba kule pisne tinaig.

⁹ Tanjamba minnaig sulumba furir ande Paulus nu kiŋatanu suk Sunjo kaŋgerna le nu sana: Ne kuru-kuruka miŋge tukul ndamba pasa kukliwa.

¹⁰ Ye ne ndoŋ minet. Nane afu ne ŋayo silinam kumuŋ kuga. Tumbran sunjo te mbolŋge nane gudommba ye tuku mbal mayok kambim tuku minig ŋga Paulus sana. ¹¹ Tanjakina le Paulus nu nane ndoŋ yar ndindo ande bateŋnu Kuate tuku pasa tumniŋmba minna.

¹² Kile Galio nu Akaia ma tugu kulatka minna le Zu tanjo ŋakmba maŋgurka Paulus biye timba tumba nu tugum promba sanaig: ¹³ Tanjo te nu sine tuku tukul lukaka Kuate mbariŋam tuku maŋau kitek tanjo pino tumniŋgit ŋginaig.

¹⁴ Tanjakinaig le Paulus nu pasa lafuwam bafuna le Galio nu ndek Zu mbal saningina: Zu mbal tane isap. Tanjo te nu Rom mbal tuku tukul ande mbarmba ko wam ŋayote kande ye tane tuku pasa ismba te-tiwet kande. ¹⁵ Ima tane ŋgamukŋge pasa sinja ŋak ko nyu ŋak minit ko ima tanjine

mbuŋ kame tuku kuyar pasa dubite mbar kame ta tuku ye te-tiwe nda. Kumba taŋgine te-tiwap ŋgina. ¹⁶ Taŋaka nu nane pitaikina le nane mayok ka kinaig. ¹⁷ Nane ka kusem wande kulat taŋgo Sostenes biye timba tumba ka pasa pilewanu wande tugum taŋge paninŋinaig ta Galio nu wam ta kaŋgermba nda kaŋgeranu sukmba minna.

Paulus nu luka Antiok kina

¹⁸ Paulus nu ait kuennu Korinŋe Yesus tuku mbal ndoŋ minna sulumba kile nu nane kusreka waŋ poŋga Siria ma tugu mbol kambim kina. Prisila Akuila nale Paulus ndoŋ kinaik. Nane ka Senkrea tumberaŋ sungo mbolŋge Paulus nu nuŋe gabat kuerkina. Ta ndaŋam? Nu buk pasa saŋgrinu Kuate sana ta kumuna tukunu nu taŋge gabat kuerkina.

¹⁹ Taŋamba nane waŋ poŋga kumba ka Efesusŋge ibeŋ kinaig. Ibeŋ ka Paulus nu Prisila Akuila kusreka nuŋe ndo kusem wande mbol kina ka taŋge Zu afu ndoŋ pasa tugu bitekŋga tumniŋmba minna le ²⁰ Zu mbal afu Paulus nu nane ndoŋ minam tuku ŋgailkinaig ta nu mbulna. ²¹ Nu nane kusrekam ŋga saŋiŋgina: Kuate nu nzaliwa ndeta ye maŋ te prowamŋgit ŋgina. Taŋakina sulumba nu waŋ poŋga Efesus kusrena. ²² Nu kumba ka Sesareanŋe ibeŋ kina. Ibeŋ ka nu ndek mbumba kumba Yerusalem prona sulumba Yesus tuku mbal kaiyeninŋmba nu maŋ ndek Antiok kina.

Paulus nu li keŋnu tugu pilna

²³ Antiokŋge ait kuennu minna sulumba nu maŋ tiŋga Galesia le Frigia ma mbol lika Yesus tuku mbal saŋgri pileninŋmba minna le ²⁴ Zu taŋgo ande

nyunu Apolos nu Efesus prona. Nuñe tumbran tuguk Aleksandria. Nu Kuate tuku kuyar pasa tugusemba kila pilmba nu minge bulok pasa kuklina. ²⁵ Yohanus kule pisneñge Sungo Yesus tuku sakina ta nane afunçe tumnaig le nu ta kubewam tuku sanğri ñak. Nu Yesus tuku tugusemba sakina ta nu Yohanus kule pisne tuku pasa ta ndo idusmba sakina. ²⁶ Nu tanço tuku kuru kuru ndaka Zu mbal tuku kusem wandekñge pasa kuklimba minna. Nu pasa kuklina le Prisila le Akuila nale isnaik sulumba nu tumba Yesus tuku tugu ñakmba tugusemba samba tumnaik.

²⁷ Tanjanaik le Apolos nu Akaia ma mbol kambim sakina le Yesus dubinaig mbal nane nu turmba Akaia Kristen tuku kila wañe ande kuyarmba nane nu tuwaig nga saninginaig. Apolos nu Akaia prona sulumba tançe minmba Kuatençe make pilna le Yesus tuku son nginaig mbal nu nane sunğomba turkina. ²⁸ Nu tanço ñakmba ngamukñge kuyar pasa burka Yesus nu Kristus ta tugusemba tumniñmba Zu mbal tuku pasa ñakmba kile-ibenkina.

19

Efesus mbal pasa mayenu isnaig

¹ Apolos nu Korinçe minna le Paulus nu kumba ka tabe poñ pilemba Efesus prona. Pro tançe Yesus dubinaig mbal afu kile-siglikina sulumba ² kusnaniñgina: Tane pasa mayenu isnaig ta tane Tukul Guwa tinaig e nga kusnaniñgina le nane ndek nu sanaig: Kuga. Sine Tukul Guwa nyu ise ndakeg nginaig. ³ Tanakinaig le nu mañ lato

kusnaniŋgina: Tane Tukul Guwa gilai ŋgade ta ima tuku nyu mbolŋge kule pisne tinaig ŋgina le nane nu sanaig: Sine Yohanus tuku nyu mbolŋge kule pisne tigen ŋginaig. ⁴Taŋaka sanaig le nu saniŋgina: Yohanus nu pasa kuklimba taŋgo pino tejenmba saniŋgina. Tane ŋgamuŋgal biye mbilmba kule pisne tap. Ande ye ŋgumnemŋge prowamŋgat ta tane nu tuku son ŋgap ŋgina. Taŋgo ta Yesus ŋga saniŋgina le ⁵nane pasa ta ismba Sunŋo Yesus tuku nyu mbolŋge kule pisne tinaig. ⁶Taŋanaig le Paulus nu wai nane mbolŋge patikina le nane Tukul Guwa tumba pasa kuale gilai ta saka minnaig. Tukul Guwa nu nane pasa saniŋgina le ismba kilemayokkinaig. ⁷Nane taŋanaig mbal ta ulendika taŋgo 12 taŋaŋ.

⁸ Paulus nu Efesusŋge tambun keŋmba minna sulumba nu taŋgo tuku kuru kuru ndaka kusem wande sinamŋge Kuate nu nuŋe gageu kulatkate wam ta Zu afu ndoŋ pasa tugu bitekŋga tumniŋmba minna. ⁹Afu nu tuku pasa ismba ŋgamuŋgal tukulmba taŋgo pino am mbolŋge Yesus tuku mbal kiko pileniŋmba minnaig le Paulus ndek Yesus tuku mbal ndoŋ kusem wande kusrenaig. Nane taŋgo ande nyunu Tiranus tuku taŋgo tumniŋganu wandekŋge mara mara maŋgurka Paulus nu taŋge afu ndoŋ pasa bitekŋga tumniŋmba minanu. ¹⁰Nu yar armba taŋamba minna le Asia ma mbolŋge Zu le Grik ŋakmba Sunŋo tuku pasa isnaig.

¹¹Ait ta mbolŋge Kuate nu Paulus saŋgri tuna le nu wam kitek saŋgri ŋak ke likina le ¹²nane afu Paulus tuku piro tawi mundu saukanu tawi

ta kilmba nanjine guaze mbal mbolŋge patike likinaig le nane magekinaig. Afu guwa ŋaigonu nane mbolŋge minnaig ta kua kine likinaig.

Skevas tuku kiŋo kame mbarnaig

¹³⁻¹⁵ Zu mbal tuku pris gabat ande nyunu Skevas nu kiŋo 7 ŋak minna. Kiŋo kame ta ma yimyam mbolŋge lika kumba guwa ŋaigonuŋge mbal waneninŋanu wakeikanu. Nane Sunjo Yesus tuku nyu ismba nyu ta sanjri ŋak ŋga guwa ŋaigonu afu pitaikam tuku ake tummba ande sanaig: Yesus tuku nyu Paulusŋge te-mayokte nyu tamba ne saneg. Ne tanjo te kusrewa ŋginaig. Tanjakinaig kande guwa ŋayonu ndek nane saninŋina: Yesus le Paulus ye kila ta tane ima kate ŋgina. ¹⁶ Tanjaka tanjo guwa ŋayonu ŋak ta patenŋa nane ŋgamuk kumba nane kilmba pani farmba ŋakmba kile-ibenŋkina. Kile-ibenŋkina le nane wande ta kusremba nane ŋgarosu ndare ŋak ŋak wagek kua ka kinaig.

¹⁷ Efesusŋge Grik mbal Zu mbal ŋakmba wam ta ismba kuru kuru sunjo tinaig sulumba nane gudommba Yesus tuku nyu te-dunŋa saka minnaig. ¹⁸ Yesus dubinaig mbal nane mata pro manjur mbolŋge nanjine kuanye tugu mindek kile-mayokkinaig. ¹⁹ Nane afu nanjine kagmai manjau waŋe mbolŋge kuyarke likanu ta waŋe kame ta ŋakmba kilmba manjurka nane ŋakmba am mbolŋge pasokinaig le uge sulunaig. Waŋe kame ta ŋakmba ulendika piyanu ta soŋ 5,000 tanjan. ²⁰ Nane nanjine mbar ta kusrekinaig le Sunjo Yesus tuku pasa sunjokina le nu dubinaig mbal tuge ŋayona.

²¹ Wam ηakmba ta mayok kinaig le Paulus nu wamodus tumba nu Masedonia le Akaia ma tugu kuwa sulumba maη luka Yerusalem kambim tuku sakina. Ngumneηga nu Rom mata kaηgeram tuku saka minna. ²² Nu turnaik tuku taηgo armba Timoteus le Erastus kukulnikina le nale Masedonia kinaik le nu ait afu Asia ma mbolηge minna.

Efesusηge gubra sungo mayok kina

²³ Ait ta mbolηge Efesusηge nane gudommba Yesus tuku mbal tuku gubra tumba pasa sungo ande mayok kina. Gubra tugunu ta teηenmba.

²⁴ Taηgo ande nyunu Demetrius nu silwambi agaη kame wakeikanu. Taηgo ta nu Efesus mbal naηgine pino mbara Artemis mbariηam tuku wande ta kanunu silwambi fonfonmba wakeikina le nane ηakmba piyamba minnaig le Demetrius nuηe piro taηgo turmba ndametiη sungo kilnaig. ²⁵ Taηgo ta maηgur pilmba nuηe piro mbal nuηe piro tuma turmba saniηgina: Mata kame, siηgine mbara tuku wai kuyar fonfon patika ndametiη sungo kileg ta tane kila. ²⁶ Paulus ηgade taηgo ta nu teηge Asia ma ηakmba mbolηge pasa kuklimba taηgo naηgine waimbi mbara wakeikade ta mbara kuga ηga gudommba didikate le nane mbilka naηgine mbara kame kusrekade wam ta tane isig. ²⁷ Ta tuku nane ηakmba sine tuku piro talawam bafude. Ta ndo kuga. Sine tuku pino mbara Artemis mbariηam tuku wande kusrewaig le ake minamηgat. Taηawaig ta siηgine mbara sungo kile Asia kilke tugu ηakmba nyu te-dunηa minig ta nane nu ηgumnewaig le nu nyu kugatok minamηgat ηgina.

²⁸ Nane pasa ta ismba gubra kagli firka wikaraumba ngumbeyumba sakinaig: Artemis nu sine Efesus mbal tuku gabat sungo nginaig. ²⁹ Nane wikaraumba minnaig le Efesus mbal zigna ta ismba nakmba pinder-pindermba Masedonia tango armba Paulus ndonj likinaik tuku Gaius le Aristarkus bige tidinga kilmba didika manjur ma sungo mbol pronai. ³⁰ Paulus mata tango manjur sungo ta tugum kambim bafuna ta Yesus dubinaig mbal nu ngailkinaig. ³¹ Asia gabat sugo afu nane Paulus ndonj gulabnaig ta nane mata Paulus manjur ma mbol nda kuwa nga afu kukulninginaig le pro Paulus peunaig.

³² Manjurkinaig mbal nginnganka sine pro ndanam manjurkigig nga saka fare fare pasa gabat yimyam saka ngumbeyumba minnaig le ³³ Zu mbal nane nangine tango ande nyunu Aleksander nu pasa te-tiwa nga mbiti-mbitinaig le kile nane afu nu pasa tuwa nga sanaig. Nu pasa te-tiwam idusmba nane maninkuwaig nga waimbi peuninmba saningam bafuna ta ³⁴ nane nu Zu tango ta kila pilmba nane ngumbeyumba pasa ndui ta sakinaig: Artemis nu sine Efesus mbal tuku gabat sungo nga saka minnaig le ka ki kanum armba kina.

³⁵ Tanamba ngumbeyumba minnaig le Efesus tuku wane kuyar pirokate tango pro wai te-dunga maninkuwaig nga saka minna le ma ma nane minin-maninnaig. Tananaig le nu nane saningina: Efesus mbal, tane isap. Sine Artemis mbarinam tuku wande nu tuku ndame kanu samba mbolnge ndekina ta turmba kulat mageweg ta kilke mbol mbal nakmba nane kila. ³⁶ Ande nu pasa ta

pitaiwam kumuŋ kuga. Ta tuku taŋgine gubra te-ibeŋmba wam ande ŋayonu pitik kam idus ndawap. ³⁷ Tane taŋgo armba kilmba prowaig te nale siŋgine mbariŋam tuku wandekŋge agan ande kuayarmba ko siŋgine mbara Artemis tuku ŋgumnem pasa sa ndakade. ³⁸ Sine pasa pilewanu wande ŋak. Pasa pilewanu taŋgo mata minig. Demetrius nuŋe piro mbal ndoŋ afu tuku gubra ŋak ndeta nane kilmba pasa mbolŋge patikuwaig. ³⁹ Tane pasa gabat afu minig ndeta ta mata maŋgurkam ait mbolŋge kile-tidiŋgap. ⁴⁰ Kile sine pasa zigna suŋgo mayok kinit te gabat sugo ismba kusnasiŋguwaig ta ame pasa alonu saningamŋgig. Maŋgur suŋgo te pasa alo kugatok ŋgina. ⁴¹ Taŋaka pitaika kapeniŋgina le nane sili-silinaig.

20

Paulus nu Masedonia le Grik ma tugu mbol kina

¹ Nane gubra ŋgumbeyu ta maninka sili-silinaig le Paulus nu Yesu dubinaig mbal kile-maŋgurka pasa afumbi saŋgri pileniŋgina sulumba nane kusreka Masedonia ma tugu mbol kina.

² Nu ma ta mbol lika kumba Yesu dubinaig mbal saŋgri pileniŋmba ka ka Grik kilke mbol prona. ³ Pro taŋge nu tambun keŋmba minna. Tambun keŋmba kuganaig le nu waŋ poŋga maŋ luka Siria ma mbol kambim sakina ta Zu mbal afu nu balewam saka ndin tukulnaig le nu wamduŋ mbilmba Masedonia kumam kambim sakina.

⁴ Taŋgo afu nu ndoŋ kinaig ta nyu naŋgine teŋenmba. Bereanu taŋgo ande Pirus tuku kiŋo nuŋe Sopater. Tesalonikanu taŋgo armba Aristarkus le Sekundus. Derbenu taŋgo ande nyunu

Gaius. Ande Timoteus. Asianu tanjo armba Tikikus le Trofimus. ⁵ Tanjo 7 ta ye Lukas sile Paulus ndonj kusreka ambonga kumba ka Troasne sine tairnga minnaig.

⁶ Sile Filipinge bret yis kugatok nyam tuku kusem kugana le sile wanj ponja kumba ka mara 5 kuganaig le Troas progenj. Pro tanje nane ambonginaig mbal ta kile-siglika kusem ndindo tanje mingenj.

Paulus nu Yutikus te-tina le abongina

⁷ Tanje mingenj sulumba kusem mbolnje* sine pasa nyam tuku mangurkigenj le Paulus nu ye indole kangit nga pasa kuenmba kuklimba minna le furir ngamuna. ⁸ Sine mangurkigenj wande ta mbain kenmba njak. Mbain inum o mbolnje bulu gudomma taikanu minnaig le sine ta mbolnje mingenj.

⁹ Tanjo mo ande nyunu Yutikus nu bubre malanja mbolnje minyok minna. Paulus nu pasa didika kuenmba minna le Yutikus nu kinye gilainga mbol tanje kakloska ndek kilke mbol ndekina. Ndekina le afu ibenj ka nu te-dunginaig ta nu kumna le kangernaig. ¹⁰ Tanjanaig le Paulus nu ibenj ka nu mbolnje baufka bagailmba sakina: Tane wamdus fulil ndakap. Nu abo njak minit ngina.

¹¹ Tanjaka Paulus nu manj mbain mbol ambe kina ka nane ndonj pasa nyumba nu nane ndonj pasata minna le ka mafena. Mafena le nu nane kusreka kina. ¹² Nu kina le nane mata sili-silimba tanjo mo abongina ta ndonj kumba wamdus bulok kinaig.

* **20:7:** Kristen tanjo pino nane Yesus tinjina ait ta nangine kusem ngade. Zu mbal nane Sarare ta nangine kusem ngade

Paulus nu Efesus gabat tanjo kame wam paguningina

¹³ Paulus nu ndinmba ka Asusnje wan pongam sasingina le sijen ndo wan ponga Asus kagen. ¹⁴ Nu pro Asusnje wan pongina le sine kagen ka Mitileneje iben kagen. ¹⁵ Man tinga ka mafena le sine Kios limba ka man mafena le Samos progej. Tange tinga kumba ka Efesus limba mafena le Miletusnje iben kagen. ¹⁶ Paulus nu tenenmba idusna. Ye Asia ma mbol nda ka sulumba pitik ndo Yerusalem kumba pagumba nye sunjo Pentikos kanjeramngit nga idusmba nu Efesusnje iben ndakina.

¹⁷ Miletusnje iben ka Paulus nu nane afu kukuningina le nane Yesus tuku kuasmbi tuku gabat tanjo afu kilam Efesus kinaig ka ¹⁸ nane kilmba pronaig le nu ndek Efesus gabat tanjo kame ta sasingina: Ye abo abo Asia ma mbol prowen sulumba ye tane ndon mine sunjowen le tane ye tuku mine manau kila pilnaig. ¹⁹ Ye nyu kugatok tana Kuate tuku piro biyen. Ye mara afu piro tuku piti kamusmba malmbiken. Zu mbal ye baleyam sakinaig ta ye piti ta mata kuramba piro kusre ndawen. ²⁰ Ye manjur mbolnje tanjo tuku wande mbolnje lika pasa satinge liken. Pasa afu tane wamdus sangri piletingam tuku ye ande kusre ndawen. ²¹ Zu mbal Grik mbal turmba ngamungal biye mbilmba nanjine manau najgonu kusreka singine Sunjo Yesus Kristus tuku kume tuku sangri tomba tinguwaig nga ye riron pasa sangingen.

²² Kile ye Yerusalem kambim tuku Tukul Guwanje sangri tinga ye sayumba minit.

Ka Yerusalemnge ame manau ye mbolnge prowamngat ta ye gilai. ²³ Nane ye ndalekuwaig sulumba rar sungo tam tuku ma nakmba mbolnge Tukul Guwange sayate ta ndo ye kila. ²⁴ Yinje mine mayewam tuku ye idus ndawet. Sungo Yesus nu piro sina te ke suluwam tuku ndo iduset. Kuate nu tango ake sinan make patika muskil kile-tidingate pasa mayenu ta kukliwam tuku ye piroket.

²⁵ Ye tane ngamuknge liken sulumba Kuate nunje gageu kulatkate wam tumtingen ta tane ye man kangerye nda ta ye kila. ²⁶ Ta tuku ye tane satinjet. Tane afu ngisikumba ndeta ye tuku mbar kuga. Tangine mbar. ²⁷ Kuate tuku nzali tango dubikam tuku ta nakmba satinjen. Ye inum kusre ndawen. ²⁸ Tangine manau kurauka Kuate dubi mayewap. Tane Sungo Yesus tuku mbal kulatkam tuku Tukul Guwange tane patikina. Ta tuku tane nunje sip-sip kame nyamagan magenu ningap le nyuwaig. Nane nunje mbal mayok kambim tuku Sungo Yesus nu kumna.

²⁹ Ye tane kusreki le age nguikok afu tane ngamuknge promba Sungo Yesus tuku sipsip mape ndaka ngaigo siglikamngaig ta ye kila. ³⁰ Tane ngamuknge mbal afu mata tinga Sungo Yesus tuku mbal nane dubikuwaig nga Kuate tuku pasa tumba biye mbilmba satinngamngaig. ³¹ Ta tuku tane kuraukap. Yar kenmba ye tane ndon minmba furir ki mindek riron pasa tinmba tane tuku malmbi nakmba minen. Ye tuku manau ta gilai ndanngap.

³² Ye tane Kuate tuku wai mbolnge patiket. Nunje tane make patika muskil kile-tidinge tingina wam ta biye mayewap ta tangine wam dus sanngri

tinguwa le ngumnennga Kuate tuku mbal njakmba ndonj tane mage minmba minamngaig. ³³ Ye tane ndonj minmba tane tuku aganj ndende ko ndametinj kilam idus ndawen. ³⁴ Ye yijne waimbi piroka ndametinj kilmba ye ndonj minnaig mbal turmba aganj ndende kumumbi piyaninjen ta tane kila. ³⁵ Ye Yesus tuku pasa ande idusmba yijne piro karenmbi mbal afu sangri kugatok turkam tuku manjau ta tumtingen. Nu tenjenmba sakina. Ande nu aganj ande tinit ta ne sunjomba gare ndanate. Ne aganj ande tumba ande ake tuwit ta nyaro ta luka nane mbol kuwa le ne gare sunjonamngat nga saninjingina.

³⁶ Paulus nu sake denjpurmba nu dagol tidronga nane ndonj Kuate yabanja. ³⁷ Yabanj suluna le nane njakmba nu bagailmba malmbinaig. ³⁸ Paulus nu tane manj ye kangerye nda njina tukunu nane nu tuku ninan sunjonaig. Tanjamba nane numindemba tumba wanj tugum pronraig.

21

Paulus Yerusalem kambim tuku wanj ponjingina

¹ Sine nane kusreka wanj ponja pakarka kumba Kos nuy progenj. Tange tinja kumba ka mafena le Pos nuynje ibenj kagenj. Tange manj tinja kumba ka Patara progenj. ² Pro tange wanj ande Finisia kambim bafuna le ta ponja kagenj. ³ Sine kumba ka Siprus nuy kangermba wai njainjam kumam limba ka Siria ma mbol kumba ka Tirusnje ibenj kagenj. Wanj ta Tirus tuku aganj ndende kilna tuku.

⁴ Ka tange ibenj ka Yesus dubinaig mbal kile-siglika nane ndonj kusem ndindo mingenj. Nane

Tukul Guwanje wamodus ningina le Paulus Yerusalem nda kuwa nga peumba ngailkainaig ta ⁵ ait kumungina le sine Yerusalem kambim saka tingigen le Yesus dubinaig mbal nanjine pino kiŋo turmba sine mindeka tumbran sunjo kusremba kilim ka piyal progen. Pro tanje sine njakmba dagol tidronja Kuate yabanmba sine nane kapeningigen sulumba ⁶ sine wan pongigen le nane luka tumbran kinaig.

Agabus dir pasa ande Paulus tuku sakina

⁷ Sine Tirus kusremba ka Tolemesnje iben kagen sulumba Yesus dubinaig mbal kaiyenimba nane ndon mara ndindo mingen. ⁸ Mafena le sine man kumba ka Sesareanje iben kagen. Sesareanje Yesus tuku pasa kukliwanu tango Filipus te-silika nu ndon mingen. Nane buk aposel kame turningam tuku tango ⁷ madininginaig ta nu nane tuku ande. ⁹ Filipus nu kulim kame baikamba tango kugatok. Nane Tukul Guwanje pasa saninganu le ismba kile-mayokka minanu.

¹⁰ Sine Filipus ndon mara afu mingen le tuan tango ande nyunu Agabus Yudeanje prona. ¹¹ Promba Paulus tuku let tumba nuje wai kupe ndaleka sakina: Tukul Guwa nu tejenmba sakate. Let te tuku miro tango Yerusalemnje Zu mbal afu nu tejenmba ndaleka kasomok mbal tuku wai mbolnje palmbimngaig ngina. ¹² Tanakina le sine nane njak mingen ta pasa ta ismba Paulus nu Yerusalem nda kuwa nga sarsarmba peugen kande ¹³ nu ndek sasingina: Tane ndanam saka ye tuku malmbika wamodus piti seryade. Ye Yerusalem ka le nane afu ye

mulinjtumba wandeknge pilwaig ndeta maye. Yesus tuku nga ye baleyuwaig le kumam tuku ye kuru kuru ndaket ngina. ¹⁴ Tanakina le sine Paulus tuku wamdus te-ibenje fugumba sakigenj: Kuate tuku nzali mayok kuwa ngigenj.

Paulus nu Yerusalem pronu

¹⁵ Mara afu kuganaig le sine Yerusalem kambim tuku kuaneka tinga kagenj. ¹⁶ Sesareanu tira kame afu sine mindeka kumba ka Nason tuku wande mbolnge minam tuku progenj. Tango ta nu Siprusnu. Nane abo abo pasa mayenu kuklinaig le nu mbilka Yesus tina. ¹⁷ Sine Yerusalem progenj le Yesus tuku mbal nane gare-gareka sine kaiyesinginaig.

¹⁸ Mafena le sine Paulus ndonj Yakobus sota kagenj. Nu tugum promba gabat kame njakmba Yakobus ndonj minnaig le kanjerkigenj. ¹⁹ Paulus nu nane kaiyeningina sulumba nuje piro mbolnge Kuate nu kasomok mbal ngamuknge wam ke likina ta kumumba kubeu ningina le ²⁰ nane nu tuku pasa ismba Kuate tuku nyu te-dunginaig sulumba sanaig: Tira, Zu mbal gudommba nane Yesus tuku pasa mayenu ismba son ngade. Nane Moses tuku tukul mata kulat mayede. ²¹ Nenge pasa ande saninganu nga afu sakade le iseg. Zu tango kasomok mbal ngamuknge mine likade ta nane Moses tuku tukul pasa kusreka nangine kinjo kame tuku ngaro pike ndaka singine mbunj kame tuku manjau dubi ndakap nga ne saninganu ngade le iseg. ²² Ne tumbranj sungo mbol prowat te nane njakmba pasa isamngaij. ²³ Ta tuku sine wam ande sakube le ne kumuwa. Singine tango bailkamba nane piro ande

kam tuku Kuate pasa sangrinu tunaig. ²⁴ Ne tanjo bailkamba ta ndon ulendika atrau aganj kilam tuku ndametin ninga. Ninga sulumba Moses tuku tukul ta dubimba kule pismba ngaro minyanja tane atraukap. Tanawap sulumba nane gabat kugerkuwaig. Ne Moses tuku manau tanjamba ka le nane kanjermba sanunjaig: Sinja nu Moses tuku manau dubimba kate. Sine pasa isgen ta yabri pasa ngamnjaig. ²⁵ Kasomok mbal Yesus tuku son ngade ta nane tukul afu dubikam tuku sine wane ande buk kuyargen. Nane afu nanjine mbara kanunu atraukade ndem ta nda nyap. Ndarenu nye ndakap. Aganjmor njinfok pipkade le ndare nda prote ta nda nyap. Tane tanjo pino ndon fare fare une ndakap. Sine tanjamba pasa kuyarmba ninjigen nga Paulus sanaig.

²⁶ Gabat mbal tanjamba Paulus wam pagunaig le nu kumba tanjo bailka ta ndon ulendikina. Mafena le nu nane ndon Moses tuku pasa dubimba kule pismba ngaro minyanjinaig. Minyanjinaig sulumba kusem wande mbol kumba nane pris sanaig: Sine kule pismba minmba ka mara 7 mbolnje sine aganj kilmba probe le sine njakmba tuku Kuate atrauka njinaig.

²⁷ Nane tanjamba ka ait 7 patukina le Asia kilke mbolok Zu afu Paulus nu Zu mbal tuku kusem wande sinamnje minna le kanjernaig. Nane Paulus kanjermba biye timba tanjo pino Paulus tuku gubra tuwaig nga wika saninjinaig: ²⁸ Zu mbal, sine tursingap o. Tanjo te ma njakmba mbolnje nu sine Israel mbal singine kusem wande te singine tukul pasa ta njakmba nu nune pasambi njago siglikate. Kile nu Grik afu kilmba

sinam te kumba wande kutur mbilmbilde nginaig. ²⁹ Pasa sakinaig ta tugunu tenenmba. Nane buk Paulus Efesus tango ande nyunu Trofimus ndon Jerusalemnge kangerkinaig. Kangerka Paulus nu Trofimus tumba kusem wande sinam kambinu nga idusmba minnaig.

³⁰ Kile Yerusalem nakmba pinder-pindermba Paulus biye timba didika te-kilimnaig le nane afu kusem wande malanga sunaig. ³¹ Nane Paulus balewam saka minnaig le Rom kame mbal tuku gabat sungo Yerusalem mbal nakmba kame bunaig ta ismba ³² nu pitik ndo kame gabat afu kame mbal ndon kilmba pinderka nane tugum pronai. Pronaig le nane Paulus paninta minmba kame gabat sungo nunge kame mbal ndon kangerka nane Paulus kusrenaig.

³³ Tananaig le kame gabat nu Paulus muli arm-bambi ndalekuwaig nga afu saningina sulumba nu mangurkinaig mbal ta kusnaningina: Tango te ima. Nu ame wam mbarna nga kusnaningina le ³⁴ nane ngumbeyumba pasa gabat yimyam kile-mayokkinaig.

Kame gabat nu pasa gabat ise tidingam kumun kuga tukunu kame mbal nane Paulus tumba nangine wande sungo mbol kuwaig nga saningina le ³⁵ nane ndek nu tumba ka nangine wande mbol kambim tuku mbili pongam bafunaig le nane gudommba pro nu balewam sakinaig tukunu kame mbal Paulus waimbi tumba te-dunga tumba wande ponginaig. ³⁶ Tananaig le nane gudommba kame mbal dubika Paulus balewap nga wika-raumba saka minnaig.

Paulus nu Zu mbal tugumŋge pasa kuklina

³⁷ Nane mbili ponŋa wande sinam kambim ba-funaig le Paulus nu Grik pasambi kame gabat kusnana: Ye pasa ande ne sanam kumuŋ e ŋgina. Taŋakina le nu lafumba sana: i ... Ne Grik pasa kila? ³⁸ Ailfu Isipnu taŋgo ande gabat sugo kile-ibenŋkam tuku taŋgo ŋaigonu kuasmbi 4,000 kame bagi ŋak ma baknu mbol kina ta ye ne taŋgo ta ŋga idusit ta kuga ŋgina le ³⁹ nu lafumba sana: Ta yeŋge kuga. Ye Zunu. Yiŋe ma tugu Silisia. Yiŋe tumbraŋ sunŋo Tarsus. Ye taŋgo pino maŋgurkaig si pasa afu saniŋgam kumuŋ e ŋgina le ⁴⁰ nu wokina le Paulus nu wande ta tuku mbili mbolŋge tiŋgina sulumba nu wai te-duŋga nane peuniŋmba minna le minin-maninnaig le nu ndek Hibru pasambi nane saniŋgina:

22

¹ Ye tuku mam kame yiŋe tira kame tane ye tuku pasa isap. Ye wam ande mbar ndawen ŋgina.

² Paulus nu Hibru pasambi saniŋgina le nane ismba ŋakmba miŋge tukulmba amtiŋga minnaig.

³ Kile nu maŋ sakina: Ye Zu taŋgo. Yiŋe ma tugu Silisia. Yiŋe tumbraŋ Tarsus. Ye kiŋo fudiŋndo Tarsus kusremba Yerusalemŋge minen. Minmba ka sunŋoka Gamaliel tugum prowen le nuŋge siŋgine mbuŋ kame tuku tukul ŋakmba ye tumyina le kila pile mayewen. Tane tukul dubika wamdus sanŋgrinu Kuate tuwig taŋamba ye mata taŋawen. ⁴ Ye Yesus dubinaig mbal kilmba bale farmba taŋgo pino bige tidiŋga kilmba ndaleka muli wandekŋge patike liken. ⁵ Pris mbal tuku gabat kame Israel pasa pilewanu sugo ŋakmba ye

manau ken ta nane kila. Nane ye piro ta kam tuku Damaskusnge tira kame kilam tuku waje kuyarumba sinaig. Sinaig le Yesus dubinaig mbal bige tidinga ndaleka kilmba pro tenge piti ningam tuku ye Damaskus kambim saka ndek kan.

⁶ Ye ka Damaskus patuwen le ki mbilam bafuna le samba mbolnge bulu sungo ande mayok ka ye kilnayina le ⁷ ye kuru-kuruka kilke mbolnge ndeken. Tanawen le mingge pasa ande ye sayina: Saulus, Saulus, ndanam tuku ne ye tumba nayo siliyate ngina le ⁸ ye pasa ta ismba kusnawen: Sungo, ne imanenge ngen le nu man ye sayina: Ye Nasaretnu tango Yesus ne ye nayo siliyate ta ngina. ⁹ Tango kame ye ndon minnaig ta nane bulu ndo kangernaig. Pasa Yesus ye sayina ta nane ise ndakinaig.

¹⁰ Kile ye nu sawen: Sungo, ye ndani ngen le nu lafumba sayina: Ne tinga Damaskus tumbran sungo mbol si kumba singe mina le tango ande ne tugum promba ne pirokam tuku Kuate buk ne pilna ta sanamngat ngina. ¹¹ Bulu sungo ta ye tuku am tina tukunu mambil fuguwen le tango ye ndon kagen ta ye waiwaiyumba ka Damaskus tumbran sungo mbol promba tanje minen.

¹² Tango ande nyunu Ananias nu tanje minna. Nu Kuate kumnemnge minmba tukul nakmba dubikina. Zu mbal Damaskusnge nakmba nu tuku saka minnaig. ¹³ Nu ye tugum promba sayina: Tira, ne man am purfewa ngina kande am purfena le mambimba nu kangeren.

¹⁴ Kile nu ye sayina: Singine mbun kame tuku Mbarange ne nu tuku wamdus kila palmbim tuku

nu tuku piro tanjo purfen nu kanjermba nu tuku minje isam tuku nu ne madinina. ¹⁵ Ne wam kanjerka pasa isna ta ne ma njakmba mbolnje lika saka le nane iswaig. ¹⁶ Ne dal ndaka Yesus tuku piro tuku sangri tomba tinga kule pisne ta le Kuate nu ne tuku une saukamngat nga sayina.

¹⁷ Ngumnenja ye luka Yerusalem prowen sulumba ye kusem wande sunjo mbolnje yabanjmba kinjatanu sukmba ¹⁸ Sunjo Yesus kanjeren le nu ye sayina: Ne pitik tinga Yerusalem kusremba kua kaye. Ne tenje ye tuku pasa kukliwa ta nane ise nda ngina le ¹⁹ ye ndek nu sawen: Sunjo ye mbulit. Ye buk kusem wande njakmba mbolnje ne son nginaig mbal kilmba ngusni njmba mulin kilmba wandeknje patike liken wam ta Yerusalem mbal njakmba kila. ²⁰ Ne tuku pasa kukliwanu tanjo Stefanus nane nu balemba ndare kutuwe tunaig le ye nane tuku tawi kulatka nane kanjerka wam ta mayede ngen wam ta mata nane kila ngen kande ²¹ nu ye sayina: Kuga. Ne tinga le kukulni le ma masken kasomok mbal tugum kanjat nga sayina ngina.

²² Nane Paulus tuku pasa ismba maninkinaig ma ma kasomok mbal tugum kambim tuku ngina le nane wikaraumba sakinaig: Tanjo te njayonu. Balewap le kumwa nga wikaraumba sakinaig. ²³ Nane wikaraumba nanjine tawi kilmba kuilkuilnga tuptup roka barenjmba minnaig le kame gabat sunjo nu ndek kame mbal afu saningina: ²⁴ Nane ndanam tanjo te tuku gubra sunjo tade. Nu tumba singine wande sunjo te sinamnje mulimbi ngusap le nu pasa tugu njakmba

sakuwa le isbe ngina.

²⁵ Nane ndek nu tumba ngusam tuku kupe wai didike likinaig le Paulus nu kame mbal tuku gabat ande nu patuknge tin minna ta sana: Ye Rom tanjo. Tane ye tuku pasa te-ti ndamba ngusyam kumuŋ kuga ngina le ²⁶ kame mbal tuku gabat nu pasa ta ismba nu kame gabat sunjo tugum kumba sana: i ... Ne tanjo si nane ndanwaig nga saningot. Nu Romnu ngina le ²⁷ kame gabat sunjo pro Paulus kusnana: Ne Rom tanjo e ngina le nu au ngina. ²⁸ Tanakina le gabat sunjo nu Paulus sana: Nane ye Romnu tanjo nguwaig nga ndametinj sunjomba Rom mbal ninjen ngina le nu sana: Yinje piro tamba Rom nyu te ndaken. Ye ina sinam mayok kan ta ye Romnu ngina.

²⁹ Nane Paulus ngusam bafunaig mbal pasa ta ismba nakmba pastinga nu kusrenaig. Kame gabat sunjo Paulus tuku tugu ise timba ye nu ngusam tuku ndalekit nga nu mata wamdus fulilkina.

Paulus nu gabat sugo tugumnge pasa kuklina

³⁰ Mafena le kame gabat sunjo ndanam Zu mbal Paulus tumba pasa mbolnge te-tinaig nga nu tugu isam tuku idusna. Tanamba nu kame mbal afu Paulus ndalekinaig tuku muli kukliwaig nga sanimbamba nu pris gabat mbal Zu mbal pasa pilewanu sugo nakmba kile-mangurka Paulus tumba nane ngamuknge te-tina le

23

¹ nu Zu mbal tuku gabat sugo fumble tidinga ndek saningina: Tira kame, ye kiŋo fudinndo minmba Kuate am mbolnge mbar ande ke ndaken kile

minet ngina. ² Nu tanjamba sakina le pris gabat sungo Ananias nane afu Paulus tugumnge tin minnaig ta nu tuku minge katwaig nga saningina.

³ Tanjakina le Paulus ndek nu sana: Ne yabri tanjo. Ne singine tukul dubimba ye pileyam iduste ta ndanam ne tukul lukamba ye katyam tuku sakate. Kuate ne mata katnamngat ngina. ⁴ Tanjaka sana le nane afu Paulus tugumnge tin minnaig ta nu sanaig: Ne Kuate tuku pris sunjo tumail pante nginaig le ⁵ nu sakina: Tira kame, tanjo te nu pris sunjo ta ye gilai tukunu tanjamba sawit. Kuyar pasa tenenmba sakate. Tangine gabat sunjo ande pasa nayonu sa ndawap ngate nga saningina.

⁶ Gabat sugo sugo minnaig ta nane afu Farisi afu Sadusi ta Paulus nu idusna sulumba nu wika sakina: Tira kame, ye Farisi tanjo. Ye Farisi mbal tuku fat. Kumanu mbal man tingam tuku ye iduset. Ta tuku tane ye tumba pasa mbolnge palgig ngina.

⁷ Nu tanjamba sakina le kile Farisi mbal Sadusi mbal ndon munju tulinginaig le mangurkinaig mbal nane pur arnaik. ⁸ Ta ndanam? Sadusi mbal nane tenenmba idusde. Tanjo kummba man abonge nda. Enjel kame guwa mata nda minig nga idusde. Farisi mbal nane agan kame ta njakmba son ngade. Ta tuku nane munju purkinaig.

⁹ Tanjamba nane sunjomba wikaraumba munju tulinga Farisi mbal afu nane Kuate tuku pasa biteknganu nane tinga sakinaig: Tanjo te sine nu mbolnge mbar ande nda kangereg. Guwa andenje ko enjel andenje nu pasa tuna inde nginaig. ¹⁰ Nane munju tulinga minnaig ma ma gubra suk suk nda ningina le kame gabat sunjo nu kuru-kuruka nane Paulus piraibka balebekaig nga kame mbal

saniŋgina le nane nu didika tumba nanŋine wande sunŋo mbol kinaig.

¹¹ Ait ta furir Sunŋo nu Paulus tugum promba sana: Ne kuru kuru ndaka sanŋri tinga. Ne Yerusalem tumbran sunŋo te mbolŋge ye tuku nyu te-mayokmba saniŋgat tanŋamba ndo ne Romŋge mata ye tuku nyu te-mayokamŋgat ŋgina.

Zu afu Paulus balewam tuku pasa katnaig

¹²⁻¹³ Mafena le Zu tanŋo kuasmbi 40 limba manŋurka Paulus balewam tuku wamduŋ sunŋo pilnaig sulumba nane Kuate am mbolŋge pasa sanŋrinu sakinaig: Sine Paulus balemba ndo manŋ nyamagan kule nyamŋgig ŋginaig. ¹⁴ Tanŋamba nane pris gabat mbal Zu mage tugum kumba saniŋginaig: Sine pasa sanŋrinu Kuate am mbolŋge sakigig. Sine Paulus balemba ndo manŋ nyamagan tumba nyamŋgig ŋgigig. ¹⁵ Ta tuku tane pris mbal Israel pasa pilewanu sugo ndon kame gabat tuku pasa palpe. Paulus nu te promba pasa afu tane ndon manŋ kile-tidinŋam tuku nu sawap. Nane afu nu mindemba ilwaig le ndinŋge nu balewamŋgig ŋginaig.

¹⁶ Paulus kulim nuŋe tuku kiŋo nu ŋga nuŋe balewam sakinaig ta isna sulumba nu kame mbal tuku wande sunŋo sinam kumba ŋga nuŋe kila sana le ¹⁷ nu ndek kame gabat ande wika sana: Tanŋo mo te tumba tanŋine gabat sunŋo tugum kaye. Nu pasa ande ŋak ŋgina.

¹⁸ Nu tanŋo mo ta tumba gabat tugum kumba sana: Muliŋ tanu tanŋo Paulusŋge tanŋo mo te ne ndon pasa ande sakam tuku sayat le tumba ne tugum prowet ŋgina le ¹⁹ kame gabat nu

waimbi biyamba te-yamokmba kile saya le isi ngina. ²⁰ Tanjakina le nu ndek kame gabat sungo sana: Nane Zu mbal manjurka pasa ndindo katmba sakaig le isit. Indole ne Paulus kukula le pasa pilewanu mbal tugum kumba pasa afu man kile-tidingam tuku ne yabrinamngaig. ²¹ Ne nane tuku pasa ismba kumu ndawa. Nanjine tanjo 40 limba nane ndinnye kuirka Paulus balewam tuku tair minamngaig. Nane Kuate am mbolnye pasa sangrinu sakinaig: Sine Paulus balemba ndo man nyamagan kule nyamngig nginaig. Kile nane kuaneka Paulus balewam saka ne tuku pasa ndo tairnga minig ngina. ²² Tanjaka sana le kame gabat sungo ndek nu sana: Pasa sayate te ye nu sawit nga ande sa ndawa ngina. Tanjamba wam pagumba kaye ngina le nu kina.

²³ Kile kame gabat sungo nu kame gabat armba wika sanikina: Tale kame mbal 200 hos ponu tuku 70 turmba kilmba Sesarea kambim tuku kuanekap. Tanjo 200 tui njak mata tane mindeka kambim tuku saningap. Tanjamba furir ait 9 mbolnye njakmba kile-manjurkap sulumba ²⁴ Paulus tumba hos mbolnye pilmba nu te-ngamumba kulat mayemba gabat sungo Feliks tugum kape ngina. ²⁵ Kame gabat sungo nu tanjamba nale wam paguka wane ande Feliks tambim tuku tenemba kuyarna.

²⁶ Gabat sungo Feliks kaiye.

²⁷ Zu mbal nane tanjo te biye timba balewam bafunaig le nu Romnu tanjo nginaig le ye pasa ta isen sulumba kame mbal afu kilmba kumba ka Zu mbal ngamuknye te-luka ten. ²⁸ Nane ame wam tuku tanjo te tumba pasa mbolnye palm-

bim bafunaig le ye tugunu isam tuku nu tumba ka nangine pilewanu mbal tugumnge te-tiwen. ²⁹ Ye nane tuku pasa gabat isen ta nu balewam tuku ko mulintam tuku kanjer ndawen. Nu Zu mbal tuku tukul afu lukakina ta tuku ndo nu tumba pasa mbolnge pilnaig. ³⁰ Ailfu Zu mbal nu balewam tuku pasa katnaig ta andenge kite ye sayat le ye pitik ndo kame mbal kukulninget le nu tumba ne tugum prode. Zu mbal afu Paulus tuku gubra nak ta nane ndek kumba ne ndonj te-tiwam tuku saningen.

Not ndo.

Ye Klaudius Lisias.

³¹ Kame mbal nu tuku wam pagu pasa kumumba furir Paulus tumba kumba ka Antipatris tumbranj sungo mbol pronaig. ³² Mafena le kame mbal luka nangine wande sungo mbol Yerusalem kinaig le hos nak mbal ndo Paulus mindemba tumba Sesarea kinaig. ³³ Kumba ka Sesarea promba Paulus tumba gabat sungo Feliks wai mbolnge pilmba wane turmba tunaig. ³⁴ Nu wane ta yaika burkina sulumba nu ndek Paulus kusnana: Ne anikok ngina le ye Silisianu ngina. ³⁵ Tanjakina le nu sana: Nane ne pasa mbolnge pilnaig mbal te prowaig le ye ne tuku pasa te-tiwi ngina. Tanjamba nu kame mbal saningina le Paulus tumba Herodus nu wande sungo pilna ta sinamnge pilmba kulatkinaig.

24

Paulus nu Feliks tugumnge pasa kuklina

¹ Paulus nu mara 5 Sesareange minna le pris sungo Ananias Zu mbal tuku tanjo mage mage

turmba Yerusalemnge ndek Sesarea pronaig. Tango ande pasa te-tiwam tuku kila sungo nak nyunu Tertulus nu ndonj pronaig. Pro gabat sungo tugumnge nane Paulus tumba pasa mbolnge pilnaig.

² Gabat sungo ta Paulus wikina le Tertulus nu Paulus mbarna nga tenenmba sakina: Feliks singine gabat sungo, ne kilke te kulat mayete le sine kame kugatok mineg. Ne manau najgonu afu kanjerka kile-tidinga manau kitek magenu tumsingit. ³ Ta tuku sine Zu mbal ma nakmba mbolnge ne tuku sakeg. ⁴Ye ne tuku ait puram idus ndawet. Ye pasa fagnu ndo ne isam tuku sanamngit.

⁵ Tango te nu maim maim tugu. Nu ma nakmba mbolnge Zu mbal tetkate le nane ngamuknge kame pulukate. Zu afu singine manau kusrekade le sine nane Nasaretnu ngeg ta nu nane tuku gabat minit. ⁶ Ta ndo kuga. Nu sine tuku kusem wande sungo kutur pile tambim bafuna le sine nu biye tigenj. Nu biye timba singine tukul manau mbolnge nu tuku pasa pilingam sakigenj ta ⁷ kame gabat Lisias nu pro nuje kame mbal saningina le nane sine tuku wai mbolnge nu tumba kinaig. ⁸ Sine nu tuku pasa nak mbal sine ne tugum promba pasa te-tiwam sasingina. Nuje mbar nakmba sakeg te ne nu kusnawa ta sanuwa le isamngat nga Feliks sana le ⁹ Zu mbal afu Tertulus turmba pasa tugu ndindo Paulus tuku sakinaig.

¹⁰ Tanjakinaig le gabat sungo Feliks gabatmbi saka ngina le Paulus ndek nu sana: Gabat sungo, ne yar gudommba sine Israel mbal tuku pasa pilingate. Ta tuku ye yije pasa ne isam tuku piti kugatok

sanamngit. ¹¹ Ye Kuate tuku nyu te-dunja nu mbarinam tuku Yerusalem prowen ta mara 12 kuganaig. Ne nane afu kusnaniŋa ta pasa ndui ta isamngat. ¹² Yerusalem kusem wande sunjo mbolŋge ye ande ndoŋ pasambi munju tulinŋen le kanjer ndanaig. Kusem wande fonfon ko tumbran sunjo sinamnge tanjo pino sisenninganu wam ta mata ke ndaken. ¹³ Ye mbaranu pasa ta nane tugunu te-mayoke fugude.

¹⁴ Nane pasa ande ne sanaig ta son. Yesus tuku manau yabrikanu ngade ta ye nu dubimba manau tamba sine tuku mbun kame tuku Kuate mbarinjet. Ye tukul pasa tuan tanjo tuku kuyar turmba son njet. ¹⁵ Zu mbal nane tanjo magenu njaigonu kumwaig le Kuatenge kile-tidingamngat nga idusde ta ye mata tanjamba iduset. ¹⁶ Ta tuku ye mara mara Kuate am mbolŋge tanjo pino am mbolŋge manau tinjeknu kam tuku ndo idusmba matuk tukulket.

¹⁷ Ait kuenu ye Yerusalem kanjer ndamba ailfu ndo yiŋe mbal turkam tuku ye ndametin kilmba Kuate atraukam tuku prowen. ¹⁸ Ye Kuate atraukam tuku ngarosu minyanja ka kusem wandeŋge minen le nane ye kanjeryinaig. Ye tanjo gudommba ndoŋ zigna minen le kanjer ndayinaig. Asianu Zu afu pro tanje ye te-silikinaig ta ¹⁹ nane kile aninge minig? Nane ye tuku pasa njak ndeta pro ne tugumnge sakuwaig.

²⁰ Ye Zu mbal tuku pasa pilewanu sugo tugumnge pasa kukliwen ta tanjo kame tenge minig ta nane isnaig. Nane ye tuku pasa ande isnaig ndeta kile sanuwaig. ²¹ Ait ta ye nane ngamuknge wika saken: Kumanu mbal man

abonŋa tinunŋaig ngen. Ta tuku nane ye pasa mbolŋge pilnaig inde nŋa Feliks sana.

²² Feliks nu Yesus dubinaig mbal tuku maŋau buk kila pilna tukunu nu nane tuku pasa te-ibenŋmba saninŋina: Tanŋaig. Kame gabat sunŋo Lisias te prowa le ye tane tuku pasa te-tiwamŋgit nŋina. ²³ Tanŋakina sulumba nu kame mbal tuku gabat sana: Tane Paulus tumba kumba kulatkap. Nu sunŋomba tukul ndamba nuŋe gulab afu nu turam tuku peu ndaniŋgap nŋina.

²⁴ Ait afu kuganaig le Feliks nu piyo nuŋe Drusila ndoŋ luka pronaik. Piyo nuŋe nu Zunu. Feliks nu Paulus wikina le nu nale tugum promba Kristus Yesus tuku sanŋri tomba tinŋam tuku wam sanikina. ²⁵ Maŋau tinŋreknu nzali nŋaigonu towam tuku Kuate nu sine nŋakmba pilesinŋam tuku maŋau ta nŋakmba sakina le Feliks nu kuru-kuruka Paulus sana: Ye ait ande mayenu kanŋgermba ndeta ne maŋ wikamŋgit. Kile ne kaye nŋina. ²⁶ Feliks nu wamdus ande tina ta teŋenmba. Paulus tuku ndametinŋ ande ake didika tumba nu muli wandekŋge paskam idusmba nu mara gudommmba Paulus wika nu ndoŋ pasa-pasakanu.

²⁷ Yar armba kugana le Porsius Festus nu Feliks tuku ma tina. Feliks nu nuŋe piro kusremba Zu mbal nu nzaliwaig nŋa Paulus muli wandekŋge kusrena le minna.

25

Paulus nu Festus tugumŋge pasa kuklina

¹ Festus nu piro tugu pilna le ait kenŋmba kinaig le nu Sesarea kusremba mbumba Yerusalem kina.
² Nu kumba ka Yerusalem prona le pris gabat mbal

Zu tanjo nyu ŋak nane pro Paulus nu mbarna ŋga Festus sanaig. ³ Paulus nu pro Yerusalemŋge pasa te-tiwa ŋga nane nu sarsarumba minnaig. Nane Paulus tumba kuwaig le ndinŋge balewam idusmba tanjamba nu kusnamba minnaig le ⁴ Festus nu nane saninŋina: Kuga. Paulus nu Sesareanŋge muli wandekŋge minit. Ait afu ku-gawaig le ye mata ndek kanŋit. ⁵ Tane tanjine tanjo nyu ŋak ŋak ye ndon kumba ka nziŋge tane Paulus tuku pasa ŋak ndeta nu tumba pasa mbolŋge palpe ŋgina.

⁶ Festus nu Yerusalemŋge mara 8 ko 10 kuganaig le maŋ luka Sesarea ndek kina. Zu mbal afu mata nu dubimba ndek kinaig. Mafena le Festus nu pro pilewam tuku mbili mbolŋge minyoka afu saninŋina le Paulus tumba pronaiŋ. ⁷ Tumba pronaiŋ le Zu mbal Yerusalemŋge ndek kinaig ta nane Paulus te-ŋgamumba mbar maŋau sugo afu kanu ŋga sakinaig ta tugu bitekŋge fugunaig.

⁸ Kile Paulus nu nane tuku pasa lafumba sakina: Ye Zu mbal tuku tukul ko kusem wande sunjo ko Sesar tuku nyu mbolŋge mbar ande ke ndaken ŋgina. ⁹ Tanjakina le Festus nu Zu mbal nu nzali-waig ŋga nu Paulus sana: Ne mbumba Yerusalem kaye le ye ka ambenŋge ne tuku pasa te-tiwi e ŋga kusnana kande ¹⁰ Paulus nu sakina: Ye mbumba Yerusalem kine nda. Rom gabat sugo pasa pilewanu wande noten. Tenŋe ye tuku pasa te-tiwap. Ye Zu mbal tugumŋge mbar ande ke ndaken ta ne mata kila. ¹¹ Ye tanjo ŋayonu mbar ande kumba ta ye kumam kumuŋ. Zu mbal nane yabri pasa ndo sakade. Ande nu ye tumba nane tuku wai

mbolŋge palmbim kumuŋ kuga. Ye Sesar tugum kumba pasa te-tiwam tuku iduset ŋgina.

¹² Tanakina le Festus nu ka nuŋe gabat kame ndoŋ pasata nu Sesar tugum kuwa e ko nda kuwa ŋga saka nane tuku wamdus ismba pro Paulus sana: Ne Sesarŋge ne tuku pasa iswa ŋga sakat not ndo. Ye ne kukulni le Sesar tugum kaŋgat ŋgina.

Mandor Agripa nu Festus tugum pronā

¹³ Mara afu kuganaig le mandor Agripa piyo nuŋe Bernise ndoŋ gabat sungo kitek Festus kaiyewam tuku pronāik. ¹⁴ Nale nu ndoŋ tanŋe minnaig ma ma Festus nu Paulus tuku Agripa sana: Ailfu gabat sungo Feliks nu kambim ŋga tanŋo ande muli wandekŋge kusremba kina. ¹⁵ Ye mbumba Yerusalem kan le pris gabat kame Zu mage mage tanŋo ta mbarna ŋga sayumba lafu ŋayonu tawe ŋginaig le ¹⁶ ye nane saninŋen: Sine Rom mbal tuku maŋau tanŋo ande mbarte le ande nu pasa mbolŋge pilit ta nale kumu kumu tinŋa pasatade. Nu tuku pasa ismba ndo lafunu tuweg ŋgen. ¹⁷ Nane ye ndoŋ te pronāig ta ye dal ndaken. Mafena le ye pasa pilewam tuku mbili mbolŋge minyoka saninŋen le Paulus tumba pro sine ŋgamukŋge te-tinaig. ¹⁸ Tanānaig le nu pasa mbolŋge pilnaig mbal nane tinŋa Paulus nu mbar sungowanu sakinaig le mbar ande ŋayonu kanu ŋga idusen ta ye kaŋger ndawen. ¹⁹ Nane Paulus ndoŋ nanŋine maŋau tuku wamdus purkinaig. Tanŋo ande nyunu Yesus kumba maŋ tinŋanu sakina le nane nu nda tinŋina ŋga nu tuku gubra tinaig.

²⁰ Ye nane tuku pasa te-tiwam tuku ndin inum kaŋger ndamba nu ka Yerusalemŋge pasa te-tiwa

nga sawen ta nu mbulna. ²¹ Nu muli wandeknge minmba Rom gabat Sesarnge nu tuku pasa isam tuku sakina. Ta tuku nu muli wandek sinamnge minwa le ndin ande kanjermba nu kukuli le Sesar tugum kuwa nga minde minet nga Agripa sana.

²² Kile Agripa ndek Festus sana: Ye mata tango ta tuku pasa isam nzaliyate ngina le Festus nu sakina: Ata. Indole ne isamngat ngina.

²³ Mafena le Agripa nale Bernise ndonj nakile tawi magenu silika mindepiye mayemba manjur ma mbol pronaiik. Kame mbal tuku gabat sugo sugo Sesarea nyu nak mbal mata pronaiig. Nane nakmba manjurkinaig le Festus nu afu kukulningina le Paulus tumba pronaiig. ²⁴ Pronaiig le Festus nu sakina: Mandor Agripa, tane nakmba tenge minig mbal tane isap. Tango te kanjerap. Zu mbal Yerusalemnge afu tenge nane nakmba mara mara minje fetka tango te njayonu balewa nga sayumba minig ta ²⁵ ye nu balewam tuku mbar ande kanjer ndawen. Nu gabat sunjo Sesar tugumnge pasa tetiwam sayina tukunu ye nu kukuli le Sesar tugum kuwa nga idusmba minet ta ²⁶ ye tango te ame wam mbarna ta singine gabat sunjo saki le iswa. Ta tuku mandor Agripa tane nakmba nu tuku pasa isap nga nu wikit le te prowat. Sine nakmba nu tuku pasa ismba nu ame manjau mbarna ta kila pilmba ye Sesar tuku waje ande kuyaramngit. ²⁷ Ake kukuli ta mayenu kuga. Nu mbarna ta turmba kuyaram tuku nga Agripa sana.

26

Paulus nu Agripa tugumnge pasa kuklina

¹ Kile Agripa nu Paulus sana: Ne nane wam kube saka le sine isbe ngina. Tanakina le Paulus nu pasa tugu palmbim nga wai kuitka sakina: ²⁻³ Mandor Agripa, Zu mbal tuku mine manau ta ne kila. Ta tuku Zu mbal nane ye mbaranu nga sakade ta ye ne tugumnge sakam tuku gareyate. Ye tuku pasa te mbule ndaka isa.

⁴ Ye Yerusalemnge yije mbal ndon kiño ndo minmba ka sungoken. Zu mbal nakmba ye tuku mine kila. ⁵ Ne nane kusnanga le ye Farisi tuku manau dubiken ta sanamngaig. O buk nane wam ta kila minnaig. Sine Farisi mbal sine Zu mbal nakmba linimmba tukul pasa dubikam tuku matuk tukulkeg. ⁶ Kuate nu kumanu mbal tingamngaig nga singine mbun kame saningina wam ta ye sungomba iduset. Ta tuku ye pasa mbolnge minet.

⁷ Sine Zu mbal tugu 12 nakmba ki furir pasa ta idusmba Kuate mbarimmba alonu tairnga mineg. Ye alonu ta kangeren nga saket. Ta tuku Zu mbal ye tumba pasa mbolnge pilnaig. ⁸ Ndanam tane Kuate nu kumanu mbal kuagnekam kumun kuga nga idusde?

⁹ Ye mata Nasaretnu tango Yesus tuku piro Yerusalemnge nayo silimba ye wam mayewet nga idusen. ¹⁰ Pris gabat mbal nyu sinaig le ye nu tuku mbal mulin kilmba wandeknge patiken. Afunge nane pasa mbolnge kile-tidinga baleningam saki-naig ta ye mata woken. ¹¹ Kusem wande mbolnge nane Yesus tuku nyu nayo siliwaig nga piro karen ningen. Nane afu kua kinaig le ye gubra kagli firka nane dubika kasomok mbal tuku tumbrañ sugo yimyam mbolnge sota liken.

¹² Mara ande pris gabat mbal ye Yesus dubinaig mbal bige tidinḡam tuku nyu sinaig le ye Damaskus kambim tuku kan. ¹³ Ye ndin dubimba kumba ka ki mbilam bafuna le samba mbolḡge bulu sunḡokanu ki tuku bulu limba mayok kina sulumba mbal ye ndoḡ kageḡ ta ḡakmba kilḡasingina. ¹⁴ Kilḡasingina le sine kilke mbolḡge ndek tiriturugeḡ le miḡge pasa ande Hibru pasambi sayina: Saulus, Saulus, ndaḡam tuku ne ye ḡayo siliyate. Ne baflo taḡaḡ naḡe nzali dubite le naḡe kulat taḡoḡge katnate le rar kamuste ḡgina le ¹⁵ ye nu kusnawen: Sunḡo, ne imaḡge ḡgen le nu maḡ sayina: Ye Yesus ne ḡayo siliyate ta. ¹⁶ Kile ne tiḡga. Ne ye tuku piro biyamba wam kaḡgerkat te afu maḡ tumni le wam ḡakmba ta nane afu saninḡam tuku ye ne tugum mayok kat. ¹⁷ Ye ne kukulni le Zu mbal kasomok mbal tugum kaḡgat. Nane ne ḡayo silinam iduswaig le ye ne turni le ne ḡayo siline nda. ¹⁸ Ne nane wamdus purfeu serninḡa le ma make tuku maḡau kusremba bulu mbolḡge prowam tuku ne kukulnet. Nane Satan tuku saḡri ḡakmba kusreka Kuate tugum kuwaig le nu nane tuku une sauke niḡguwa le nane Kuateḡge madiniḡina mbal ndoḡ ulendikaḡgaig. Ta tuku ne kukulnet ḡga sayina.

¹⁹ Mandor Agripa, ye samba mbolḡge pasa sayina ta ye dubi mayewen. ²⁰ Ye ambonḡa Damaskus mbal tugumḡge pasa kuklimba nane ḡgamunḡal biye mbilmba naḡgine maḡau ḡaigonu kusreka Kuate dubimba maḡau kitek ta tuku alonu kile-mayokkuwaig ḡgen. ḡgumneḡga ye Yerusalemḡge Yudea ma tugu ḡakmba mbolḡge kasomok mbal turmba ḡgamukḡge pasa ndui ta

kuklimba saniŋgen. ²¹ Wam ta tuku Zu mbal nane ye kusem wandekŋge minen le ye biye tiyumba baleyam sakinaig.

²² Baleyam sakinaig ta mara mara Kuate ye turyumba ka kile turyate le tane nyu ŋak mbal nyu kugatok ŋgamukŋge pasa kukliwet. Moses tuan taŋgo ŋakmba wam prowam tuku buk sake likinaig ta ndo kuklimba saket. Ye pasa kise sa ndaket. ²³ Pasa ta teŋenmba. Kristus nu rar suŋgo tuwa sulumba kumanu mbal ti ndaŋguwaig le nu ambonŋa tinuŋgat. Taŋawa sulumba nu Zu mbal kasomok ŋakmba kilmba bulu mbolŋge patikamŋgat ŋga Agripa sana.

²⁴ Paulus nu taŋamba sana le Festus nu kuenŋka sakina: Paulus, ne itulu ŋginŋgankate. Ne waŋe burka kila suŋgo tina tambik ne itulu ŋginŋgankam bafute ŋgina le ²⁵ nu lafumba sakina: Gabat suŋgo Festus, ye taŋgo itulu ŋginŋgankade taŋaŋ kuga. Ye pasa purfeŋnu tugusek ndo saket. ²⁶ Mandor Agripa, ye pasa saket te ŋakmba ne kila. Ye wam kubeu tiŋget te kuirka pro ndanaig. Ne o buk isna. Ta tuku miŋge bulokmbi ne sanet. ²⁷ Ye ne kusnanet. Ne tuan taŋgo kame tuku kuyar son ŋgate e? Ne son ŋgate ta ye kila ŋgina.

²⁸ Taŋakina le Agripa nu sana: Ne ait fagnu ndo pasa sayate ta mbolŋge ye pitik ndo Kristen mayok kinet ŋga ne iduste e ŋgina le ²⁹ Paulus nu sana: Ne tane ŋakmba teŋge minig tane pitik ndo ko gitmba mbilka ye minet teŋen mayok kambim tuku ye Kuate suŋgomba yabaŋet. Ye muliŋtanu minet teŋenmba minap ŋga idus ndawet ŋgina.

³⁰ Tanjakina le mandor Agripa gabat sunjo Festus piyo nuje Bernise nane tanje minnaig mbal njakmba tinginaig. ³¹ Tinga mayok ka nangine nangine saka ismba tanjo te kumam tuku ko mulintam tuku wam ande kanjer ndagig nga saka kinaig. ³² Kumbanje Agripa nu Festus sana: Tanjo te Sesarne nu tuku pasa te-tiwam tuku sakina. Kuga kande kile paska pitaiwet kande ngina.

27

Paulus nu Rom kuwa nga kukulna

¹ Gabat kame nane Paulus wan ponga Itali kilke mbol kuwa nga nu mulin kilanu tanjo afu ndon kilmba kame gabat ande wai mbolnje patikinaig. Kame gabat nyunu Yulius. Nane Sesar tuku kame mbal. Ye Lukas nane ndon kan. ² Wan inum Asia ma tugu mbolnje kundu mindek iben ka kambim bafuna le sine pongigen. Wan ta Adramitium tumbran sunjo mbolnje minna tuku. Masedonia tanjo Aristarkus nu Tesalonikanu nu sine ndon kagen.

³ Sine kumba mafena le Sidon tumbran sunjo mbolnje iben kagen. Tumbran tanje Yulius nu Paulus mbolnje wam mayemba nuje gulab kame afu sotuwa le turwaig nga sana le sine kagen. ⁴ Luka pro wan ponga kumba bubre tumailamnje prona le sine bubre kua ka Siprus nuy najam kumam limba kagen. ⁵ Kumba ka Silisia le Pamfilia ma linimba ka Lisia ma tugu tumbran sunjo Miranje iben kagen le ⁶ tanje wan inum Itali kilke mbol kambim bafuna le kame gabat nu wan ta tesilikina le sine njakmba wan ta ponga kagen. Wan

ta Aleksandria tumbran sungo mbolnge minna tuku. ⁷ Kumba ka bubre fare fare prona le sine minde bada sungoka gitmba ka Nidus tumbran sungo patugen. Pakarka kambim tuku bubrengge tukulsingina le sine kumba ka Kreta nuy ndinam kumam kumba piyal make make kagen. ⁸ Piyal make dubimba minde bada sungoka kumba ma ande nyunu Kundu Mayenu tanje iben kagen. Ma ta tugumnge tumbran sungo ande nyunu Lasea minna.

⁹ Zu mbal nyamagan kusrekanu ait sungo buk kugana le sine dalka mingen tukunu Paulus nu bubre sungo tingam tuku ait prote nga nu ndek nane saningina: ¹⁰ Tango kame, sine wan ponga man kambim bafube ta sine piti ande tesilinungig. Agan ndende wan jak sine tango turmba ngisinungig. Ye tanamba kamusmba saket ngina kande ¹¹ kame gabat tango nu Paulus tuku pasa nda isanu sukmba wan kulat tango wan miro nale tuku pasa ndo ismba dubina.

¹² Sine Kundu Mayenunge mingen ta bubre ait mbolnge mine mayewam kumun kuga tukunu nane gudommba kambim saka sine Feniks kine tumbe nginaig. Feniks nu nuy ta tuku kundu ande. Ma ta bubre kua ka mine mayewam kumun. Nane tanje bubre ait kugawa nga tairnga minam sakinaig. ¹³ Bubre taleu fudinmba fitna le ariya kile sine kab nga saka anga didika Kreta nuy make make kagen.

¹⁴ Sine kumba dir kagen le Kreta nuy kumamnge bubre sungo ndekina. Bubre ta nyunu Dunje Yawan. ¹⁵ Ndeka wan kaduna le sine wan mbilmba yalmbim fugumba tanaig ngigen

le bubrenge sine mbitisingina le kageŋ. ¹⁶ Sine kumba ka ka nuy ande fudiŋdo nyunu Kauda nd-inam kumam kumba make make kageŋ ta minde bada sunŋoka diŋgi ŋgisikikat ŋga te-mbolmba waŋ mbolŋge pilgeŋ sulumba kageŋ. ¹⁷ Diŋgi te-mbolmba waŋ fetkikat ŋga nane ŋgirpenu muli kareŋnumbi kuse likinaig. Afrika ma paranu mbolŋge waŋ ndiŋkikat ŋga kuru-kuruka lai kile-ibenkinaig le bubrenge waŋ mbitina le kageŋ. ¹⁸ Bubre yu sunŋo tiŋga sine kilmba kulisokŋga ka mafena le waŋ bulkam tuku agaŋ ndende afu yu pankinaig. ¹⁹ Kumba ka maŋ furirmba mafena le naŋgine waimbi waŋ tuku agaŋ afu pankinaig. ²⁰ Kageŋ ka ait afu ma dabuka pa guwa tiŋgina le sine ki mbai kaŋger ndakigeŋ. Bubre yu suk suk nda tiŋga sine kilmba kublisingina le sine wamdus mayenu pro kinaig le ŋgisikaŋgig ŋgigeŋ.

²¹ Nane ait kuenu isukuse ndakinaig le Paulus nu nane ŋgamukŋge tiŋga saningina: Tango kame, tane ye tuku pasa ismba Kreta nuy mbolŋge mingeŋ kande sine piti teŋen te-sili ndaka waŋ mbolŋge agaŋ ŋakmba kumumbi minig kande. ²² Tane wamdus fulil ndaka saŋgri tiŋgap. Sine tango ŋakmba ŋgisike nda. Waŋ ndo ŋgisikaŋgat. ²³ Ye Kuate tuku tango ye nu mbariŋet tuku. Furir nu eŋel ande kukulat le pro ye sayat: ²⁴ Paulus ne siŋka gabat sunŋo Sesar tugum kaŋgat. Ne kuru kuru ndaka. Kuate nu ne turnuwa le ne mbolŋge nane ŋakmba mine mayewamŋgaig ŋgina. ²⁵ Ye Kuate tuku saŋgri tomba tiŋget. Nu pasa sayat ta kumuwaŋgat. Ta tuku tane wamdus fulil ndaka saŋgri tiŋgap. ²⁶ Bubrenge waŋ mbitiwa le nuy

ande mbol prowamngat ngina.

²⁷ Kusem armba kugana le furir ait ta sine Adria yu mbol fare fare pinderka kumba furir ngamu wanj tuku piro mbal sine kilke ande patuweg kande nga idusmba minnaig. ²⁸ Tanamba nane ndek muli aganj ande pitinu njak yu butonu kate-sewam tuku buknga didika burka 40 mita tananj kanjernaig. Manj dirdirka kumba buknga didika burkinaig ta 30 mita. ²⁹ Wanj tuku piro mbal mbunj mbolnge wanj fetkikat nga wanj pine mbolnge anja baikamba pankinaig sulumba ma purfewa nga yabanmba minnaig.

³⁰ Kile wanj tuku piro mbal kua kambim saka anja afu wanj ndumor mbol pankam kinge nga dingi kuklimba yu mbol pilnaig le ³¹ Paulus nu kanjerka kame mbal nanjine gabat turmba saningina: Nane si wanj kusrewaig ta tane ngisinunjaig ngina. ³² Tanakina le kame mbal dingi tuku muli pike pugurkinaig le ake faitka kina.

³³ Mafewam patukina le Paulus nu nane isukuswaig nga sarsarninmba saningina: Tane kusem armba ngisini tuku wamdus fulilka nyamaganj afu tugusemba nye ndakinaig. ³⁴ Tane nyamaganj afu kilmba nyap nget. Nyamaganj ta tanjine ngarosu sanjri pilewam tuku. Sine kume nda. Njakmba mage minamngig nga saningina. ³⁵ Nu pasa ta sakina sulumba nu bret afu kilmba Kuate gare pasa tuna sulumba nane njakmba am mbolnge fetfetmba nyina le ³⁶ nane wam ta kanjermba wamdus bulkinaig le nane mata nyamaganj afu kilmba nyinaig. ³⁷ Sine wanj mbolnge mingenj mbal ta 276. ³⁸ Nane njakmba

isukusnaig sulumba waŋ bulkuwa ŋga wit ŋakmba kilmba yu pankinaig.

³⁹ Mafena le ma ande kaŋgermba ŋginŋanka kundu ande kaŋgermba sine ka sinje ibeŋ kambim tagobe ŋginaig. ⁴⁰ Nane ndek aŋga ŋakmba muli pike pugurka kusreka ulum muli kuklinaig sulumba kile ndumor mbolŋge lai ta kuklimba teduŋga piyalŋge ibeŋ kambim tuku kageŋ. ⁴¹ Kageŋ ka yu tonjel tinjanu ma ta mbolŋge waŋ ma paranu poŋga ndiŋkina le yu mbalo sugo sugo tinja waŋ pine kumam katnaig le fetkina. ⁴² Fetkina le muliŋ kilanu mbal ibeŋ ka kua kubekaig ŋga kame mbal nane bale farkam bafunaig le ⁴³ kame mbal tuku suŋgo nu Paulus turam tuku idusmba nane tuku wamdus muku serniŋgina. Taŋamba nu sine ŋakmba sasiŋgina: Tane kage kila mbal ambonja patenja kageka kape. ⁴⁴ Tane kage gilai mbal ail baŋ ko waŋ tuku ail isu afu kilmba kageka kape ŋgina le sine ŋakmba kageka kumba ka piyalŋge kumumbi promba ibeŋ ka tabek kageŋ.

28

Paulus nu Malta nuy mbolŋge minna

¹ Sine ŋakmba kumumbi tabek kageŋ sulumba nuy ta nyunu Malta ŋginaig le isgeŋ. ² Yamban mbal nane sine kulat magekinaig. Sawe piyamba murke suŋgo prona le nane pa dikŋga sine pa likam tuku sasiŋginaig. ³ Sine pa likmba minmba Paulus nu pa afu kilmba maŋgurka pa mbolŋge patikina le kame mbeŋ ande pa kamusmba mayok ka Paulus wainu make ndiŋna. ⁴ Taŋana le Malta mbal nane Paulus tuku wai mbolŋge mbeŋ

kuikɲga minna le kaɲgermba naɲgine naɲgine ndek sakinaig: Nu taɲgo balewanu taɲgo. Yu mbolɲge ɲgisi ndakat ta kile nuɲe mbar tuku mbenɲge makewat ta kile kumamɲgat ɲginaig. ⁵ Taɲakinaig le Paulus nu ndek wai pareɲ-pareɲna le mben pa mbolɲge ndekina le nu maye minna.

⁶ Kile Malta mbal nane nu tuku wai fulilkamɲgat e ko nu am purwa le ndekamɲgat e ɲga idusmba nu kaɲgermba minnaig. Taɲamba idusmba minnaig ta Paulus tuku ɲgaro mbolɲge maɲau ande mayok ndakina le nane wamɲdus mbilmba saki-naig: Nu mbara ande ɲginaig.

⁷ Nuy ta tuku gabat sunɲgo Publius. Sine nu tuku kilke patumba tabek kageɲ. Publius nu sine kilmba mara keɲmba nu sine kulat magekina.

⁸ Ait ta mbolɲge Publius tuku mam nuɲe nu guaze sunɲgo ɲak minna. Nu ɲgaro pa tiɲga pinem ndare ɲak kumba minna le Paulus nu tugum kumba Kuate yabaɲmba wai nu mbolɲge patikina le mayekina. ⁹ Mayekina le nuy ta tuku guaze mbal afu isnaig sulumba nane Paulus tugum pronaig le nu nane wakeikina le ɲakmba magekinaig. ¹⁰ Magekinaig sulumba nane maɲau gudommba sine mbolɲge ke likinaig. Taɲamba ɲgumneɲga kambim bafugeɲ ait mbolɲge sine agaɲ ndende kugatok ta kumumbi kilmba sine siɲginaig.

Paulus nu Rom kina

¹¹ Aleksandria tumbraɲ sunɲgo tuku waɲ ande bubre mindemba Maltanɲge minna. Naɲgine mbara sunɲgo Sus tuku kiɲo armba kanunu wakeika waɲ ndumor mbolɲge patikinaig.

Tambun kenmba kuganaig le sine wan ta ponga kagenj. ¹² Kagenj ka Sirakusnge ibenj ka mara kenmba tanje mingenj. ¹³ Tanje tinga pikir-pakarka Regiumnge ibenj kagenj. Tanje ait ndindo mingenj le bubre ande sine ngumnemnge tingina le sine bubre ta sumba pinderka kumba ka furirmba mafena le sine Puteolinje ibenj kagenj. ¹⁴ Tumbranj sungo ta mbolnge Yesus tuku mbal afu kanjerkigenj le sine nane ndonj minam tuku sasinjaig le sine kusem ndindo nane ndonj mingenj. Tanjamba manj tinga ndinmba ka Rom tuku tumbranj fonfonj mbol progenj.

¹⁵ Romnge Yesus son nginaig mbal sine tuku pasa ismba afu ka sine Apias tumbranj manjurkanu ma mbolnge kanjersinjaig. Afu nane ka ma ande nyunu Badbaid Kenmba mbolnge kanjersinjaig le Paulus nu nane kanjerka Kuate gare pasa samba ngamungal bulkina. ¹⁶ Sine Rom progenj le Rom tuku gabat kame Paulus tumba mulintanu tanjo tanjan pile ndaka wande ande mbol pilmba kame tanjo ndindo nu kulatkuwa nginaig.

Romnge minnaig mbal pasa mayenu isnaig

¹⁷ Mara kenmba kuganaig le Zu mbal tuku gabat kame Romnge minnaig ta Paulus nu nane kilemanjgurka sanjina: Tira kame, Zu mbal afu Yerusalemnge ye tumba pasa mbolnge pilmba Rom mbal tuku wai mbolnge pilnaig. Ye sinjine mbunj kame tuku tukul ande luka ndawen. Sinjine tanjo inum mata njayo sili ndawen. ¹⁸ Rom mbal ye tuku manjau pilenga ye baleyam tuku mbar inum kanjer ndamba ye paska pitaiwam tuku sakinaig. ¹⁹ Sakinaig ta Zu mbal sanjri tinga Rom

mbal tuku pasa pitainaig. Ta tuku ye ndin ande kanjer ndamba Rom gabat Sesarŋge ye tuku pasa te-tiwa ŋgen. Ye yiŋe Israel mbal pasa mbolŋge patikam idus ndawet. ²⁰ Sine Israel mbal taŋgo ande pro siŋgine muskil kile-tidiŋge siŋgam tuku tairŋgeg. Ye taŋgo ta tuku saka minet sulumba muli wandekŋge minet. Ye tane ndoŋ pasatam tuku wike liken ta tugunu not ŋgina.

²¹ Tanakina le nane nu sanaig: Yuda mbal ne tuku maŋau ta tuku waŋe afu kuyarniŋmba sine kila sa ndasiŋginaig. Afu te prode ta mata ne mbaranu ŋga sa ndakade. ²² Ma ŋakmba mbolŋge Nasaretnu taŋgo Yesus tuku mbal maŋau ŋayonu dubide ta ndo sakade le iseg. Ta tuku sine ne tuku wamdus isam nzalisiŋgit ŋginaig. ²³ Tanamba nane nu ait ande tunaig.

Ait ta kumuŋgina le nane gudommba pro nu minna wande ta mbolŋge maŋgurkinaig le Paulus nu maratukuk pasa kuklimba minna le ki ka bu-tuŋgina. Nu Kuate nuŋe gageu kulatkate wam ta tugunu te-mayokmba nane Yesus kila pilmba son ŋguwaig ŋga nu Moses tuan taŋgo ŋakmba tuku kuyar tugunu bitekŋga saniŋgina. ²⁴ Tanana le nane afu pasa ta ismba son ŋginaig le afu nane talakinaig. ²⁵ Nane wamdus pur yimyamka kambim bafunaig le Paulus nu pasa ndindo tuturmba saniŋgina: Tukul Guwaŋge tuan taŋgo Aisaia wamdus tuna le nu siŋgine mbuŋ kame pasa ande saniŋgina ta nu mbar ndana. ²⁶ Nu tenenmba sakina.

Ne Israel mbal tugum kumba saniŋga:

Tane pasa isamŋgaig ta tugunu katesewe nda.

Tane wam afu kanjerkamŋgaig ta alonu

kanjer tiwe nda.

²⁷ Mbal te nane tuku ngamungal tukulok.

Nane kilba tukulningig. Nane am tukulok minig.

Kuga ta nane ammbi alonu kanjermba kilbambi
tugunu ismba wamdus puluninguwa le
ngamungal biye mbilmba ye tugum prowaig
le wakeikamngit. *Aisaia 6.9-10*

Aisaia nu tanjamba kuyarna ngina.

²⁸ Paulus man lato saningina: Zu tango, ye tuku
pasa te ise tiwap. Kuate nu tango tuku muskil
kile-tidinge ningit pasa mayenu ta kasomok mbal
tugum kinit. Nanenge pasa isamngaig ngina.

²⁹ Tanjamba saningina le Zu mbal nane wamdus pur
yimyamka kualeyauka sili-silinaig.

³⁰ Paulus nu yar armba Romnge wande miro
tango piya tumba minna sulumba afu nu tugum
pronaig mbal ta njakmba kilmba ³¹ Kuate nunge
gageu kulatkate pasa ta saningmba Sunjo Yesus
Kristus tuku nane njakmba saningmba tumningina.
Ande nu peu ndana.

Son.

KUATE TUKU PASA
Portions of the Old Testament and The New Testament
in the Siroi Language of Papua New Guinea
Sampela hap Buk Baibel long tokples Siroi long
Niugini

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 11 Nov 2022 from source files dated 22 Nov 2019

9d2e8659-afb4-5cca-93d8-23ebf89e1709